

Жеймс Хэдли ЧЕЙЗ

Гонконгдан келган тобут

Роман

БИРИНЧИ БОБ

1

Эндигина ишимни йифишириб, идорамни ёпмоқчи бўлиб турган ҳам эдимики, телефон жиринглаб қолди. Соат олтидан ўн дақиқа ўтган эди. Кун жуда зерикарли, оғир, бесамар ўтди: бирорта ҳам мижоз бўлмади, келган яккаю ягона хатни ҳам очиб кўрмасдан саватга улоқтиридим. Мана, ниҳоят, бутунги илк қўнфироқ. Шоша-пиша гўшакни кўтардиму:

— Нельсон Рейн, — дедим ишчанлик кайфиятида.

Ҳеч ким индамади. Гўшакдан самолёт моторининг гувуллаши эшитилди. Кулоқни қоматга келтирувчи бу овоз секин узоқлашиб, тинди. Афтидан, қўнфироқ қилувчи телефонхона эшигини беркитди.

— Рейн жанобларими? — сўради гўшакдан нотаниш эркак овози.

— Янглишмадингиз.

— Хусусий айғоқчимисиз?

— Яна янглишмадингиз.

Гапираётган одам жим қолди. Кейин:

— Вақтим жуда тифиз, — деди. — Мен аэропортдаман. Сизни ёлламоқчи эдим.

— Исм-шарифингиз ва манзилингиз?

— Жон Хардвик. Коннот хиёбони, 33.

Манзилини ёзарканман, сўрадим:

— Нима демоқчисиз, жаноб Хардвик?

— Хотинимнинг изидан пойланг, демоқчиман.

Яна реактив моторлар гувиллаши кучайиб, унинг овозини босиб кетди.

— Гапингизга тушунмадим, жаноб Хардвик.

У шовқин пасайишини кутиб турди, кейин шошилиб гапира кетди:

— Иш юзасидан ойига икки бор Нью-Йоркка боришимга тўғри келади.

Менинг йўқлигимда хотиним бежо қадам босаяпти, деган гумоним бор. Шуни бир пойлаб беринг. Мен эртадан кейин — жума куни келаман. Унинг мен йўқлигимда нима иш қилганини билмоқчиман. Бунинг хизмат ҳақи менга қанчага тушади?

Бундай топшириқдан унчалик суюнмадим, лекин бекорчиликдан кўра шундай иш ҳам ҳарна-да.

Русчадан
Файзи
ШОҲИСМОИЛ
таржимаси

Жеймс Хэдли Чейз — таниқли америка ёзувчisi, детектив жанри устаси сифатида машҳур. Унинг "Уйдан ташқари оқшом", "Буни қушларга гапир", "Шиша ичидаги панжа", "Мурда ҳам ўйнаб берсин" сингари романлари бутун дунё бўйлаб тарқалган. "Гонконгдан келган тобут" ҳам детектив жанрида ёзилган.

— Ўзингиз нима иш қиласиз, жаноб Хардвик?

— Мен “Херрон”данман, пластмасса билан шуғулланамиз.

“Херрон Корпорейшн” Тинч океан соҳилининг бу қисмидаги энг йирик концернлардан. Буни ҳамма билади. Пасаденада яшовчилардан қўпчилигининг шу концерн туфайли ошиклари олчи.

— Кунига эллик доллардан ҳамда харажатлар, — дедим мен одатдаги иш ҳақига ўн доллар қўшиб.

— Келишдик. Сизга ҳозироқ уч юз доллар жўнатаман. Хотинимдан кўз узманг. Агар у куни билан уйда ўтирадиган бўлса, кимлар келиб кетганидан боҳабар бўлинг. Эплайсизми?

Уч юз доллар эвазига бундан ҳам оғир топширикни уддаласа бўлади.

— Эплайман. Лекин хузуримга бир келолмайсизми? Жаноб Хардвик? Мен ўз мижозларимни кўришим шарт.

— Тушуниб турибман. Аммо сизга мурожаат қилиш фикри ҳозиргина миямга келди. Ҳозир Нью-Йоркка учиб кетялман. Жума куни хузурингизда бўламан. Хотиним эътиборингиздан четда қолмайди, деган умиддаман.

— Шубҳаланманг, — самолётнинг гувиллаши мени жим қолишга мажбур этди. — Ахир мен хотинингиз белгиларини билишим керак, жаноб Хардвик!

— Коннот хиёбони, 33, — такрорлади у. — Мени чақиришяпти. Кетишим керак. Жумагача!

Мен гўшакни илиб, сигарета олдим-да тутатдим.

Кейинги беш йил ичida хусусий айғоқчи сифатида ишлашимга тўғри келди. Шу пайт давомида турли тоифадаги ғалати кишиларга дуч келганман. Жон Хардвик ҳам ана шундайлардан биттаси бўлса керак. Афтидан, хотини кўпдан бери ўз қилиқлари билан уни бездиранга ўхшайди. Ундан шубҳаланаётган бўлса керакки, навбатдаги сафари олдидан бир синаб кўрмоқчи бўлгандир. Бундай воқеалар бўлиб туради. Лекин бу сафар мазкур воқеа негадир менга ёқмади. Умуман, сирли мижозлар менга ёқмайди. Ўзини кўрсатмай телефон қиладиганларни хуш кўрмайман. Ким билан иш олиб боришим кераклигини билишини яхши кўраман. Менинг бу сафарги нотаниш мижозим ўзини сир тутишга уринди. Қандай сир бор экан...

Бу жумбоқ сирини ечишга уринарканман, ташқаридан қадам товушлари эҳтиилди, эшикни тақиллатищи, кейин у оҳиста очилди.

“Экспресс”нинг хат ташувчиси столга қалингина боғламни ташлади ва имзо чекишим учун дафтарни чўзди.

Бу паст бўйли сепкилли йигитча эди. Ёш ташаббускорлар авлодига мансублиги шундоққина кўриниб турарди. Мен дафтарга имзо чекарканман, у менинг гарид кулбамни бошдан-оёқ кўздан кечириб чиқди. Унинг кулиб турган нигоҳидан шифтдаги хўл доғ, китоб жавонининг чанг босган бўлмалари, бир оёғи шалоқ стол, мижозлар ўтирадиган титифи чиқсан кресло, яланғоч кўқрак ва сонлар тасвиrlанган девор тақвимлари ҳам четда қолмади.

У кетгач, мен боғламни ечдим. Унда ўттизта ўн долларлик пул бор эди. Текис, аммо имзосиз қофозга қўйидаги сўзлар ёзилган эди: “Жон Хардвикдан. Коннот хиёбони, 33, Пасадена”.

Пулнинг шунчалик тез юборилгани мени ҳайратта солди. Кейин ўйлаб кўриб, Хардвик эҳтимол, “Экспресс Компани”нинг доимий мижозидир, деган қарорга келдим. У мен билан гаплашгач, дарҳол у ерга телефон қилган бўлса керак. Уларнинг идораси бўлса шундоққина яқинимизда, кўчамизнинг нариги томонида жойлашган эди.

Телефон китобида ҳеч қанақа Жон Хардвикни топмадим. Манзиллар маълумотномасидан Коннот хиёбони, 33 да Жон Хардвик эмас, балки Жек С. Майерс-кенжатой яшашини билиб олдим.

Вазият жиддий ўйлаб кўришни талаб этарди. Коннот хиёбони Палма Моунтейнга элтувчи йўлда, шаҳар марказидан таҳминан уч чақирим масофада жойлашганини эсладим. Бу дала ҳовли жойлари бўлиб, одамлар таътил пайтлар ўша ердан ижарага жой олардилар. Жон Хардвик ҳам худди шундайлардан биридир балки. Айни чоғда Жон Хардвик “Херрон Корпорейшн” аъзоси сифати-

да уйининг курилиб битишини кутиб, вақтинга Коннот хиёбонидаги Жек С. Майерс-кенжатойга тегишили 33-йини ижарага олган бўлиши мумкин.

Мен бу жойга атиги бир мартагина борганман. Унга ҳам анча бўлди. Одамлар ўша жойдан ҳовли жойлари сотиб олишни урушдан кейиноқ бошлишганди. Ўйларнинг кўпчилиги бир қаватли бўлиб, ярми гиштдан, ярми эса ёғочдан курилганди. Коннот хиёбонининг мафтункорлиги у ердан шаҳар ва денгиз яққол кўриниб турганлигида эди.

Бу иш ҳақида ўйлаганим сайин ундан ҳафсалам пир бўлар эди. Мен орқасидан пойлашим керак бўлган аёлнинг қандайлигини ҳам билмасдим. Агар менга уч юз доллар тўлашмаганида эди, то Хардвик қайтиб келгунинг қадар ишга киришмай турардим. Лекин у менга ҳақини тўлади ва мен унинг топширигини бажаришм керак эди.

Хонани беркитиб, лифтга йўл олдим. Кўшни хонада “Индастриэл Хемист” вакили жон куйдириб ишлаётганди. Қулоғимга унинг магнитофонгами ёки котибагами нималарницир айтиб ёздираётган товуши чалинди. Лифт биринчи қаватга оҳиста олиб тушди. Мен кўчани кесиб ўтиб, тамадди қилиш учун “бир зумда”га кирдим. Мен ҳар куни шу ерда овқатланардим. Буфетчи Спарроудан ветчина¹ ва жўжа гўшидан иккита сэндвич² тайёрлаб беришни сўрадим.

Балаңд бўйли, озғин, малла соч Спарроу менинг фаолиятимга жуда қизиқарди. У яхши йигит эди. Шунинг учун ҳам мен кишини даҳшатга соловчи айrim саргузаштларимга оид уйдирмалардан унга гапириб берардим.

— Бугун кечаси ишлайсизми, жаноб Рейн? — сўради у қизиқувчанлик билан сэндвич тайёрлар экан.

— Худди шундай, — дедим мен. — Кечани битта мижозимнинг хотини билан ўтказаман. Уни кечаси билан қўриқлаб чиқаман, бирор кор-ҳол бўлмасин деб.

Унинг оғзи очилиб, кўзлари бақрайиб турарди.

— Шунаقا дeng? Ўзи қанақа экан, жаноб Рейн?

— Сен Лиз Тейлорни кўрганмисан?

У бошини силкитди, олдинга энгасиб оғир хўрсинди.

— Мэрилен Монрони-чи?

Тутқаноғи бордай кекирдаги кўтарилиб туша бошлиди.

— Билсанг агар, бу уларнинг ҳеч қайси бирига ўхшамайди.

У кўзини пирпиратди, кейин ҳазиллаштаёттанимни тушуниб, хафа бўлгандек изтеҳзоли ишшайди:

— Ҳа, ҳамма жойга бурнингни тиқасанми, демоқчисиз-да?! Ўзи сўрамаслигим керак эди.

— Тезроқ бўлақол, Спарроу. Бугунги овқатим учун ҳали ишлашим керак.

У сэндвичларни қофоз халтага солди.

— Сиз ҳали пулини тўлаганингиз йўқ-ку, шошираяпсиз-а, жаноб Рейн?

Соат йигирма дақиқаси кам етти эди. Мен машинага ўтириб Коннот хиёбонига ҳайдадим. Шошилишимга ҳожат йўқ эди. Сентябр қуёшининг сўнгти нурлари тоф оша мўралаётганди.

Бир қаватли уйларни йўлдан тахта панжараси ёки яшил буталар девори тўсиб турарди. 33-йи ёнидан секин ўтдим. Оғир икки қанотли дарвоза берк эди. Кўча бўйлаб йигирма ярд³дан ошикроқ юргач, мўъжазгина бекатга кўзим тушди. Бу ердан денгиз жуда яхши кўриниб турарди. Мен машинани тўхтатиб, моторни ўчирдим. Ҳайдовчи ўрнидан йўловчи ўринидигига ўтдим. Шу ердан туриб икки қанотли дарвозани бемалол кузатса бўлади.

Кутишдан бошқа иложим йўқ эди. Бу борада эса мен устаси фаранг эдим. Борди-ю, сизни изқувар бўлиш орзуси ўлгудек қизиқтираётган бўлса, ўта сабртоқатли бўлиш кераклигини асло унутманг.

Орадан бир соат ўтди, ёнимдан уч ёки тўртта машина ўтиб кетди. Ишдан қайтаётган кишилар менга унча эътибор ҳам беришмасди. Мени мижози хоти-

¹ Ветчина — дудланган чўчқа гўшти.

² Сэндвич — парракланиб орасига гўшт солинган нон.

³ Ярд — 91 см, 44 мм.

нига пойлоқчиллик қилаётган айгоқчи эмас, балки танишини кутаётган ошиқ деб ўйлашларини истардим.

Машина ёнидан свитер ва тор чарм шим кийган қызы ўтиб қолди. Унинг олдида вовуллаб ҳар бир дарахтга ташланганча пудел югуриб борарди. Унинг тўла жуссасига тикилиб турганимдан қызы ўзини йўқотиб мен томонга қаради. Афтидан, мен уни унчалик қизиқтирмасдим.

Соат тўққизларда қоронғи қуюқлашди. Мен сэндвичларни еб, кўлқоплар кутисида сақланяётган шишидан бир оз виски ичдим.

Бу узоқ ва зерикарли кутишнинг охирни йўқдай туюлди. 33-уйдаги икки қопқали дарвоза сира очилай демасди. Тун қоронғусида ишга киришсам ҳам бўларди. машинадан чиқиб, кўчани кесиб ўтдим. Дарвозани очиб, яхшигина ишлов берилган чорбоққа мўраладим. Бир қаватли уйнинг олдидағи майдон ва гулзор, уйга олиб борувчи йўлак ва айвон гира-шира кўзга ташланарди.

Уйнинг ичи зимзиё эди. Афтидан, у ерда ҳеч ким йўққа ўхшайди. Бунга тўла ишонч ҳосил қилиш учун уйнинг атрофини айланаб чиқдим. Ичкарида милт этган ёргу кўринмасди.

Ҳафсалам пир бўлиб, машинага қайтдим. Эри аэропортга кетиши билан Хардвик хоним ҳам қаергадир жўнаб қолганга ўхшайди.

Нима қилиш керак? Эҳтимол кечаси уйга қайтиб келар. Бошқа илож йўқ. Машинага яхшироқ жойлашиб кута бошладим. Эрталабга яқин ўзим ҳам сезмаган ҳолда ухлаб қолибман.

Эрталабки күёш нурларидан уйғониб кетдим. Бўйним қотибди, белим букилмасди. Роса алам қилди. Виждан азоби қийнарди. Уч юз долларни ҳалоллаш ўрнига уч соат қотиб ухлабман-а...

Йўлда узоқдан сут ташувчи машина кўринди. Ҳар бир уй ёнида тўхтаб сут улашаётган кишини кузатиб турдим. У 33-уй ёнидан тўхтамай ўтиб кетди. Менинг рўпарамта келиб 35-уй олдида тўхтади.

У уй олдида тўхтаб, машинадан тушгач, ёнига бордим. Қари киши экан. Ҳаёти оғир меҳнатда қийин ўтгани юзидан билиниб турарди. У машинадан сут идишларини тушираркан, ҳайрон бўлиб менга қаради.

— Сиз 33-уйни эсдан чиқардингиз. Ҳаммага сут бериб чиқдингиз, лекин бу уйга бермадингиз-ку.

У менга бошдан-оёқ қараб чиқди. Ҳайрон бўлгандай елкасини қисди.

— Улар кетишган. Сенинг нима ишинг бор, хўжайн?

Бундай одамлар билан ҳазиллашмаган маъкул. Бунинг устига полициячилар билан тўқнашиш менга ҳеч маҳал яхшилик келтирмаган. Шунинг учун ҳам мен гувоҳномани олиб, унга кўрсатдим. У диққат билан кўздан кечирди-да, қайтариб берди.

— Сиз 33-уйни тақиллатмадингиз-а?

— Шундай, тақиллатмадим. Чунки уларнинг кетганига бир ой бўлди.

— Бу уйда ким яшайди ўзи?

— Жаноб Майерс ва хоними.

— Мен бўлсан энди бу уйда Хардвиклар яшаяпти, деб ўйлабман.

— Ҳозир бу ерда ҳеч ким яшамайди, хўжайн. Агар бирортаси бўлса, мен билар эдим. Сут ҳаммага керак. Бу ерда эса сут ташувчи ёлғиз менман.

— Тушунаман, — дедим мен, гарчи ўзим ҳеч нарсага тушунмай турсам ҳам.

— Жаноб Майерс уйини бирорта ошнасига берган бўлиши мумкин-ку.

— Мен жаноб Майерсни саккиз йилдан бери яхши биламан, ўзим сут билан таъминлаб тураман. У ўз уйига ҳеч кимни кўймайди. Ҳар йили худди шу пайтда бир ойга кетади.

У идишларини машинага ортди. Шошиб турарди. Ахир бошқаларга ҳам сут етказиб бериш керак эди-да.

— Сиз бу атрофда Жон Хардвик деган кимсани танимайсизми?

— Бу ерда унақа одам яшамайди. Агар бўлса мен билардим, — деди у бошини силкиб. Машинасига ўтириб, кейинги уйга ўтиб кетди.

Кўнглимдан “мен манзилни адаштирумадиммикин?” деган хаёл кечди. Йўғ-е, адашганим йўқ. Хардвик ўз ташриф қофозига ёзиб берди, бундан ташқари телефон орқали ҳам айтди-ку.

Кечаси билан кимсасиз уй ёнида ўтириб чиқишим учун уч юз доллар тўлариди? Балки, сут ташувчи янгилаётгандир. Йўқ, бўлиши мумкин эмас.

Мен яна 33-уйга келдим. Дарвозанинг бир табақасини очиб юбордим. Уйнинг ичкариси ёришиб кетди. У бўм-бўш эди. Деразаларига тахта қоқилганини кеча қоронфида сезмаган эканман.

Хайронман. Сирли Жон Хардвикка менинг бошқа иш билан чалғиб туришм имага керак бўлиб қолди? Нима сабабдан? Эс-хуши жойида одамнинг ўзига ёқмаган кишини ўн икки соатга чалғитиб туриш учун уч юз долларни шамолга совуришига ақл бовар қилмайди. Шундай бўлишига ҳеч ишонгим келмасди. Лекин кечаси билан ўтириб чиққаним алам қиласарди. Бирдан идорамга қайтиб боргим келиб қолди. Бу истак шу қадар кучли эдики, ювениб соқол олиш ва бир финжон қаҳва ичишни ҳам эсдан чиқариб, ишхонамга шошилдим.

Эрталаб йўл бўш эди. Соат еттига қолмай идорамга етиб келдим. Қоровул менга бепарво нигоҳ ташлади-да, тескари бурилди. Бу фалати одамнинг дунёни кўргани кўзи йўқ, ҳатто ўзидан ҳам безганди.

Мен бешинчи қаватга югуриб чиқдим ва даҳлиз бўйлаб қора сиёҳ билан “Нельсон Рейн, айғоқчи” деб ёзилган таниш эшикка шошилдим. Жон ҳолатда эшик дастасига ёпишиб, бурадим. Эшик қулфланмаган экан. Ҳолбуки, кеча кетаётиб мен уни қулфлаб кетгандим. Эшикни очиб, хонамнинг даҳлизига кирдим. У ерда титилиб кетган журнallар турган стол, шалоги чиққан тўртга кресло бор эди. Булар мижозларга куляйлик учун хўжа кўрсингагина қўйилганди.

Менинг хонамга олиб борувчи эшик қия очиқ турарди. Ахир кетаётганимда уни ҳам беркитиб кетган эдим-ку. Этим жимиirlab кетди. Фалати бир ҳолатда эшикни ланг очиб, ичкари кирдим.

Шундокқина олдимда мижозлар креслосида хушрўйгина хитой аёли ўтиради. Кўллари тиззасида. Яшил-кумушранг кўйлак кийган экан, этагидаги қирқимидан олпоқ сонлари кўриниб турарди. Кўриниши ўта хотиржам эди. Чап кўкрагининг устидан сизиб чиққан кичкинагина қон доги кўзга ташланди. Мен уни отиб ўлдиришганини тушундим. Бу ишни шунчалик тез ва усталик билан бажаришгандики, у ҳатто кўрқишига ҳам ултурмаганлиги сезилиб турарди. Ким отган бўлса ҳам жуда боплаб бажарган экан бу ишни.

Устимдан совуқ сув қўйилгандек бўлди. Ичкари кириб, унинг юзига қўлимни теккиздим. Унинг музлаб турган чехраси ўлдирилганига бир-неча соат бўлганидан дарак берарди.

Нафасимни ростлаб, телефон ёнига бордим ва полицияга қўнгироқ қилдим.

2

Полициячиларнинг келишини кутарканман, нотаниш мижозим жасадини дикқат билан кўздан кечирдим. Кўринишдан йигирма уч-йигирма тўрт ёшларда бўлса керак. Пулга эҳтиёжи йўқлиги кўриниб турибди. Устидаги қимматбаҳо кўйлаги, нейлон пайпоги, янги туфлиси шундан далолат берарди. Ўзининг ташки қиёфасига етарли эътибор берганига щубҳа йўқ; тирноқлари пардозланган, сочи хафсала билан турмакланган. Ким бўлди экан? Бундан сира хабарим йўқ эди. Қўлида сумкаси йўқ. Эҳтимол уни ўлдирган одам олиб кетганди. Шундай бир аёлнинг уйидан сумкасиз чиққанлигини сира тасаввур қиломайман.

Нотаниш аёлни обдон кўздан кечиргач, қўшни хонага ўтиб, полициячиларнинг келишини кутиб ўтиридим. Орадан ўн дақиқа ўтар-ўтмас қанд атрофини ўраб олган чумолилардай теваракни полициячи босди.

Энг охирида лейтенант Дан Ретник кириб келди. У билан танишганимга ўн йилдан ошиди. Бу исқирт кийинган, тулки тумшуқли пакана одам эди. Омади келиб, шаҳар ҳокимининг синглисига уйланганди. Шу сабабли полицияда лавозимга эга эди. Тешик пақирга ўхшаб, бирор фойдаси тегмасди. Бахтга қарши у шу лавозимга тайинланганидан бери Пасаденада йирик жиноят содир бўлмаганди. Бу биринчи қотиллик эди.

Шуни ҳам айтиб қўйяки, у оддийгина болалар жумбогини топишга қодир бўламаса-да, ўзини ладил ва қатъиятли полициячи қилиб кўрсатишга уринар-

ди. Ҳозир ҳам худди шундай бўлди. Ўзининг ҳамиша ҳозири нозир сержантни Пальский билан хонамга бостириб кирди.

Сержант Пальский — этдор, сержаҳл, митти кўзли, қип-қизил башарали, иякка туширишга шай турадиган тўқмоқ муштли давангир бир кимса эди. Унинг ақли Ретникнидан ҳам калтароқ (шунақаси ҳам бўларкан-да!) эди. Лекин у ақли калталигини зарбдор мушти билан тўлдирарди.

На униси, на буниси менга ҳатто қарамади ҳам. Ёнимдан ўтиб, ички хонага киришди ва ўлдирилган аёлни узоқ кўздан кечиришди. Кейин Пальский полициячиларга кўрсатмалар берса бошлади. Ретник бўлса ёнимга келди. У энди серташвиш ва умидсиз кўринарди.

— Ҳўш, ифлос, ҳаммасини гапириб бер-чи, — деди Ретник. — Бу аёл сенинг мижозингми?

— Бу аёлнинг кимлигини билмайман, бу ерга нега келганини ҳам билмайман. Эрталаб ўз хонам эшигини очиб, уни шу ҳолатда кўрдим.

У ўчган сигарасини чайнаб туриб, одатда полициячилар жиноятчиларга тикувчи ёвуз кўзларини менга қадади.

— Сен ҳамиша шундай барваҳт келасанми?

Мен юз берган воқеани бир бошдан гапириб бердим. У тинглади. Полициячиларга кўрсатма беришни тамомлаган Пальский ҳам ёнимизга келиб эшишиб турди.

— Уй бўум-бўшлигини аниқлагач, мен дарҳол бу ёқقا шошилдим. Бундай бўлишини сира ўйламагандим.

— Сумкачаси қани? — сўради Ретник.

— Билмайман, Сизларни кутаётганимда излаб кўрдим, лекин тополмадим. Эҳтимол, қотил ўғирлагандир.

У иягини қашиди, оғзидан ўчган сигарани олиб бир қараб қўйди-да, яна лабига қистирди.

— Сумкачада нима бор эди, разил? — сўради у ниҳоят. — Уни нимага ўлдиринг?

Ретник пачакилашиб ўтирмади. Мен полицияга қўнфироқ қилганимда щубҳанинг биринчи навбатда менга тушишини яхши билардим.

— Нима, мени шу қадар аҳмоқ деб ўйлайсанми?! Агар Британиянинг бутун хазинаси унинг сумкачасида бўлганда ҳам уни бу ерда ўлдирмасдим, — дедим босиқлик билан. — Унинг қаерда яшаётганини кузатиб, пойлаб борарадим-да, ўша ерда тинчтардим.

— Тушунтириб бер, ахир. У бу ерда нима қилиб юрибди? Агар эшик берк бўлса, бу ерга қандай кириб қолди?

— Фақат тахмин қилишим мумкин.

Унинг кўзлари қисилди. Боши ён томонга қийшайди.

— Қани, тахмин қилиб кўр-чи.

— Ўлашимча, бу аёлнинг менга қандайдир иши бўлган. Ҳалиги ўзини Жон Хардвик деб атаган кимса унинг мен билан гаплашишини хоҳламаган. Нимагалигини — билмайман. Аёлнинг менга нима демоқчи эканини ҳам билмайман. Менимча, Хардвик, у келган пайтда мен хонамда бўлмаслигим учун каминани чалғитиб, ўша бўш уйни пойлашга жўнатган. Ўлашимча, унинг ўзи аёлни шу ерда кутиб олган. Эшикда оддий кулф бўлгани учун уни осонгина очиб, ичкари кирган. Эҳтимол, аёл кирган пайтда менинг столимда ўтиргандир. Аёлнинг юзи хотиржам. Демак, у қотилни танимаган ва мен деб ўйлаган. Арзини тинглаб бўлгач, ҳалиги эркак уни отиб ташлаган. Отганда ҳам ўта тез ва ишонч билан отган. Аёлнинг юз ифодаси ҳатто ўзгариб улгурмаган.

Ретник Пальскийга қаради.

— Сал қўйиб берсак борми, бу ифлос ўрнимизни эгаллашдан ҳам тоймайди.

Пальский тишидан ниманидир ковлаштириди-да, гиламга туфлади. Ҳеч нарса гапирмади. Зоро, гапириш унинг вазифасига кирмасди. У тинглагани учун пул оларди.

Ретник бир зум ўйланди.

— Буларнинг бари бўлмағур гап, болакай. Йигит сенга аэропортдан қўнфироқ қилган. Бу икки чақиримдан олисроқ масофа-ку. Агар аҳдамаётган бўлсанг,

сен хонадан соат олтидан кейиноқ чиқиб кетгансан. У бўлса бу ерга еттидан олдин улгуреб келолмасди. Бу пайтда йўллар машиналар билан тирбанд бўлади. Идоралар соат олтида бекилишини ҳамма билади. Ўзинг бу ерда бўлмасанг, бу аёл нима қиласди бу ёқса келиб? Олдин қўнгириқ қилиб кўрмасмиди?

— Унинг менга қўнгириқ қилмаганига ишончинг комилми? Балки, телефон қилгандир? Хардик менинг хонамдан туриб у билан гаплашгандир. Эҳтимол, у аёлни кутаётганини ва дарҳол етиб келишини айтгандир.

Ретникнинг юзида ҳайрат аломати пайдо бўлди. Буни ўзи ҳам фаҳмламаганига фижинди.

Эшикда навбатчи полициячи ва санитар билан иккита ёш ҳаким пайдо бўлди.

Пальский уларга истамайгина йўл бўшатиб берди ва полициячини жасадни текшириб қўриши учун ичкари хонага бошлиб кирди.

Ретник бўйинбогига тақилган қисқични тўғрилаб қўйди.

— Бу аёлни танишлари қийин эмас, — дея тўнгиллади у. — Бунақанги ҳушрўй сариқ маймунни эслаб қолиш қийин эмас. Ҳалиги Хардик сенга қачон телефон қилмоқчиди?

— Эртага, жума куни.

— Қўнгириқ қиласди, деб ўйлайсанми?

— Йўқ.

— Ҳа, — Ретник соатига қаради, бир эснаб олди. — Кўринишинг жуда ҳароб. Қаҳва ичгинг келаётгандир? Узоқ кетиб қолма. Ярим соатдан кейин сен билан яна гаплашаман.

Тушунарли. У мен учун қайфураётгани йўқ. Фақат бирор муддат кўзига кўринмай туришимни ҳоҳлаялти.

Мен биринчи қаватга тушдим. Ҳали барвақт бўлишига қарамай тез ёрдам ва тўртта полиция машинасининг пайдо бўлиши эшик олдида одамларнинг тўпла нишига сабаб бўлди. Тез юриб кетдим, орқамдан қадам товушлари эшитилди. Тавба, қаҳва ичгани ҳам полиция кузатувида бораман шекилли.

Мен қаҳвахонага кириб, стулга ўтирдим. Спарроунинг кўзлари чақнаб кетди.

— Нима тайёрлай, жаноб Рейн? — сўради шошиб.

— Қаҳва, тезроқ. Ҳа, иккита тухумдан қўймоқ, ветчина билан.

Мени кузатиб келган барзангি ташқарида қолди. У эшик олдида туриб мени кузатарди.

Спарроу қаҳва қўйди ва қўймоқда уннай кетди.

— Кимдир ўлибдими, жаноб Рейн?

— Сен кеча қачон беркитдинг? — сўрадим дераза оша тунд полициячини кузатарканман.

— Роппа-роса соат ўнда, — деди Спарроу ҳовлиқиб. — У ерда нима бўлди ўзи?

— Қандайдир хитойлик бир аёлни ўлдиришибди, — дедим қайноқ қаҳвадан хўплаб. — Менинг хонамда ўлдириб кетишибди. Ярим соат бўлди кўрганимга.

— Ҳазиллашяпсизми, жаноб Рейн?

— Худо ҳаққи, — қаҳвани ичиб финжонни қайтариб бердим. — Яна.

— Қандайдир хитойлик аёл дейсизми?

— Ҳа. Ҳадеб сўрайверма. Мен ҳам сендан ошиқ ҳеч нарса билмайман. Мен кетгач, бу ерда бир хитойлик аёлни кўрмаганимдинг?

— Йўқ. Бу ердан ўтганида мен кўрган бўлардим. Кечқурун иш кам эди.

Мен яна ўйга толдим. Кеча соат саккиз яримгача, яъни ёнимдан пудел етаклаган қиз ўтиб кетгунга қадар менинг далилим бор эди. Ҳисоб-китобимга кўра, хитойлик аёл бу пайтда менинг хонамда бўлган. Саккиз яримдан кейин-чи? Жек С. Майерс-кенжатойнинг бўш уйини пойлаганимдан бошқа нимани ҳам айта олардим?

— Мен кетганимдан кейин бу ерга ҳеч ким келмаганиди?

— Аниқ айтольмайман. Қоровул, одатдагидек, соат тўққизга яқин эшикни беркитди. — У ветчинали қўймоқни келтириб қўйди. — Уни ким ўлдирибди?

— Билмайман, — бирданига иштаҳам бўғилди. Аҳволим оғирлашиб борарди. Мен Ретникни яхши биламан. Ушлаганини қўйиб юборадиганларданмас.

Агар ишончли далил келтиролмасам, унинг панжасидан чиқишим қийин. — Балки сен уни пайқамагандирсан?

— Эҳтимол. Ахир деразадан кўз узмай қараб турганим йўқ-ку.

Икки эркак кириб ионушта буюришди. У менга қараб кўйди-да, билмайман, деди. Улардан биттаси, чарм курткали семизи:

— Кимнидир отиб кетишибди, — деб қўйди.

Мен ликобчани суриб қўйдим. Негадир овқат егим келмасди. Қаҳвани ичиб стулдан турдим.

Спарроу ҳамдардлик билан менга қараб қўйди.

— Мазангиз қоҷдими, жаноб Рейн?

— Йўғ-а. Миям говлаб кетди. Менинг ҳисобимга ёзиб қўй, — деб кўчага чиқдим. Барзанги полициячи менга яқинлашди:

— Қаёқса пилдираб қолдинг? — сўради қўпоплик билан.

— Ишхонамга. Сен нега безовтасан?

— Лейтенантга керак бўлиб қолсанг, айтаман. Машинага чик.

Мен полициячи машиналаридан биттасига чиқиб, орқа ўриндиқча жойлашдим. Шу пайтгача тез ёрдамни томоша қилаётган бекорчилар тўдаси мен ўтирган машинага ёпирилиши.

Машинада чекиб ўтиарканман, ўтмишни эсладим, бугунги кунни хаёлдан ўтказдим. Иложи борича келажакни ўйламасликка ҳаракат қилдим. Ўз аҳволим ҳақида ўйлаганим сари кайфиятим бузила борди. Қопқонга тушиб қолганга ўхшайман.

Орадан бир соат ўтди. Санитарлардан иккитаси замбилинни олиб чиқди. Устуға чойшаб ёпилган хитой аёлининг жасади боланинг жасадидай кичкина кўринди. Бекорчиларнинг фала-ғовури кучайиб борарди. Санитарлар замбилинни машинага ортиб жўнаб қолишиди. Бир оздан сўнг навбатчи полициячи ҳам чиқиб машинага ўтирида, тиббий автомобил ортидан йўлга тушди.

Яна оғир кутиш соатлари бошланди. Кейин терговчи йигитлар кўринди. Улардан бири мени қўриқлаётган полициячига қандайдир ишора қилди. Уларнинг ҳаммаси битта машинага тикилишиб, жўнаб қолиши.

Барзанг полициячи машина эшигини очиб, бармоғи билан мени имлаб чақирди.

— Қимирласанг-чи, — деди у. — Лейтенант сени кутяпти.

Йўлакда мен “Индастриэл Хемист” идорасида хизмат қилувчи Жей Вейд билан тўқнаш келдим. Лифтда бирга кўтарилидик. У мендан уч-тўрт ёш кичик бўлиб, норгул, сочини калта олдирган, юзи офтобда қорайган, кўзлари ўйнаб турувчи киши эди. Биз лифтда тез-тез учрашиб турардик. Баъзан ишдан баражар чиқиб, машинада биргаликда қайтардик. У ҳам Спарроуга ўхшаб менинг фаолиятимга жуда қизиқиб юради. Менинг саргузашларим ҳақида суриштиради.

— Нима бўлди? — сўради Жей, лифт бешинчи қаватга кўтарилаётганда.

— Эрталаб хонамда ўлдирилган хитой аёлига дуч келдим. Табиийки, полициячилар типиричилаб қолиши.

У менга тикилиб қолди.

— Ўлик дейсизми?

— Ҳа, кимдир отиб кетибди.

Бу хабардан у ҳанг-манг бўлиб қолди.

— Уни ўлдиришибди, демоқчимисиз?

— Ҳа, ижозатингиз билан.

— Ана холос. Ё тавба!

— Мен ҳам уни кўрганимдаги худди шундай дедим.

— Уни ким ўлдирибди?

— Қизиқ. Ҳамма гап шунда-да. Кеча кечкурун қай вақтда чиқиб кетувдингиз? Мендан кейинми?

— Тўққизга яқин. Коровул йўлакни беркитаётганди.

— Ўқ овози эшифтадингизми?

— Худо асрасин... йўқ!

— Сиз чиқиб кетаётганда менинг идорамда чироқ ёнмаётганмиди?

— Йўқ. Ахир сиз олтига яқин кетувдингиз-ку?

— Худди шундай.

Кайфиятим баттар бузилди. Аёлни эҳтимол тўққиздан кейин ўлдиришгандир. Менинг далилим пати юлингган товуқقا ўхшаб кичрайиб борарди.

Лифт бешинчи қаватда тўхтади. Биз чиқдик. Хонам эшиги олдида коровул ва сержант Пальский турарди. Коровул икки бошли маҳлуқни кўргандай менга галати қараваш қилди. Улар лифтга кириб, пастга тушиб кетишиди.

— Ҳа-а, — деди Вейд хонам эшиги олдида полициячига кўз ташлаб, — сезиб турибман, анча галвага қолганга ўхшайсиз. Агар ёрдамим керак бўлса...

— Раҳмат. Ўзим сизга айтаман. — Ундан ажралиб, полициячи ёнидан ўтдимда, идорамнинг қабулхонасига кирдим. Ерда гугурт синиқлари ва сигарет қолдиқлари сочилиб ётарди. Мен хонага ўтдим.

Стол ортида лейтенант Ретник ўтирарди. У мени ёвуз назар билан кўздан кечирди-да, мижозлар креслосига ўтиришимга ишора қилди. Креслонинг суячиги қонга беланиб ётгани учун унга ўтиргим келмади.

— Сенда қурол олиб юришга рухсат борми? — сўради у.

— Бор.

— Қанақа тўплонча?

— Махсус, полициячиларники, 38 калибрли.

У қўлини чўзди.

— Кўрсат-чи.

— Стол қутисининг юқориги ўнг бўлмасида.

Ретник менга узоқ ва диққат билан қараб турди, кейин қўлини туширди.

— Бу ерда йўқ. Мен столнинг ҳаммаёнини тинтиб чиқдим.

Баданимни совуқ тер босди.

— Ўша ерда бўлиши керак.

Ретник сигара олди, устки қопламани туртиб ташлади, гугурт чўли билан тамакисини ковлаштириб, кейин уни оғзига солди. Шу давр мобайнида унинг митти кўзлари менга тешиб юборгудек қараб турарди.

— Уни 38 калибрли тўппончадан отишибди, — деди у. — Ҳакимнинг айтишича, у тахминан эрталаб соат учларда ўлган. Яширяпсанми, Рейн? Бу хонимнинг сумкасида нима бор эди?

— Нима, сен мени шунчалик хомкалла деб ўйлайсанми? Қайси тентак ўз мижозини ўз хонасида, яна ўз тўппончасидан отиб ўлдиради? Ҳатто унинг сумкасида Нокс қасрининг бор олтини бўлган тақдирда ҳам ҳеч қайси тентак бундай қилмайди-ку!

У сигарани қаттиқ тортид-да, тутунини афтиимга пуллади.

— Билмадим. Балки, шундай қилгандирсан. Эҳтимол, чалфитиш учун шундай қилгандирсан, — деди у. Лекин овозида ишончсизлик сезилиб турарди.

— Агар мен ўлдирган бўлсам, унинг қачон ўлганини билардим. Кейин саккиз яримда сенга телефон қилиб ўтирасдим.

У ўтирган креслосига яхшилаб жойлашиб олди, афтидан, зўр бериб миясими ишлатишга уринарди.

— Шундай маҳалда у сенинг хонангда нима қилиб юрувди?

— Нима, менинг таклифимни кутяпсанми?

— Биласанми, Рейн, шаҳримизда, мана беш йилдирки, қотиллик юз бермаганди. Матбуотга бирор хабар бериш керак. Сенинг ҳар қандай тахминларингни тинглашга тайёрман. Сен бизга кўмаклаш, мен сенга ёрдам берай. Мен сени ҳибста олиб, турмага ташлашим мумкин эди. Лекин мен сенга имкон бераман, Менинг ноҳақ эканимни исботла. Қани, яхшилаб ўйлаб кўр.

— Фараз қиласайлик, бу аёл шу ерлик эмас, балки Фрискодан келган. Айтайлик, шошилинч равища мен билан гаплашиши керак бўлиб қолди. Нима учун Фрисконинг ўзидағи хусусий айғоқчи билан гаплашиб қўя қолмади, деб сўрама. Айтайлик, у самолётда учиб келишга, мен билан гаплашишга қарор қилди. Кеча соат еттида шундай қилди ҳам, дейлик. У мени учратада олмаслигини тушунарди. Шунинг учун ҳам телефон қиласади. Мени калака қилган Хардвик унинг қўнғироқ қилишини кутиб турарди. Аёл телефонда: учиб келаётганини ва соат

учга яқин шу ерда бўлишини хабар қиласди. Хардвик уни кутиб олишини айтади. Аёл аэропортга келгач, таксига ўтириб, бу ёқса шошилади. Хардвик унинг гапларини тинглаб бўлгач, отиб ўлдиради.

— Сенинг тўппончанданми?

— Да, менинг тўппончамдан.

— Бинонинг эшиги соат тўқизда беркилади. Кулф бузилгани йўқ. Хардвик билан мана бу сариқ машак бу ерга қаердан келиб қолишиди?

— Хардвик, афтидан, бу ерга мен кетишм билан, демак эшик беркилишидан анча олдин келган. У менинг бу ерда бўлмаслигимни яхши билган ва бамайлихотир ўтириб қўнғироқни кутган. Аёлнинг келадиган вақти бўлгач, пастга тушиб эшикни очган. Бу америка кулфи. Ичкаридан осонгина очилади.

— Сенга кино учун тарихлар тўқиши бўлса, — кесатди Ретник. — Судда ҳам шу латифаларни айтиб бермоқчимисан?

— Бунинг ҳаммасини текшириб кўриш мумкин. Аэропортда уни эслаб қолган бўлишлари керак. Таксичи ҳам кўргандир, ахир?!

— Майли, айтайлик, ҳаммаси сен айтгандай бўлсин. Фақат бир нарса... Қандайдир афсонавий Хардвик эмас, балки сен уни ўзинг кутиб олган ва гаплашсан.

— У афсонавий эмас. Агар сен “Экспресс” бюроси билан боғлансанг, у менга уч юз доллар юборганини аниқлайсан. Мен Коннот хиёбонидаги 33-й олдидаги кечқурун соат еттидан тўқизгача бўлдимми, йўқми, текшириб кўришинг мумкин. Шундан кейин менинг ёнимдан соат иккиларда фақат битта машина ўтиб кетди. Лекин унинг ҳайдовчиси мени пайқадими, йўқми, билмайман. Соат олтиларда мен ҳамон ўша ерда эдим. Буни сут ташувчи ҳам тасдиқлаши мумкин.

— Мени фақат бир нарса қизиқтиради: соат бирдан эрталаб тўртгача қаерда эдинг?

— Коннот хиёбонидаги 33-й ёнида.

Ретник елка қисди.

— Оддий расмиятчилик: бир кўрсат-чи, чўнтагингда нима бор?

Мен чўнтакларимни ағдариб, унда бор нарсани стол устига ташладим. У ҳафсаласизлик билан бир қараб кўйди-да, ўрнидан турди.

— Шаҳардан ҳеч қаёқча чиқиб кетма. Эсингда бўлсин, бир ишора қилсан борми, ўзингни асфаласофилинда кўрасан.

У хонадан чиқди, эшикни ланг очиқ қолдирди.

Мен стол устидаги нарсаларимни йигиштириб, чўнтағимга тиқиширдимда, ўтириб чека бошладим. Айни пайтда уларнинг кўлида менга қарши бирор далил-ашё йўқ эди. Лекин улар бирор нарса топишлари ҳам мумкин эди-да. Ретник, албатта, хомкалла бир одам. Лекин қотил шубҳани менга қаратганини сезиб турибман. Тўппончанинг ғойиб бўлиши бежиз эмас. Қотил ундан фойдаланган. Ретник уни қаердан топиб олади? Кўп нарса ана шунга боғлиқ.

Ўрнимдан сакраб турдим. Сувга қараб фол очадиган пайтми, ҳозир? Ётиб қолгунча, отиб қол. Эшикни беркитиб, лифтга юрудим. Жей Вейд идорасининг ойнаванд эшиги орқали Ретникнинг қораси кўринди. У Вейд билан гаплашяпти. Менга қарши далиллар қидиряпти.

Фалати ҳиссиётлар таъсирида биринчи қаватга тушдим. Икки полициячи қўриқлаб турган эшикдан чиқдим, кўчанинг нариги томонига ўтдим. Машинам ўша ерда турган эди. Унга ўтириб, эшикни қарсиллатиб ёпдим. Фалати ахволда эдим. Наша чеккандек аъзойи баданим қақшарди. Роса ичгим келди. Одатда соат олтидан бурун ичишни ҳеч хаёлимга келтирмасдим. Лекин бугун жуда фалати кун бўлди. Ўриндиқ устидан энгашиб кўлқоп сақланадиган кутига кўл чўздим. У ерга бир шиша виски яшириб қўйгандим. Оқдим-у, қотиб қолдим. Тилим танглайимга ёпишиди, юрагим тўхтаб қолди шекилли.

Кутида менинг 38 калибрли тўппончам, унинг ёнида эса эчкиэмар терисидан тайёрланган аёллар сумкаси ётарди.

Баданимда чумоли ўрмалагандай бўлди. Сумканинг кеча ўлдирилган хитой аёлга тегишли эканига асло шубҳаланиб бўлмасди.

3

Полиция идорасининг орқа томонида кенг ҳовли бўлиб, у баландлиги саккиз фут¹ келадиган девор билан ўралган эди. Бу ерда патрул машиналари, бирор ҳодиса юз берган жойга аскарларни етказиб боришга шай юк машиналари турарди.

Деворнинг оққа бўялган қисмида: “Бу ерда фақат полиция машиналаригина туриши мумкин”, деб ёзилганди. Мен машинани очик дарвозага қараб бурдим ва ичкари кириб, уни патрул машинаси ёнида тўхтатдим. Ҳали моторни ўчиришга ҳам улгурмаган эдимки, қаршимда полициячи пайдо бўлди. Унинг қипқизил башараси газабдан ял-ял ёнарди.

— Хой! Нима гап? Ўқишини билмайсанми? — деда ўнгдай бақирдики, унинг овози икки маҳалла нарига бемалол эшишиларди.

— Ҳеч гап йўқ. Ўқишини ҳам биламан. Ҳатто ҳижжаламасдан ўқий оламан.

Полициячи баттар газабланди. У анчагача оғзини очиб-ёпиб, нима дейишни билмас, газабини қандай сўз билан ифодалашга қийналарди.

У яна қачон сўз топиб айтишини кутиб ўтирамай, кулиб:

— Лейтенант Ретник, ҳокимнинг қайнағаси менга шу ерда тўхтатишни буорди, — дедим. — Агар ишонмасанг, бориб ўзидан сўра.

У тирик арини ютиб юборган одамга ўхшарди. Анча пайтгача менга қараб турди-да, кейин нимадир деб тўнгиллаб, жўнаб қолди.

Мен атрофни кузатганча йигирма дақиқалар чамаси ўтиредим. Бирдан ҳовлига бир машина кириб келди-да, мендан ўн футича нарида тўхтади. Ундан Ретник тушиб, полиция идораси жойлашган гиштин бинога қараб юрди.

— Лейтенант...

Мен унчалик қаттиқ чақирмаган эдим, лекин у эшилди. Елкаси оша мен томонга қаради. Аввалига у қиздирилган темир босилган одамдай ранги қув ўчди, кейин шошиб ёнимга келди.

— Бу ерда нима қиляпсан? — деб сўради.

— Сени кутиб турибман.

У индамасдан мени бошдан-оёқ кузатиб чиқди.

— Мана мен, нима керак?

— Лейтенант, сен мени тинтиб чиқдинг, лекин машинамни қарамадинг-ку.

— Сенинг машинангни тинтиб нима қиласман, ифлос?

— Ахир, боя сен анави сариқ машакнинг сумкасида нима борлигига ўзинг қизиқкан эдинг-ку! Ўшани деб уни ўз хонамда, ўз тўппончам билан отиб ташлаганимни айтмаганимидинг? Сен менинг хонамни қидириб ҳеч нарса тополмадинг, чўнтағимни ҳам титиб кўрдинг, ҳеч вақо йўқлигига амин бўлдинг. Шунда мен ҳақиқий, тажрибали полициячи машинамни ҳам текшириб кўриши керак-ку, ахир, деб ўйладим. Қотилликдан гувоҳлик берувчи нарса яшириб қўйилган бўлса-чи? Шунинг учун ҳам мен машинани бўёққа ҳайдаб келдим. Сен ҳақиқий, тажрибали полициячи сифатида уни қараб чиқишинг мумкин.

У газабдан тутоқиб кетди.

— Бўёққа қара, итвачча, — ўшқирди менга қараб, — сариқ чақалик айғоқчининг насиҳатларига эҳтиёжим йўқ. Мен Пальскийга сен билан шугулланишни тайинлайман. Бир адабингни бериб қўйсин. Суякларингни битта-битта териб олишмаса, омадим бор экан деявер.

— Лейтенант, мени бир ёқли қилишдан олдин, машинани текшириб кўрсангчи? Қўлқоп сақланадиган қутичани кўздан кечирсанг, вақтдан ютасан. — Мен машина эшигини кенг очиб, четга турдим.

Газабдан кўзлари ёниб турган Ретник машинага ўтириб, зарда билан кутичани очди.

Мен уни кузатиб турадим. У газабдан тушди. Тўппончага ҳам, сумкачага ҳам қўл теккизмади. Уларга узоқ тикилиб турди-да, кейин менга ўгирилди.

— Бу сенинг тўппончангми?

— Ҳа.

¹ Фут – 0,3048 метр.

— Сумкача-чи, уникими?

— Бўлмасам-чи. Нима, шунгаям фаросатинг етмаяптими?

Ретник бутунлай ўзини йўқотиб кўйганлиги шундоққина сезилиб турарди.

— Нега энди? Уни сен ўлдирганингни тан олишингми бу?

— Мен фақат ўзимга сузилган қарталарни очдим, холос. Бошқа ҳеч нарса қилолмайман. Буёгини нима қилишини энди ўзинг биласан.

У дарвоза олдида навбатчилик қилаётган полициячини чақирди. У ёнимизга келгач, Пальскийни дарҳол топиб келишни буюрди.

Пальскийнинг келишини кутарканмиз, Ретник тўппонча билан сумкачани яна кўздан кечирди. Лекин қўлини теккизмади.

— Энди сенинг ҳаётинг учун икки чақа ҳам бермасдим, — деди у. — Ҳатто икки чақа.

— Топилмани кўрсатиш учун бу ерга келмаганимда, ўзим ҳам икки чақа бермасдим. Лекин мен келдимми, демак икки чақа қўяман, зиёдмас.

— Сен машинангни доим кулфлаб юрасанми? — сўради Ретник; миаси ишлай бошлиди шекилли.

— Ҳа, лекин ёзув столим тортмасида, тўппончам билан ёнма-ён эҳтиёт қалитим ҳам сақланарди. Мен қараганим йўқ. Лекин гаровлашаманки, қалит жойида йўқ.

Ретник иягини қашиди.

— Тўғри. Мен тўппончани ахтардим, у ерда ҳеч қанақа қалит йўқ эди.

Ховлига ҳовлиқиб Пальский кириб келди.

— Мана бу машинани яхшилаб текшир, — деди унга Ретник. — Синчилкаб қара. Сумкача билан тўппончага эҳтиёт бўл. Яхшиси тўппончани Леси текширсин. Тез бўл!

У боши билан менга “юр” ишорасини қилди. Биз ҳовлини кесиб ўтиб, полициячилар маҳкамасига кирдик. Зинадан кўтарилиб, мўъжазгина бир хонага кирдик. Хона товуқ катагини эслатарди. Унинг ичидаги стол, икки стул, кичикроқ жавон бор эди. Хонани кичкинагина бир дераза ёритарди. Хуллас, етимлар уйидек қўримсиз бир хона эди.

Ретник менга стулни кўрсатди, ўзи столни айланиб ўтиб, нариги стулга ўтирди.

— Сенинг хонанг шуми? — қизиқдим мен. — Мен ҳокимнинг қариндоши бўлган сендеқ бир одамга юмшоқ жиҳозлар ярашади, деб ўйлардим.

— Менинг ҳаётим сени ташвишга солмай қўя қолсин. Сенга ўз ташвишинг етарли-ку. Агар уни шу тўппончадан отиб ўлдиришган, сумкача ҳам уники бўлиб чиқса, сенинг мархум сифатида омадинг бор экан.

— Шунақа деб ўйлайсанми? — дедим мен баланд сунячили стулга яхшилаб жойлашарканман. — Биласанми, бундан ўн дақиқалар олдин тўппончани ариққа, сумкачани денгизга улоқтирамсамикин, деган хаёлга боргандим. Агар шундай қилганимда борми, лейтенант, на сен, на сенинг шоввуз йигитчаларинг ҳеч нарса қилолмасдиларинг. Лекин мен сенга имконият беришга қарор қилдим.

— Бу билан нима демоқчисан?

— Мен уларни улоқтирамдим. Чунки уларни менга атайлаб ташлаб кетишган. Бир оз ўйлаб кўрсанг, ҳаммаси жойига тушади-кўяди. Агар мен ушбу ашёвий далилларни йўқ қилиб ўборганимда, сен ҳеч нарсани аниқлай олмасдинг.

Ретник бошини ён томонга эгди.

— Шундай қилиб, тўппонча билан сумкача менинг қўлимда. Нега энди бу лаънати ишни бир ёқли қиласди, деб ўйлайсан?

— Чунки менга тўнкаб ҳеч нарса чиқара олмайсан. Барибир қотилни излаб топишингга тўғри келади. Қотил эса буни асло хоҳламайди.

Ретник ўйга толди. Кейин портсигарини олиб, чекайлик деб менга ҳам тутди. Танишганимиздан бери ўтган беш йил ичидаги у менга биринчи бор шундай дўстона муносабатда бўлиши эди. Мен сигарани ёқтирасам ҳам, уни олдим. Қўлини қайтаришим инсофдан эмасди.

Биз баравар чекдик. Хона тутунга тўлиб кетди.

— О’кэй, Рейн, — деди Ретник. — Мен сенга ишонаман. Уни сен отгансан деб ўйлашни хоҳлардим, лекин бу бизларни ҳақиқатга яқинлаштирмайди-да. Шундай деб ўйласам, кўпгина ташвишдан кутулган бўлардим: лекин ундаи

қилолмайман. Сен оддий бир айғоқчисан, лекин аҳмоқ әмассан. Иккаламиз тил топишиб кетармиз деб ўйлайман.

Мен енгил нафас олдим.

— Лекин мендан умид қилмай қўяқол, — давом этди у. — Бошлиқни кўндириш жуда мушкул. Ўта қизиқон одам. Агар сен билан келишиб олганимни билиб қолса борми, дарҳол типирчилаб қолади. Борди-ю, мен уни кўндирам, ташвиш тортишга ҳожат ҳам қолмайди.

Бу борада айтадиган гапим йўқ эди. Шунинг учун ҳам ҳеч нарса демадим.

У деразага тикилиб қолди. У ердан улкан туар-жой биноси кўриниб туарди. Уйнинг балконлари болалар аравачалари билан тўлдириб ташланган, ювилган кийим-кечак илиб қўйилганди.

— Мен бу ерда сенга айтишдан олдин ҳар томонлама ўйлаб кўрдим, — деди ниҳоят у. — Сени гувоҳ сифатида бу ишга жалб қилишим ёхуд кўнгилли равишда ишлашингни сўрашим мумкин. Нима дейсан?

— Кўнгилли равишда ишлай қолай.

Ретник телефона қўл чўзди.

— Бўёққа кир, — деди у гўшакдан овоз эшиштагч.

Эшик очилиб, оддий кийимдаги ёш йигит кириб келди. У соф виждонли хизматчи эди. Шубҳасиз, полицияда ишлаётгани ҳали жонига тегмаганди. У садоқатли нигоҳ билан Ретникка қаради. Одатда кучук ўз соҳибига шундай термулади.

Ретник худди бир бечораҳол қариндошини таништираётгандай, ижирганиб мени кўрсатди.

— Мана, Нельсон Рейн. Сен билан бирга бўлиб турсин. Керак бўлганда ўзим чақириб оламан. Бу эса Петерсон. Бизга яқинда келган, уни ўзингга оғдириб олишга шошилма, ҳали йўлдан уришга ултуришади.

Петерсон мени даҳлиз бўйлаб бошлаб кетди. Мўъжазгина бир хонага кирдик. Димоққа гуп этиб тер ҳиди урилди. Мен дераза ёнига ўтирдим, боши қотган Петерсон стол четига чўкли.

— Қайғурма, — дедим мен. — Биз, эҳтимол, бу ерда бир неча соат бўлармиз. Бошлиғинг хитой аёлни мен ўлдирганимни исботлашга уриняпти. Лекин овора бўлгани қолади.

У кўзларини бақрайтириди.

Бир оз бўлса-да, кўнглини кўтаришта уриниб, Ретник менга совға қилган, лекин ярми чекилган сигарани узатдим.

— Мана, музей ашёси. Уларни йигиб юрмайсанми? Бу Ретникнинг сигараси. Музейнинг борми ўзи?

Завқ-шавққа тўла ёш йигитнинг юзи тош қотди. У бир зумда пихини ёрган полициячига айланди-кўйди.

— Менга қара, бир нарса айтмоқчиман. Сал-пал ҳазил қилиб бўладими ёки сен жудаям тарбия кўрганларданмисан?

Мен жилмайдим, бир оз иккиланиб турганидан сўнг, у ҳам тиржайди. Энди иккаламиз тил топишибдик.

Тушлик пайти бўлиб қолди. Полициячи бизларга бир оз ловия билан гўштили пирог олиб кирди. Петерсонга пирог жуда ёқиб қолди. Мен ўз тегишимни бир оз едим-да, қолганини қайтариб юбордим. Тушлиқдан сўнг у қартасини олди ва биз гугуртга ўйнай бошладик. Мен унинг барча гугурт кутиларини ютиб олдим ва кейин уни қандай қилиб алдаганимни кўрсатдим. У ҳайратдан лол бўлиб қолди. Мен бўлсам уни кўзбўямачиликка ўргатишга таклиф этдим. Ундан яхшигина шогирд чиқди.

Соат саккизга яқинлашганда ҳалиги полициячи яна гўштили пирог ва ловия олиб келди. Мен уни пакқос туширдим, чунки оч қолган эдим.

Биз яна ўйнадик. Петерсон шунақангি кўзбўямачилик қилди, барча гугурт кутиларини ютиб олди. Ярим тунга яқин телефон жиринглади. У гўшакни кўтариб: “Ҳа, тақсир”, деди-да, жойига қўйди.

— Лейтенант Ретник сени кутяпти, — деб ўрнидан кўзгалди.

Биз иккаламиз ҳам енгил тортдик.

Ретник ўз столи ёнида ўтирган эди. Жуда чарчаган ва асабий кўринарди.

Менга ўтиришни, Петерсонга эса кетишини ишора қилди. У чиқиб кетгач, мен ўтиридим.

Узоқ сукунат бошланди. Биз узоқ вақт бир-биirimizни дикқат билан кузатиб ўтиридик.

— Омадинг бор экан, Рейн, — деди у. — Умуман, уни сен ўлдиргансан деб ўйлаганим йўқ. Лекин бунга бошлиқни ишонтириш осон кўчмади. Уни ишонтиридим. Сен итваччанинг иши ўнгидан келди.

Ушбу бинога кирганимга ўн беш соатдан ошди. Тўғри йўл тутдимми, ўйқами, деб роса бош қотирдим, иккиландим. Ниҳоят, шу сўзларни эшитиб енгил нафас олдим.

— Ха, ўнгидан келди, — дедим мен.

— Бўлмасам-чи! — у ўтириган жойида портсигарини қидириб қолди. Кейин, ўчиб қолган сигараси оғзида эканини сезиб, лабидан олди, тиржайиб уни ахлат кутисига улоқтириди. — Мана, ўн тўрт соат бўляптики, биз айни шу иш билан шуғулланяпмиз. Кутилмаганда бир гувоҳни учратиб қолдик. У эрталаб соат иккюи ўттизда Коннот хиёбонида сени машинада кўрган экан. Буни қарангки, ўша гувоҳ бизнинг бошлиқни сира ёқтирийдиган адвокат экан. Унинг кўрсатмалари бошлиғимиз сенга ёпиштироқчи бўлган ишни чиппакка чиқарди. Демак, уни ўлдирган сен эмассан.

— Сўрасам бўладими: кимдан гумон қиляпсизлар?

У менга портсигарини чўзди, мен бу сафар олмасликка журъат этдим.

— Ҳозирча ҳеч кимдан. Ким бўлишидан қатъи назар, қойил-мақом қилган. Далил йўқ, бирор илнитирадиган жойидан тутиб бўлмаяпти.

— Хитой аёли ҳақида ҳеч нарса аниқландими?

— Ха, албатта. Бу унча қийин бўлгани йўқ. Унинг сумкасидан аёллар ашқол-дашқолидан бўлак ҳеч нарса топилмади. Лекин у ҳақдаги ҳужжатларни аэропортдан қидириб топдик. Буёққа Гонконгдан келибди. Исм-шарифи Жо-Эн Жефферсон экан. Ишонасанми, у нефт корчалони Ж. Вильбург Жефферсоннинг келини бўлиб чиқди. Бундан бир йил муқаддам унинг ўғли Германга турмушга чиқкан экан. Яқинда у автомобил ҳалокатида ўлибди. Келин эрининг жасадини бу ёққа тобутда олиб келган экан.

— Нега?

— Қария Жефферсон ўғлининг оиласвий сағанага кўмилишини хоҳлабди. Майитни олиб келиш ҳақини ўзи тўлабди.

— Жасад қаерда экан?

— Аэропортда уни кўмиш бюросининг вакили қабул қилиб олибди. Ҳаммаси қонун бўйича. Жасад ҳозир кўмиш олдидан ўликхонада сақланяпти.

— Ўзинг текшириб кўрдингми?

У керилиб эснади. Ясама тишлари ярмигача кўриниб кетди.

— Жин урсин ўша йўриклиарингни, палид. Мен тобутни кўздан кечирдим, ҳужжатларни текширидим, ҳаммаси жойида. У Гонконгдан учибди, бу ерга соат биро ўттизда келиб қўнибди. Такси олиб, тўғри сенинг манзилингга келибди. Мени ҳайратга солган томони шундаки, нега у келган заҳоти тўғри сеникига жўнаган, қотил унинг сенинг идорангта боришини қаердан билган? Унинг сенда нима иши бор эди?

— Қизиқ. Агар ўлдирилган аёл Гонконгдан бўлса, менинг ҳақимда у қаёқдан билади?

— Хитойлик аёл соат еттига яқин, сен кетганингдан кейин телефон қилган деган тахмининг нотўғри. Бу пайтда осмонда бўлган. Агар сенга хат юборган бўлса, уни олган бўлишинг керак эди.

Мен ўйга толдим.

— Айтайлик, Хардвик уни аэропортда кутиб олди. Соат олтида у менга аэропортдан телефон қилди. Ёки у аёлнинг келишини кутиб турган ва ўзини мен деб танитган, дейлик. Ёхуд, айтайлик, аёл тобут ҳужжатларини расмийлаштиргунча у менинг ишхонамга олдинроқ етиб борган, эшикни очиб (қулфни бузиш қийин эмас) ичкари кирган ва унинг келишини кутиб ўтирган.

Афтидан менинг тахминларим Ретникка унча ёқмади. Умуман, улардан ўзим ҳам унчалик қониқмадим.

— Лекин сен унга нимага керак эдинг? — хитоб билан сўради у.

— Агар биз буни билганимизда, бир-биримизни саволлар билан қийнаб ўтиришадик. Юк нима бўлди? Сен уни кўздан кечирдингми?

— Албатта. Аёл юкини аэропортда, сақлаш хонасида қолдирган: битта че-
моданча, деярли бум-бўш, ич кийимлар, Будда ҳайкалчаси, бир нечта шам.
Йўлга енгилгина отланган экан.

— Ўзинг қария Жефферсон билан гаплашдингми?

Ретник тумшайди.

— Ҳа, гаплашдим. Жуда баланддан келяпти, ичак-чавогингни суғуриб ола-
дигандай. Суғуриб олади ҳам. Бадавлат оиласар билан тўқнашишдан ёмони
йўқ. Жин урсин барини. Қайногам ҳам Жефферсон томонда. Унга қолса чол-
нинг товонини яласам, унинг учун кафтимда сув қайнатсан.

— Ахир, булар бекорга эмас-ку.

У марварид тақинчофини силаб кўйди.

— Ҳар доим ҳам эмас. Ҳарҳолда қари така сира ён босмайди. Келинининг
қотилини ушлashingни талаб қилипти, акс ҳолда кўнгилсизликлардан бошинг
чиқмайди, деяпти. Бу ерда ҳамма унинг измиди, ахир. Фалванинг уяси.

— Жефферсоннинг ўзи ёрдам беролмайдими?

— Албатта, йўқ.

— Менга уч юз долларни келтириб берган бола-чи? Ахир, у қотилни кўрган
бўлиши мумкин-ку!

— Ўзингни мендан ақллироқ деб ўйлаяпсанми, палид? Мен уни сўроқ қилиб
кўрдим, ҳеч бало. Бироқ шуниси қизиқки, пул солинглан конвертни агентликка
соат тўртда олиб келишган. Ўзинг яхши биласан, агентлик сендан унча узоқ
эмас, шундоққина рўпарангда. Анави каллаварам хизматчилар пулни сенга ол-
тию ўн бешга етказиб беришни тайинлашганини тасдиқлашяпти, лекин уни
ким олиб келганини эслай олишмаяпти.

— “Херрон Корпорейшн”ни текшириб кўрмадингми, Хардвик ўша ерда
ишлаётган эканми?

— Йўқ. Унақа одамни билмаймиз, дейишди, — Ретник эснади, керишди-да,
ўрнидан турди. — Бориб ухлайман. Балки эргага бирор нарса ойдинлашар. Бу-
гунча етарли.

Мен ҳам ўрнимдан турдим.

— Тўлпонча-чи?

— Текшириб кўрдик, ҳеч қанақа бармоқ изи қолдиришмаган. Машинада
ҳам. Жуда эҳтиёткор қушга ўхшайди, лекин барибир из қолдириши керак...
Изсиз бўлиши мумкин эмас.

— Мумкин.

У уйқусираб менга қаради.

— Мен сени кутқариб қолдим, Рейн. Энди сенинг навбатинг. Миянга би-
рор фикр келса, айт. Таклифлар жудаям керак.

Мен хизматини унутмасликка вაъда бердим. Кўчага чиқиб, машинага ўтири-
дим-да, уйга шошилдим. Ахир, мени юмшоққина кўрла-тўшак кутиб турарди.

4

Бу кунисига эрталаб соат тўққиздан сўнг мен ишга етиб бордим. Эшик ол-
дида мени икки машинада келишган газетачилар кутиб туришарди. Кеча ме-
нинг йўқ бўлиб қолганим уларни ташвишга солган экан. Улар қотиллик ҳақидаги
менинг фикрларимга қизиқишли.

Уларни ўз хонамга бошлаб кирдим. Кеча куни билан полиция маҳкамаси-
дан бўлганимни гапириб бердим. Қотиллик ҳақида сизлардан ортиқ ҳеч нарса
билмайман, деб айтдим. Хитойлик аёлга нимага керак бўлиб қолганимни, унинг
менинг ишхонамга қандай кирганини сира тасаввур қилолмайман. Газетачи-
лар ярим соат мобайнида мени саволларга кўмиб ташлаши, лекин ҳеч нарсага
эриша олишмади. Ниҳоят, жуда ҳам хафа бўлишиб, жўнаб кетиши.

Хат-хабарларни кўздан кечириб, уларнинг кўпчилигини ахлат кутисига таш-
ладим. Хатлар орасида бир аёлдан келган мактуб ҳам бор экан. Нотаниш аёл

кучукласини заҳарлаб ўлдириган номаълум кишини қидириб топишимни сўраб ялиниб-ёлворганди.

Унга эҳтиром билан бир хат ёзиб, ҳаддан ташқари банд бўлганлигим унинг муаммоси ила шуғуланишимга имкон бермаслигини тушунтирдим. Худди шу маҳал эшикни тақиллатишди.

Яқин кўшним Жей Вейд кириб келди. У бир неча қадам босиб, стол ёнида ҳадиксирагандай тўхтаб қолди.

— Халақит бермадимми? Бу менинг ишинг эмаску-я, лекин билгим келяпти: қотил топилмадими?

Унинг қизиқувчанлигига парво ҳам қилмадим. Баъзан шунаقا одамлар учрайди: жиноятдаги яширин сирларга ўлгудай қизиқишиди.

— Йўқ.

— Билмадим, ёрдами тегармикан, — эҳтиром билан давом этди у, — лекин, эслашимча, тахминан соат саккизларда сизнинг телефонингиз қаттиқ жиринглади. Узоқ вақт жиринглаб турди. Унда сиз кетиб бўлгандингиз.

— Менинида телефон ҳамиша жиринглаб туради. Лекин, барибир, ташаккур сизга. Бу ҳақда лейтенант Ретникка хабар қиласман.

У калта қилиб олдирилган сочини силаб кўйди.

— Мен ўйловдимки... Ахир, қотиллик текширилаётганда баъзан оддий нарса асқотиб қолади-ку, — у бир оз талмовсиради. — Қизик, у хонангизга қандай қилиб кирган экан, ғалати-я?

— Уни менинг хонамга қотил бошлаб кирган. Бундан ташвишланаётганим йўқ.

— Ундей бўлса яхши. Ўлдирилган аёлнинг кимлиги маълумми?

— У Жо-Эн-Жефферсон, Гонконгдан экан.

— Жефферсон? — Саросимага тушди Вейд. — Менинг Герман Жефферсон деган оғайним бор эди. У Гонконгга кетганди, эски мактабдош оғайним.

У креслога чўкиб, оёқларини столга узатди.

— Тўғри ўтиринг. Агар истагингиз бўлса, менга Герман ҳақида гапириб беринг. Ўлдирилган хитойлик аёл — Германнинг хотини бўлади.

Вейд қотиб қолди. Менга бақрайиб қараб турарди.

— Германнинг хотини? У хитойликка уйланганмиди?

— Шунаقا.

— Ана холос, жин урсун мени!

У бир оз ўйланиб турди-да, давом этди:

— Йўқ, мен бунга ҳайрон бўлаётганим йўқ. Мен хитойликлар жуда лобар бўлишади, деб эшитганман. Бироқ бу хабар унинг отасини хурсанд қилишини ҳеч тасаввур этолмайман. — Вейд қовоғини уйиб, бошини чайқади. — У бу ерларда нима қилиб юрган экан?

— Эрининг жасадини олиб келиби, шу ерда кўмиш учун.

Вейд тош қотди.

— Нима, Герман ўлди демоқчимисиз?

— Ҳа, ўтган ҳафта, автомобил ҳалокатида...

Бу хабар Вейдини бутунлай гангитиб кўйди. У ғалати бир ҳолатда узоқ-узоқларга тикилиб турар, қулоқларига ишонгиси келмасди.

— Герман... ўлди! Кечирависиз, — деди у. — Отасига қийин бўпти-да, шўрлик.

— Нимасини айтасиз. Сиз уни яхши танирмидингиз?

— Нима десам экан, унчаликмас. Биз мактабда бирга ўқиган эдик. Ўзиям балойи азим эди-да. Кўркув нималигини билмасди. Ҳали қизлар билан саргузаштларга аралашарди, ҳали қарасангиз, мотоцикл пойгасида қатнашарди. Ўнга ҳавасим келарди. Файритабиий инсон бўлиб кўринарди кўзимга. Мен коллежга ўқишга кирганимдан кейин у ҳақдаги тасаввурларим ўзгарди. Нега деганда сира ақли кирмаганга ўхшарди. Тинимсиз ичишлар, уруш-жанжаллар. Қачон қарама, бир нимани бошлаб юрарди. Бундай оғайнинг бўлганидан бўлмагани. Боре, дедиму кўлни силтаб, ундан воз кечдим. Ниҳоят, бу қиликлари отасининг ҳам жонига тегди. Германни Шарққа жўнатиб юборди. Шунгаям беш йил бўлиб қолди. У ерда отасининг корхонаси бор, — Вейд оёқларини чалиштириди. — Демак, у хитойлик қизга уйланибди-да. Қизик.

— Шунақасиям бўлади, — дедим мен.

— Автомобил ҳалокатими? У ҳамиша шундай фалокатларга учраб турарди.

Тавба, авваллари унга ҳеч нарса қилмасди, — Вейд кескин бурилиб менга қарди. — Биласизми, бу менга жуда галати кўриняпти. Уни нега ўлдиришидийкин?

— Полиция ҳам худди шуни аниқлашга уриняпти.

— Муаммо, шундай эмасми? Мен ҳалиги аёлга сиз нечук керак бўлиб қолганингизни назарда тутяпман. Қандайдир сир борга ўхшайди-а?

— Шундай.

Девор орқасида телефон жиринглади. Вейд дик этиб ўрнидан турди.

— Мен сизнинг вақтингизни оляпман. Агар Герман ҳақида яна бирор нарса эсласам, хабар қиласман.

— Хурсанд бўлардим.

У кетганидан сўнг креслога яхшироқ жойлашдим-да, эшигларим тўғрисида бош қотира бошладим. Орадан йигирма дақиқалар ўтди. Мен бўлсам ҳамон ҳаракатсиз ўтирадим. Бу вазиятдан мени телефон кўнғироғи кутқарди.

— Жаноб Вильбург Жефферсоннинг котибаси тапирияпти, — деган ёқимли аёл овози эшитилди. — Бу жаноб Рейнми?

— Ҳа, менман.

— Жаноб Жефферсон сиз билан учрашиш ниятидалар. Бугун соат учга кела оласизми?

Бу таклиф мени жуда қизиқтириб қолди. Мен ҳафтаномамнинг саҳифаларини варактаб кўрдим. Бугун соат учга ҳеч қандай учрашув белгиланмаган экан. Умуман, шу ҳафтанинг сўнгги кунлари бўш эдим.

— Ҳа, кела оламан.

— Денгиз бўйида, Бич-Драйвдаги охирги уй, — тушунтириди у. Сўнг қўшиб кўйди: — Бич-Вью.

— Келаман.

— Ташаккур.

Телефон гўшагини қўйицди. Мен бўлсам унинг овозини ҳамон эшитаётгандай, уни жойига қўйгим келмасди. Кизик, қанақа экан бу аёл. Овози ёшга ўхшайди. Лекин овоз кўпинча алдайди...

Эрталаб ҳеч қандай ҳодиса юз бермади. Менинг Жей Вейдга ҳавасим келди, унинг телефони тинимсиз жиринглар, ёзув машинаси эса чиқиллагани-чиқиллаган. Унинг иши анча кўп эди. Дарвоқе, сирли жаноб Хардвик жонимга аро кириб, очликдан кутқарганди, у юборган пул яна икки ҳафталик егуликка етар эди.

Бирорта мижоздан даррак бўлмайди. Соат бирга яқин тамадди қилиш учун пастга тушдим. Спарроу банд бўлгани учун саволлар билан бошимни қотирмади.

Бир оз вақт ўтказиб Пасаденанинг энг шинам қисми Бич-Драйвга йўл олдим. Бу ерда, шахсий пляжли уйларда, ёз ойлари шаҳарга ёпирилиб келувчи оломондан четроқда бадавлат кишилар яшардилар.

Бич-Вью дарвозасига этиб борганимда соат бир неча дақиқаси кам уч бўлганди. Кутганимдек, дарвоза очиқ турарди. Ичкари кириб ҳар икки томони яшил майсазор ва гулзорлар билан қопланган йўлак бўйлаб қирқ ярд‘ча юрдим. Уй жуда ҳашаматли, эски услубда қурилган эди. Асосий эшикка олтита кенг оқ зина билан чиқиларди. Эмандан ясалган эшикда кўнғироқ илгаги. Илгакдан ушлаб тортдим. Дақиқа ўтар-ўтмас эшик очилди. Қовоғи солиқ баланд бўйли дарвозабон менга бепарвогина қараб, савол аломати билан қошлигини чимириди.

— Нельсон Рейн, — таништиридим ўзимни, — Мени кутишаяпти.

У четланиб, менга йўл берди. Улкан жихоз ўрнатилган нимқоронги даҳлизга кирдик. Кейин у мени зргаштириб мўъжазгина бир хонага бошлаб кирди. У ерда бир неча ўнгайсиз креслога кўзим тушди. Стол устида рангдор муқовали журнallар тахланиб ётарди. Хона тиш доктори қабулхонасини эслатарди. У креслолардан бирини кўрсатиб, “ўтириб туринг” ишорасини қилди-да, чиқиб кетди.

¹ 1 ярд — 0,9144 метр.

Орадан ўн дақиқалар ўтди. Мен дераза олдида туриб, денгиз манзарасини томоша қиласадим. Эшик очилиб, бир қыз кирди.

Чамаси йигирма беш-үттис ёшларда бўлса керак, ўрта бўйдан баландроқ, қора сочли, ташки кўриниши ёқимтойгина бир қиз. Ёрқин-мовий кўzlари тे-ран боқиб турибди. Тўқ яшил камзули тагидан хушбичим гавдаси яққол кўзга ташланади.

— Кутдириб кўйганим учун узр, жаноб Рейн, — деди совуқнина жилмайиб. — Жаноб Жефферсон сизни кутяпти.

— Сиз у кишининг котибасимисиз? — сўрадим майнин товушни эслаб.

— Ҳа. Жанет Вест. Кузатиб боришга ижозат беринг.

Мен унинг орқасидан коридор бўйлаб юра бошладим. Яшил мовут қопланган эшикдан ўтиб эскича жиҳозланган кенг бир хонага кирдик. Шинам бу хонада узун-узун китоб жавонлари савлат тўкиб турарди. Бир томонидаги ойна-ванд эшик боқقا очиларди. У ерда очилиб турган ранг-баранг гуллар минг тусда товланарди.

Вильбер Жефферсон гилдиракли креслода дам олаётган экан. У очиқ эшик ёнидаги сояда ястаниб ётарди: баланд бўй, озғин, киборларча кийингтан, қирғиб бурун, сочлари оппоқ, томирлари қаварган ингичка қўлли бир чол. Эгнида оқ костюм, оёғида буғу терисидан туфли. Мен Жанетга эргашиб киришим билан бошини ўгириб менга қаради.

— Жаноб Рейн, — деди котиба ва четроқ турди, кейин чиқиб кетди.

— Бу ёққа ўтиринг, — деди Жефферсон ёнида турган стулни кўрсатиб. — Унчалик яхши эшитмайман. Шунинг учун илтимос, қаттиқроқ гапиринг. Агар чеккингиз келса... чекаверинг. Бу қурғурдан менинг воз кечтиришганига олти йилдан ошди.

Мен чекмадим. Сигарет тутуни унга хуш келмаса керак, деб ўйладим. Ўз вақтида у, албатта, сигарани маъқул кўргандир.

— Мен сиз ҳақингизда маълумот тўпладим, жаноб Рейн, — деди у анча сукунатдан кейин, хира-қизғиши кўzlари билан менга тикилиб. Менга у чўнтағимда нима борлигини, ўнг елкамдаги холни, ҳамёнимда неча пул борлигини кўриб тургандек туюлди. — Менга сизни ҳалол, ишончли ва эс-хушли одам деб айтишиди.

Қизиқ, ким айтган экан буни... Мен индамадим.

— Сизни бу ёққа чақиришга мажбур бўлдим, — давом этди Жефферсон, — чунки сизга телефон қилган номаълум одам ҳақида ўзингиздан эшитмоқчи-ман. Кейин ўз хонангизда ўлик хитойлик аёл жасадини қай тариқа кўрдингиз?

У аёлни ўз келини деб айтмади... “Ўлик хитойлик аёл” деганда эса товушида қандайдир нафрата оҳанг бор эди. Бунақанги кекса ва бой-бадавлат бир корчалоннинг ўғли қайсиидир осиёликка ўлланиши ҳақидаги хабар унчалар севинтиргмаганлиги табиий.

Менга маълум бўлган ва кўрган нарсаларимнинг ҳаммасини бир четдан, баланд овозда гапириб бердим.

— Раҳмат, жаноб Рейн. Аёл нима учун сиз билан учрашмоқчи бўлганини билмайсизми?

— Ҳатто гумон ҳам қилолмайман.

— Уни ким ўлдирганини ҳам гумон қилолмайсизми?

— Йўқ, — дедим. Кейин қўшиб кўйдим. — Бироқ афтидан, ўзини Хардвик деб танитган одам бу ишга алоқадор деб ўйлайман.

— Ретникдан умидим йўқ, — деди Жефферсон. — У ўтакетган аҳмоқ. Бу ла-возимни эгаллаб тургани ҳам англашилмовчилик. Ўғлимнинг хотинини ўлдирган одам қўлга олиниши керак, менинг истагим шу. — У томирлари бўртган кўлларига қараб, қовогини уйди. — Таассуфки, ўғлим билан орамизга совуқлик тушганди. Одатда, бундай ҳолларда, ҳар икки томондан хатоларга йўл кўйилган бўлади. Аммо ҳозир, ўғлим орамизда йўқ экан, мен сабр-қаноатли бўлишим керак. Айнан сабр-қаноатнинг етишмаслиги ва менинг қаттиқкўлилигим уни шу кўйларга солди. У уйланган аёлни ўлдиришди. Ўғлим қотилни тоимагунча кўймасди. Мен уни яхши билардим. Энди менинг ўғлим йўқ. Ҳозир биринчи галда унинг хотинининг қотилини топиш керак. Агар шунга муваффақ бўлин-

са, демак, қарзимни узган бўламан. — У жимиб қолди. Нурсиз кўзларини олис-олисларга тикиди. Юзи ғамгин тусга кирди. Жефферсон жуда қартайган, лекин ўта дадил бўлиб кўринди. Менга ўтирилди:

— Жаноб Рейн, кўриб турибсиз, мен жуда кексайдим. Куч-қувватим йўқ. Тез чарчаб қоламан. Қотилни таъқиб қилишга кучим етмайди. Шунинг учун ҳам сизни қидиртирдим. Зоро сиз манфаатдор томонсиз. Чунки аёлнинг ўлиги сизнинг хонангиздан топилган. Қотил қандайдир сабаб билан жавобгарликни сизга юкламоқчи бўлган. Мен сизга яхшигина тўлайман. Сиз ўша одамни қидириб топа оласизми?

Бунинг энг осон йўли — қариянинг таклифига рози бўлиб, пулни олиш ва қотил Ретникнинг қўлига тушмасмикан деб кутиб ўтириш. Лекин бундай йўл тутиш — менинг шаънимга тўғри келмасди. Қотилни излаб топа оламанми? Ишончим унча қатъий эмасди.

— Қидирув ишлари билан полиция шуғулланяпти. Қотилни фақат ўшаларгина топа олади. Менинг қўлимдан келмайди. Айғоқчи қотиллик ишлари билан шуғулланмайди. Бу ишга чет кишиларнинг аралашувига Ретник йўл қўймайди. Унинг гувоҳларини сўроқ қилишга менинг ҳаққим йўқ. У бунга йўл қўймайди ва мен ўзимга кўнгилсизликлар ортдириб олишим мумкин. Сиздан пул ундиришни ҳар қанча хоҳласам ҳам, жаноб Жефферсон, бу ишга кириша олмайман.

У ҳайрон бўлмади, лекин қатъияти камаймади.

— Ҳаммасига тушунаман. Ретник — тентак. Менимча, у ишни нимадан бошлишни ҳам билмаяпти. Мен унга Гонконгдаги Британия маъмурларига телеграмма юбориб, бу аёл ҳақида маълумотлар олишини таклиф қилдим. Ахир биз унинг ўғлимининг хотини бўлганини Хитойдан қочиб ўтганидан бошқа ҳеч нарса билмаймиз-ку. Бундан бир йил олдин ўғлим юборган хатдан шуларни билиб олганман. — У яна олисларга тикилди. — Мен унга уйланишни тақиқлаб, аҳмоқлик қилган эканман. Ўшандан кейин сира хат олмагандим.

— Британия полицияси у ҳақда қандайдир маълумотларга эга деб ўйлайсизми?

— Эҳтимол. Лекин ким билади дейсиз. Ҳар йили юз мингдан зиёд бу шўринг курғурлар Гонконгга келишади. Бу одамлар беватан, бехужжат. Менинг Гонконг билан алоқам бор, у ердаги вазиятни аниқлашга уриниб кўрдим. Тушунишмича, вазият бундай экан: қочоқлар контрабандачилар кемаларида Хитойдан Макаога сузиб ўтишаркан. Бу ер эса Португалияга қарашли худуд ҳисобланади. У ерда қочоқлар хуружига бас келиша олмайди. Қочоқлар Макаодан елканли кемаларда Гонконгга қараб йўл оладилар. Гонконг атрофидаги денгизда Британия полицияси соқчилик қиласди. Лекин хитойликларга бас келиш жуда қийин. Полиция қочоқлар тушган кемани таъқиб қилиши билан у шу атрофидаги юзлаб ўзига ўхшаш балиқчилар кемаси орасига яширинали. Натижада полиция ҳеч нарса қиломайди.

Албатта, Британия маъмурлари қочоқларга ён босади. Ҳар ҳолда уларда ҳозир аҳвол оғир ва қочоқлар умумий душмандан қочишияпти. Агар кема Гонконгнинг худудий сувларига кириб олса бас, уни бу ерда ахтариб ҳам ўтиришмайди. Полиция қочоқлар ўз юртларидан узоқ кетишибдими, демак уларни ушлаб орқага қайтариш одамгарчиликдан эмас, деб ҳисобларди. Уларнинг тайини йўқ, на насаби, на қабиласи бор. Ҳужжатлари умуман йўқ. Британия полицияси янги хужжат беради, лекин уларнинг ҳақиқий фамилияларини аниқлаб бўлмайди. Гонконгда улар учун бутунлай янги ҳаёт бошлигади. Ҳатто номлари ҳам ўзгари; улар қайтадан туғилгандай бўладилар. Ўғлимининг хотини ана шундай гуруҳга мансуб эди. Агар биз унинг амалда ким бўлганини, унинг келиб чиқиши қандай эканини билолмасак, уни нега ўлдиришганини ва ким ўлдирганини асло билолмаймиз. Шунинг учун ҳам сизнинг Гонконгта боришингизни ва у ҳақда бирор нарса аниқлашга уринишингизни истайман. Бу унчалик осон эмас, лекин Ретник бу иш билан шуғулланмайди. Британия полицияси бўлса бу борада унчалик қайфураётгани ҳам йўқ. Сиз буни уddeлайсиз деб ўйлайман. Мен сизни пул билан таъминлайман. Сиз бунга нима дейсиз?

Фикри жуда қизиқарли эди, лекин ўйламай-нетмай унга киришиш даражасида эмасдим.

— Мен бориб келишим мумкин. Бироқ бундан бирор иш чиқиши амриама-жол. Албатта, бу ерда ўтириб бирор нарса дейиш қийин. Ахир, унчалик имко-ниятларга эга эмасмиз.

— Бориб котибам билан гаплашинг. У сизга ўғлимнинг хатларини кўрсата-ди. Эҳтимол, уларнинг сизга фойдаси тегиб қолар. Қўлингиздан келган ҳамма ишни қилоласизми, жаноб Рейн?

У зўр-базўр бошини қимирлатиб, хайрлашди.

— Вест хоним ўнгдан учинчи хонада.

— Сиз менинг дарҳол жўнашимни хоҳлаяпсизми? Ретникка айтмасдан ту-риб, мен бундай қилолмайман.

— Мен ундан илтимос қиласман, сизни кутдириб қўймасин. Бўшашингиз билан дарҳол жўнаб кетинг.

У креслога ястаниб, ҳорғин бир ҳолатда бўшлиққа термилди.

Оғир хаёллар оғушида қолган ёлғиз қария унсиз эди.

5

Жанетни мен каттагина хонадан топдим. У устида қалин чек китоби турган стол ёнида ўтиради. Кирганимда у чек ёзаётган эди. Жанет менга бир нигоҳ ташладиу стол ёнида турган стулни кўрсатди.

— Гонконгга борадиган бўлдингизми, жаноб Рейн?

— Эҳтимол, лекин дарҳол жўнашим гумон. Ҳафтанинг охирларига балки улгуриш мумкиндир.

— Сиз чечакка қарши эмлатишингиз керак. Вабога қарши эмлатсангиз ҳам зарар қилмайди. Лекин бу шарт эмас.

— Эмлашлар борасида ҳаммаси жойида, — чўнтағимдан сигарет олиб унга ҳам тутдим, рад этгач, ўзим тутатиб, қолганини жойига қўйдим. — Жаноб Жефферсоннинг айтишича, сизда ўғлининг хатлари бор экан.

— Мен уларни сиз учун тайёрлаб қўйганман.

У стол тортмасини очиб, у ердан олтита хат олди.

— Герман йилига атиги бир мартагина хат ёзган. Улардан бирор нарсани аниқлаш анча мушкул.

Дарҳақиқат, хатлар жуда қисқа ёзилганди. Уларнинг ҳар бирида қатъян пул талаб қилинарди. Герман жуда камгал экан, афтидан, у фақат пул ҳақида ўйлаганга ўхшайди. У оддийгина қилиб соғ-саломат экани, ишлари яхши юриш-маёғтанини ёзиб, мумкин қадар пул жўнатишини сўраган ҳар бир хатида. Биринчи хат беш йил муқаддам ёзилганди. Кейингилари бир йил оралатиб юбо-рилган. Бироқ сўнгги хати мени қизиқтириб қолди. У бундан бир йил олдин юборилган экан.

“Вэнчай, “Самовий салтанат” меҳмонхонаси
Азиз отажон!

Мен бир хитойлик қизни учратиб қолдим ва унга уйланмоқчиман. Унинг исми Жо-Эн. Унинг ҳаёти жуда оғир кечган, ўзи хитой қочоқларидан. Лекин жуда аломат, ақдли, мен ёқтирадиган аёллар хилидан. Сезиб турибман, бу ха-бар сизни унчалик кувонтиргани йўқ. Аммо сиз ўзингиз менга ҳамиша “муста-қил бўлиш керак” деб таъкидлар эдингиз. Шу боис мен унга уйланнишга қарор қилдим. Мен жуда хурсандман, у жуда яхши хотин бўлиши аниқ. Яшаш учун хонадон қидириб, ҳеч тополмаяпман. Нархи осмонда, биз бу ерда меҳмонхона-га жойлашишга қарор қилдик. Нисбатан бу жуда қулай. Лекин ўз уйинг бўлга-нига не етсин.

Фотиҳа берарсиз, деган умиддаман. Агар сизда хонадон сотиб олиш учун чек юбориш истаги туғилса, жуда хурсанд бўлар эдик.

Тоабад сизнинг Германнинг”.

Мен хатни буқлаб, бошқа хатлар устига қўйдим.

— Бу унинг сўнгги мактуби эди, — деди секингина Жанет. — Жаноб Жефферсоннинг жудаям жаҳли чиқди. У уйланишни тақиқловчи телеграмма жўнатди. Кейин у ўғлидан бошқа ҳеч нарса олгани йўқ. Бундан ўн кун олдин эса мана бу келди...

У менга оддийгина ён дафтардан йиртилган қоғоз парчасига ёзилган хатни узатди. Ажи-бужи хатни зўрға ўқидим.

“Вэнчай, “Самовий салтанат” меҳмонхонаси
Жаноб Жефферсон,

Кечакермандан ажралдик. Автомобил фалокатида ҳалок бўлди. У ўз уйида кўмилишини хоҳлаши ҳақида кўп гапиради. Менда пул йўқ. Агар пул юборсангиз, унинг жасадини уйига олиб бораман. Шунда уни ўзи хоҳлагандек кўмиш мумкин бўлади. Уни бу ерда дафн қилиш учун менинг пулим йўқ.

Жо-Эн Жефферсон”.

Хатни ўқиб, даҳшатга тушдим. Ҳалок бўлган эрининг жасади олдида нима қилишини билмай гарант бўлиб қолган хитойлик аёл кўз олдимда гавдаланди. Уликни кўмай деса, пули йўқ. Биргина умиди қайнотасидан. Лекин у раҳм-шафқат қиласмикин?

— Кейин нима бўлди?

Жанет ўйланиб қолди.

— Жаноб Жефферсон хатнинг ҳақиқийлигига ишонмади. У бу аёл мендан пул шилиб олмоқчи деб ўлади, ўғли ўлганига ишонмади. Мен Гонконгдаги Америка консулига сим қоқиб, Германнинг автомобиль фалокатига учраганини аниқладим. Шунда Жефферсон ҳалиги аёлга ўғлининг жасадини юборишни тайинлади. У аёлга Гонконгда қолишини буюриб, маълум миқдорда даромад тайинлади. Унинг мунтазам тўланиб турилишини белгилади. Лекин ўзингизга маълумки, ўша аёл тобут билан бирга келган. Аммо негадир бизникига киргани йўқ.

— Жасад-чи?

— Эртадан кейин дафн маросими бўлади.

— Герман у ерда нима ҳисобига яшаган?

— Биз билмаймиз. Герман у ёққа борганида отаси уни бир бошқарувчисига ёрдами қилиб жойлаштирганди. Лекин Герман ярим йилча ишлаб бу ишдан бўшади. Ўшандан буён нима қилаётгани ҳақида отасига ҳеч ёзмади. Фақат пул сўраб турарди.

— Жаноб Жефферсон ўғлининг талабини қондирармиди?

— Бўлмасам-чи. У ҳамиша пул юбориб турарди.

— Хатидан кўриниб турибдики, Герман йилига бир маротаба пул сўраган.

Канчадан?

— Беш юз долларга яқин.

— Лекин бир йил давомида бу пулга яшаб бўлмайди-ку! У қўшимча даромад қилган бўлса керак?

— Мен ҳам шундай деб ўйлайман.

Мен иягимни қашидим, деразадан қарадим, сал-пал фикримни тўплашга уринардим.

— Бу жуда кам-ку, шундай эмасми? — дедим ниҳоят. Шу заҳоти унга маккорона бир савол бердим. Бу савол боя у ўз ҳаяжонини яширишга уринаётганини сезганимдан бери тилимнинг учидаги айланиб турган эди: — Сиз ўзингиз Герман Жефферсонни шахсан билармидингиз?

Отган ўқим нишонга тегди, шекилли, у довдираб қолди. Ўрнидан туриб қаёққадир ғойиб бўлди, тезда қайтиб келди. Кўзларида ўйчанлик акс этарди.

— Нима дедингиз? Ҳа, албатта. Мен саккиз йилдирки, жаноб Жефферсоннида хизмат қилаяпман. Герман Шарққа кетмасдан олдин шу ерда яшарди. Ҳа, мен уни билардим.

— Қанақа одам эди ўзи? Отаси уни қайсар эди, деялти. Лекин унинг таъкидлашича, агар ўз ўғлини кўпроқ тушунгандаги эди, у бунақа бўлмас экан. Сиз шу фикрга қўшиласизми?

Жанетнинг кўзлари кутилмагандаги чақнаб кетди ва файритабий қатъият касб этди.

— Ўглиниңг ўлими жаноб Жефферсонни жуда чўктириб қўйди. — Унинг овози кескинлашди. — У жуда талтайиб кетди. Герман шафқатсиз, бағри тош, бузук одам. У ўғри. У ўз отасининг пулени ўғирлади. У ҳатто менинг пулимни ўғирлади. Унинг жаноб Жефферсоннинг ўғли эканига ишонгинг келмайди. Жаноб Жефферсон ажойиб инсон. У умр бўйи ҳеч кимга ёмонлик қилмаган.

Унинг қатъиятидан хижолат тортдим.

— Нима ҳам дердим, раҳмат. Жаноб Жефферсон учун қўлимдан келадиган ҳамма ишни қиласман.

У имзоланган чекларни титиб, биттасини танлади.

— Жаноб Жефферсон билан келишувга биноан мана бу сизнинг хизмат ҳақингиз. Қачон жўнашингизни айтсангиз, самолётга билет ҳам тайёр бўлади. Агар пул яна керак бўлса, марҳамат, хабар қилинг.

Чек минг долларга ёзилган эди.

— Мен унчалик талабчан эмасман. Уч юз ҳам етарди.

— Жаноб Жефферсон шундай фармойиш берди, — деди Жанет, худди гап беш доллар устида бораётгандай.

— Майли, мен пулни ҳеч қачон рад этмаганман. Жаноб Жефферсон ишларини сиз олиб боряпсизми?

— Мен унинг котибасиман, — деди қуруққина Жанет.

— Бўпти... — дедим, нима жавоб қайтаришни билмай. — Жўнаб кетадиган бўлсам, сиз билан боғланаман.

Ҳали эшикка ҳам етмай туриб:

— У чиройлими? — деган савонни эшитдим.

Аввалига ҳеч нарса тушунмадим, диққат билан унга тикилдим.

Жанет қимир этмай ўтирас, кўзларида кучли қизиқиш акс этиб турарди.

— Унинг хотиними? — дедим ниҳоят. — Хитойлик аёллар ўта жозибадор бўлишади. У ўлик ҳолида ҳам жозибасини йўқотмаганди.

— Тушунарли.

У ручкани олди-да, чек дафтарчасини ўзига томон суриб қўйди. Бу — гап тамом дегани эди.

Даҳлизда мени дарвазабон кутиб турарди. У таъзим бажо келтириб, эшикни очди.

Котиба билан сухбатимизнинг охирини анча нарсани ойдинлаштириди. Шубҳа қолмади: Жанет Вест билан Герман Жефферсон бир вақтлар ошиқ-маъшуқ бўлишган. Йигитнинг улланиши ва ўлими ҳақидаги хабарлар Жанетни қария Жефферсондан кам довдиратмаганди. Иш сира кутилмаган ва жуда қизиқ тус олди. Агар мумкин бўлса Жанет тўғрисида ҳам баъзи нарсаларни билгим келиб қолди.

Полиция маҳкамасида Ретник олдига кириш учун ярим соат кутишга тўғри келди. У ўз столи ёнида, сигарасини чайнаб ўтиради. Кайфияти тушиб кетганди.

— Билолмай қолдим, сен вақт сарфлашга арзийсанми ўзи, палид, — деди у, эшикни ёпиб, столига яқинлашганимда. — Нима керак?

— Мени Вильбур Жефферсон ёллади. Ўйлашимча, буни сен билиб қўйишинг керак.

Унинг юзи қатъийлащи.

— Агар терговга халақит берадиган бўлсанг, Рейн, билиб қўй, сени лицензиядан маҳрум қилиб қўяман. Эсингда тут, огоҳлантиряпман. — Кейин сўради: — Сенга у қанча тўлади?

— Етарли. Мен сенга халақит бермайман, Гонконгга кетяпман.

— Айгоқчи бўлиш ёмонмас, — деди у. — Гонконгга деяпсанми? Мен ўзим ҳам у ёққа жон-жон деб борардим. У ерда нима қилмоқчисан?

— Қария марҳуманинг қанақа қиз эканини аниқлашни хоҳлаяпти. У агар хитойликнинг ким эканини ипидан игнаси гача аниқламасак, ишимиз юришмайди, деб ўйлаяпти. Эҳтимол, у ҳақдир.

Ретник авторучкасини ўйнаганича ўлланиб қолди, кейин тилга кирди:

— Фақат бекорга вақт ҳамда пул сарфлаяпсизлар. Дарвоқе, сенга барибирку, ўзингга тегишли пулни тўлалигича оласан.

— Ҳа, тұлалигича, — дедим мен хурсандығымни яширмай. — Унинг пули күп, хоҳлаганини қиласы. Менда эса ортиқча вақт етарлы. Балки омадым келар...

— У ҳақда нима керак бўлса, мен ҳаммасини билиб олдим. Гонконгга боришининг ҳам асло кераги йўқ. Телеграмма юборишининг ўзи кифоя қилди.

— Ҳўш, нимани билиб олдинг?

— Исли Жо-Эн Чант экан. Жин урсин, номини қаранг, тил келишмайди-я! Уч йил бурун кемада Макаодан Гонконгта қочиб ўтаеттанида кўлга тушган экан. Бир ярим ой турмада ўтириб чиқиб, кейин паспорт олибди. Тунги ресторанда пулли раққоса бўлиб ишлабди, умуман фохиша бўлган экан, — у қулогини қашиб, деразага қараб қўйди-да, давом этди. — Бултур йигирма биринчи сентябрда Америка ваколатхонаси унинг Жеффферсон билан никохини расмийлаштириди. Улар хитойлар учун ётоқхонада яшашган. Бу ётоқхона “Самовий салтанат” деб аталган. Жеффферсон ишсиз юрганга ўхшайди. Балки аёлнинг ишлаб топгани ёхуд кекса отаси садақаси билан кун кечиргандир. Шу йилнинг олтинчи сентябрда у автомобиль фалокатида ҳалок бўлгач, хотини Америка ваколатхонасига мурожаат қилиб, эрининг жасадини юртига олиб боришига рухсат сўрайди. Бор гап шу. Гонконгга бориш шартмикин?

— Бирорвlar пуллига борсам нима қилибди? Ҳар ҳолда сенга халақит бермайман-ку.

Ретник заҳархандалик билан тиржайди.

— Бу борада қайғурмай қўя қол, палид. Сен менга рақиб эмассан.

Эътиroz билдиргим келмади. Баъзан шундай дақиқалар бўладики, одам ўз қадрining ҳис қилиши керак бўлади. Ҳозирги дақиқалар айни шундан далолат беради.

— Ишларнинг бориши қандай ўзи? Бирор нарса аниқландими?

— Йўқ, — деди фазабланиб Ретник. — Нима сабабдан у сеникига эрталаб соат учда келдийкин? Мени чалкаштираётган нарса мана шу.

— Эҳтимол Гонконгда бунга жавоб топилар, — дедим чекатуриб; кейин давом этдим. — Қария Жеффферсонда пул деганинг ўюлиб ётибди. Ўғли унинг якка ягона меросхўри бўлса керак. Агар отаси васиятини ўзгартирмаган бўлса, ўғлининг ўлимидан сўнг Жо-Эн унинг меросхўри бўлиб қолади. Шунинг учун ҳам қандайдир номаълум шахс уни ўлдирган. Энди чолнинг пули кимга ўтишини аниқланса яхши бўларди. Котилликнинг боиси шунда бўлиши мумкин.

Ретник ўйлаб туриб:

— Гапингда жон бор, — деди. — Мана буни фикр деса бўлади.

— Сен котиба Жанет Вест билан шуғулланишни ўйлаб кўрмадингми? Қаријанинг пуллига кўз олайтираётган бўлиши ҳам мумкин. Ўйлашимча, у ўз вақтида чолнинг ўғли билан дон олишиб юрган. Балки хитойлик аёлни отиб ўлдиришган пайтда қаерда бўлганини тексириб кўриш керакдир.

— Буни қандай қилиш мумкин? — сўради Ретник. — Мен у билан учрашгандим. Қари эшак унга гирдикапалак. Шахсий ҳаётига аралашсанг балога қоласан. Нима қиласман бошимга ғалва орттириб? Бу ерда унинг қўли ҳамма жойга етади. — У аянчли бир аҳволда менга қаради. — Нега энди сен котиба унинг ўғли билан дон олишиб юрган деб ўйлайсан?

— Мен у билан гаплашдим. Ўзини жуда дадил тутяпти, лекин бу масалада бир оз каловланиб қолди. Мен ҳали қизни айнан шу ўлдирган деб айтольмайман, лекин, эҳтимол, котиба гапираётганидан кўра кўпроқ нарсани билади. Балки унинг пихини ёрган ўйнаши бордир.

— Чолнинг ишига аралашгим йўқ, — деди Ретник. — Лекин анави сарик машак сенинг идорангга нега келганини билмоқчиман. Мана шуни аниқласам, ҳамма нарса ойдинлашади-кўяди.

— Балки сен ҳақдирсан. Муҳокама қачон? Шу ишдан тезроқ кутулсак яхши бўларди.

— Эртага соат ўнда. Расмиятчилик, лекин сен ўша ерда бўлишинг керак, — деди Ретник. — Бирор нарса аниқласанг, мени хабардор қилишни унутма.

— Сен мояна олмайсанми?

Ретникнинг руҳи тушиб кетди.

— Моянанинг нима дахли бор? Бошни асраш керак. Жеффферсон қисталант қиласяпти...

— Биламан, менга айтудинг.

Мен идорага қайтдим. Энди эшикни очаман деган эдим ҳамки, миямга бир фикр келди. Даҳлиз бўйлаб бир неча қадам юриб Жей Вейднинг эшигини тақилятдим.

Хона каттагина, яхши жиҳозланган экан. Эшикнинг рўбарўсида магнитофон, телефон, портатив ёзув машинкаси ўрнатилган стол, ҳужжатлар тахланадиган жилд ҳам шу ерда. Стол ортида Вейд ўтирибди. Оғзида сархонали мундшук, қўлида қалам, олдида бир уом қофоз.

Ўнг томонга яна бир эшик очиларди. Ичкаридан машинканинг чиқиллаши эшитилиб турибди.

Менинг идорамга қараганда бу ер бинойидек.

— Хэллоу, — деди Вейд менга ҳузур билан қараб. У ўрнидан туриб, менга бўш креслони кўрсатди. — Киринг, қани марҳамат, ўтиринг-чи.

Мен ичкари кириб, креслога ўтирдим.

— Сизни кутмаган эдим. Ичасизми? Вақт ҳам олти бўляпти. Вискими?

— Ха.

Ёзув столидан иккита бокал билан бир шиша олди. Вискидан уларга тўлдириб қўйди. Муз йўқлиги учун кечирим сўради. Мен, бу бош не балоларни кўрмади, бунисига ҳам чидаймиз, дедим кулиб. Иккаламиз ҳам жилмайганча вискини даст кўтардик. Виски аъло даражада экан.

— Сизнинг Герман Жефферсон ҳақидаги ҳикоянгиз мени қизиқтириб қолди. Балки яна бирор нарса айтишингиз мумкиндири? Мен бу ерда барчадан суришириб кўрдим. Ҳар қандай далил муҳим бўлиши мумкин.

— Албатта, бўлмасам-чи, — у ёрдам тўғрисидаги даъватни эшитган сенбернарга¹ ўхшаб кетди. — Сизни қайси далил қизиқтиради?

— Ўзим ҳам билмайман. Менинг ишим далиллар тўплаш. Далилларни қанча кўп тўпласанг, улар шунчалик аҳамият касб этади. Масалан, сиз Жефферсонни билардингиз. Уни феъл-автори тўғрисида менга гапириб бергандингиз. Сиз уни довюрак бир балойи азимдек таърифлаган эдингиз. Аёлларга нисбатан қандай муносабатда бўларди?

Вейднинг офтобда анча қорайган юзида ҳақоратланганлик аломати пайдо бўлди. Бу ҳолатдан ўзининг аёлларга қандай муносабатда эканини тушуниш қийин эмасди.

— Аёллар билан ўзини ўта бемаъни тутарди. Мунофиқлик қилмайман. Ёшлиқда қизлар билан шўхлик қилишининг нимаси ёмон, мен ўзим нечтасини лақиллатганман. Лекин Герман учун њеч қанақа одоб доираси бўлмасди. Агар унинг отаси бизда бунчалик нуфузга эга бўлмаганда жанжалдан боши чиқмасди.

— Ўшандай воқеалардан бирортасини эслолмайсизми?

— Айрим исмларни эслатишни истамасдим, — деди у бир оз ўйланиб туриб, — лекин Жанет Вест деган қиз бор эди. Жаноб Жефферсоннинг котибаси. Ўша қиз... — Вейд сал талмовсиради. — Мени кечирасиз-у, буни гапириб беришм балки керакмасдир. Бундан ташқари, ушбу воқеа бундан қарийб тўққиз йил бурун бўлганди. Биласан, Германнинг ўзи айтганди, лекин бу менга гапириш хуқуқини бермайди...

Лекин унда хоҳиши кучли эди: у қотилни қўлга туширишни жуда-жуда истарди, бунинг устига менинг манфаатдорлигим ҳам уни қистовга оларди.

— Арзимаган хабар ҳам менга қотилни топишга ёрдам бериши мумкин. Сиз бир ўзингиздан сўраб кўринг: индамасликка ҳаққингиз борми ё йўқми?

Бу унга жуда маъқул тушди. Кўзлари чақнаб, олдинга энгашди, диққат билан менга қаради.

— Майли, мен ҳам шундай деб ўйлайман. Гапингизга яхши тушундим. — У калта қилиб қирқтирилган сочини қўли билан силаркан, мумнунлик билан жилмайди. — Тўққиз йил бурун Герман Жаннет Вест билан ўралашиб қолганди. Ундан бир боласи бўлди. Герман қочиб қолди. Жанет бўлса унинг отасига арз қилди. Чолнинг газаби қайнади. Бола ўлди. Чол ўғлининг Жанетга ўйланишини талаб қилди, лекин Герман қатъяян бош тортди. Ўйлашимча, чолнинг ўзи ҳам қизга кўнгил қўйган эди. Нима бўлганда ҳам, чол қизни уйига олиб,

¹ Сенбернар — қутқариш ишларida қўлланиладиган кўпнак тури.

ўзига котиба қилиб тайинлади. Буни менга Герман айтган эди. Қиз уларнинг уйига келгач, Германнинг жазаваси тутди. Айтидан, чол ўғли фикрини ўзгартириб, унга уйланади, деб умид қиласади. Лекин тақдир бошқача ҳукм чиқарди. Отаси тўй бўлмаслигини тушуниб, ўғлини Шарққа жўнатди. Ўшандан бери Жанет чолнинг ёнида яшаяпти.

— Жуда чиройли аёл. Лекин эрга тегмаётгани ғалати.

— Бунинг ажабланарли жойи ўйқ. Унинг турмуш қўриши чолга ёқмаса кепрак. У Жанетни жуда қадрлайди. Бундан ташқари, Германнинг ўлимидан кеийин у ўз миллионларини кимга қолдиради?

— Ростдан-а? — мен ўз қизиқишимни яширишга уриндим. — Унинг қандайдир қариндошлари бўлса керак.

— Йўқ. Мен бу оилани жуда яхши биламан. Герман менга айтганди, бошқа даъвогарлар бўлмагани учун бутун бойлик менга қолади, деб. Гаров бойлайман, чол асфаласофилинга жўнагач, Жанет анчагина оҳанрабо хўракка айланиши мумкин.

— Омади бор экан, Германнинг хотини энди ундан мерос талаб қилолмайди.

У ҳайрат билан менга қаради.

— Бу менинг хаёлимгаям келмапти. Чолнинг хитойликка бирор нарса қолдиришишга сира кўзим етмайди.

— Германнинг хотини сифатида талаб қилиши мумкин эди. Борди-ю, ҳакамга ёқиб қолса, дурустгина бойликни ундириб олиши мумкин эди.

Ўнг томондаги эшик очилиб, қўлида хатлар билан бир қиз чиқиб келди. Жўнатишга тайёрланган хатларга Вейд кўл кўйиши керак эди. Вейднинг котибасини мен айнан шундай — бечораҳол, қўрқоқ, кўзойнакли ҳолда тасаввур қилардим.

— Тез боришим керак, — дедим. — Яна кўришармиз.

— Ишлар юришиб кетдими? — сўради Вейд котиба қиз чиқиб кетгач. — Полиция бирор далил топдими?

— Ҳеч қанақа. Маҳкама йигилиши эртага. Номаълум шахслар томонидан ўлдирилган деган ҳукм чиқарилса керак. Қойилмақом ҳулоса.

— Ҳа, — у хатларни олдига тортди. — Агар ёрдамим керак бўлса...

— Ўшандан мен сизга айтаман.

Ўз хонамга қайтгач, Ретникка сим қоқиб Жанет Вест ҳақида эшитганларимни гапириб бердим.

— Ўйлаб иш тут, — дедим мен. — Сенинг ўрнингда бўлганимда Вест хоним кечаси соат учда, хитойлик аёл ўлдирилган пайтда қаерда бўлганини аниқлашга уринардим.

Орага жимлик чўқди, гўшакда пишиллаш эшитилди.

— Лекин сен ўз жойингда эмассан, — деди Ретник. — Маҳкамада учрашамиз. Тоза кўйлак кийишни унутма. Ҳакам ўта аblaҳ одам.

6

Мен олдиндан ўйлаганимдек, маҳкамама мажлиси жуда силлиқ ўтди. Ретникка ўзини Жефферсоннинг адвокати деб таништирган ўткир нигоҳли қандайдир бақалоқ орқароқда ўтириб, суд ишига умуман аралашмади. Қотириб тикилган костюми ўзига ярашиб турган Жанет Вест олдин менга гапириб берганларини раисга ҳам гапириб берди. Унга Ретник бир оз қўшимча қилди. Мен ҳам баъзи нарсаларни гапириб бердим. Суд терговни давом эттириш учун ишни полицияга топширди. Мен ўлдирилган хитойлик қочоқ аёлнинг тақдирни ҳеч кимни қизиқтирмаётганига амин бўлдим.

Раис мажлислар залидан чиқиб кетгач, мен Ретникнинг ёнига бордим. У гутурт чўпида тишини ковлаб турарди.

— Ҳаммаси жойида. Энди мен жўнасам бўладими? — деб сўрадим.

— Боравер, — деди бепарволик билан. — Сенинг бу ерда қиладиган ишинг ўйқ. — У астагина Жефферсоннинг адвокати билан гаплашаётгандан Жанетта қараб кўйди. — Анави сариқ машакни ўқ билан сийлашганда бу хоним қаерда бўлганини аниқладингми?

— Буни сенга қўйиб бераман. Ҳозир айни пайти, у адвокат билан гаплашяпти. Бориб сўра.

У бошини силкиди.

— Мен ҳали эсимни еганимча йўқ. Сен учун айни мавриди. Хитойлик фоҳишаларга илакишиб юрсанг бўлади. Уларни бу ишга жуда ишқивоз деб эшитганман.

Ретник Жанетни адвокат билан ёлғиз қолдириб, жўнаб кетди. Мен улар сухбатни тутагтунча кутиб турдим. Ниҳоят, Жанет эшикка йўналганда ёнига бордим.

— Мен эртага жўнашим мумкин, — дедим. У менга ғалати қарашиб қилди. — Жой айттириб қўйишининг имкони борми?

— Албатта, жаноб Рейн. Бугун кечкурун сиз учун буюриб қўяман. Тағин қандай истагингиз бор?

— Германнинг қандайдир сурати бўлса яхши бўларди. Топиб беролмайсизми?

— Фотосуратиними? — ҳайрон бўлди Жанет.

— Керак бўлиб қолиши мумкин. Менда унинг хотинининг ўлик ҳолда туширилган сурати бор. Бу ишда фотосурат ҳамиша керак бўлади.

— Ҳа, топиб бера оламан.

— Сиз нима дейсиз, бугун кечкурун шаҳарнинг бирор жойида учрашсак. Кейин сизларнига бориб юрмасдим. Жўнаб кетиш олдидан иш жуда кўпайиб кетади. Айтайлик, “Астор” қовоқхонасида, кечкурун саккизда?

Жанет чайналди, кейин бошини ликиллатди.

— Майли, саккизда.

— Ташаккур, бу менинг ишимни анча енгиллаштиради.

Жанет яна бошини ликиллатди, менга қуруққина жилмайди-да, жўнаб қолди. Мен унинг икки ўринли “Ягуар”га ўтириб жўнаб кетишини кузатиб қолдим.

“Хомтама бўлмай қўяқол, мишиқи, дедим ўзимга-ўзим. Агар у Жефферсоннинг миллионларини кўлга киритса, сендан кўра минг чандон дурустстрони топиб олади. Бу унга қийин эмас”.

Кейин идорага бориб, қоғозларимни тартибга солдим. Бахтимга шошилинч нарсалар йўқ экан. Бу ишларни Гонконгдан қайтиб келгач бажарсам ҳам бўлаверади. Ўзим ҳам икки ҳафтага қолмай қайтиб келишни мўлжаллаб турибман.

Бориб, бир оз тамадди қилсаммикан, деб ўйлаб қолдим. Шу пайт эшик тақиилади, Жей Вейд кириб келди.

— Мен сизни йўлдан қўймоқчи эмасман. Фақат Германнинг дағн маросими қачонлигини билмоқчи эдим. Билмайсизми? Ўлашимча, мен боришим керак.

— Эртага, лекин вақтини аниқ билмайман.

— Шунақами, — деди ҳафсаласи пир бўлиб Вейд. — Вест хонимга қўнфироқ қилсаммикан? Менинг боришимга қарши бўлишмаса керак.

— Мен бугун кечкурун Вест хоним билан учрашаман. Агар истасангиз, ундан сўраб, билишим мумкин.

— Жуда истайман, — юзи ёриши Вейднинг, — менинг сўрашим жуда ноқулай. Гап шундаки, мен у билан анча вақтдан бери учрашмагандим. Ғалати бўлармикан...

— Тушунарли.

— Мажлис қандай ўтди?

— Худди мен ўйлагандек бўлиб чиқди: иш терговга оширилди. — Мен сигарет тутатдим. — Эртага Гонконгга учяпман.

— Сизми? — ҳайрон бўлиб сўради у. — Сафарингиз бехатар бўлсин. Ушбу иш юзасиданми?

— Бўлмаса-чи? Қария Жефферсон мени шу иш учун ёллади. У пулинин тўлайди, шунинг учун ҳам кетяпман...

— Рост айтаяпсизми? Ўша жойда бўлишни мен жуда ҳам хоҳлардим. Сизга жуда ҳавасим келяпти-да.

— Ўзимга ўзимнинг ҳам ҳавасим келяпти.

— Майли, қандай бориб келганингизни эштарман деган умиддаман. Бирор нарсани аниқлаш ниятидамисиз?

— Умид йўгу, лекин ҳаракат қиласман.

— Демак, Жефферсонни кўрипсиз-да. Нима деб ўйлайсиз?

— Узоқча бормаса керак.

— Ҳа, анча қарип қолган. Германнинг ўлими уни янада чўқтирган бўлса керак. — Вейд эшикка йўналди. — Майли, бир зумга кирган эдим. Менга одамлар келиши керак эди. Сизга оқ йўл. Сизнинг йўқлигингизда фойдалем тегиши мумкиниш?

— Раҳмат, йўқ. Эшикни қулфлаб кетаман.

— Ундан бўлса, кўришгунча. Қайтиб келганингиздан кейин бир отамлашамиз. Таассуротларингизни мириқиб тингламоқчиман. Дағн маросими хусусида унутмасангиз бўлгани. Сўраб кўринг-чи, гул юборсан бўлармикан?

— Эртага айтаман.

Бир оздан кейин полиция маҳкамасига югурдим. Ретник Жо-Эн Жефферсоннинг ўлик пайтида олинган суратини ваъда қилган эди. Унинг суратига анча тикилиб ўтиридим. У, шубҳасиз, гўзал эди. Ўликхона соҳиби дағн кунини айтди. Хитойлик аёлнинг жасади эртадан кейин, Жефферсон ҳисобига Ўрмон қабристонида дағн этилиши керак эди. Демак, уни оиласидан сафана га кўмиш мас экан. Ўрмон қабристони Пасаденанинг нуфузли кишиларига мўлжалланмаган эди.

Соат олтига бир неча дақиқа қолганда идорамни ёпиб, уйга жўнадим. Йўл тадоригини кўриб, сафарда асқотадиган нарсаларни халтага жойладим. Ювениб, соқол олдим, янги кўйлак кийиб, шаҳарга, “Астор” қовоқхонасига йўл олдим. Етиб борганимда бешта кам саккиз эди.

Жанет Вест айтган вақтида етиб келди. Келишган, башанг бу аёл дадил одимлар эди. Эркаклар бараварига у томонга ўгирилиб, ҳирсли нигоҳ билан кузатиб қолишиди. Жанет бурчакда турган менинг столимга келгач, биз саломлашиб, ўтирилди, унга мартини, ўзимга эса виски буюрдим.

Жанет менга самолётга чипта ҳамда чарм ҳамённи топшириди.

— Мен сиз учун бир оз Гонконг долларидан топдим. Бу сизни ортиқча даҳмазалардан кутқаради. Мехмонхонага жой буюриш керакмасми? “Пенинсула” ва “Мирана” отеллари жуда зўр.

— Ташаккур, мен “Самовий салтанат”да бўлишни мўлжаллаб турибман.

Унинг нигоҳида ташвиш акс этди. Қовоқхона ходими бизларга ичимлик келтиргунча Жанет калтакесак терисидан тайёрланган сумкасидан бир конверт олиб менга узатди. Ундаги сурат моҳирона ишлангани кўриниб турарди. Суратда тўғри фотоаппаратга қараб турган киши акс эттирилган. Кўзларида ёвуз жилмайиш, ёқимсиз чехра. Қора соч, қуюқ қора қош, кўпол нигоҳ, зўравоннинг катта жаги, юпқа лаблар — бунақангি башарани полиция маҳкамасида ва жиноят хужжатларидагина учратиш мумкин.

Герман Жефферсонни мен ўзимча бундай тасаввур қилмагандим. Менинг тасаввуримда у беташвиш бир машшатпараст, масъулиятсиз такасалтанд, ишқий саргузаштлар ишқибози сифатида гавдаланган эди. Бу одам бўлса киприк ҳам қоқмай ҳар қандай зўравонлик ва шафқатсизлик қилиши мумкин эди.

Жанетнинг сўзларини эсладим: “У суякларида иликларигача бузилган. Унинг учун муқаддас нарсанинг ўзи йўқ”. Суратга қараб туриб, бу сўзларнинг нақадар адолатли эканига тан бермай иложинг йўқ.

Бошимни кўтарсам, Жанет мени кузатиб турибди, юзи эҳтиrossиз, нигоҳи совуқ.

— У отасига ўхшамайди, шундаймасми?

Жанет жавоб қилмади, менинг суратини ҳамёнга жойлашимни совуққина кузатиб турди, холос. Бирдан миямга дайди бир фикр келди, мен чўнтағимдан Жо-Эннинг ўликхонада олинган суратини чиқардим.

— Сиз унинг қанақалигини сўраган Эдингиз, мана, кўринг.

У анчагача суратин олишга жазм этмади. Эҳтимол, янгилишгандирман, лекин негадир менга ранги оқарип кетгандай кўринди. Аммо суратни мендан оларкан кўли қалтирамади. Энди кузатиш навбати менга келди, марҳуманинг чехраси унга қандай таъсир этаркан. Жанет узоқ вақт суратдан нигоҳини узмади. Унинг ташки кўринишида ҳеч қандай ҳиссият сезилмасди. Қизиқ, қалбида қандай ҳиссиятлар кечмоқдайкин? Кейин у фотосуратни менга қайтариб берди.

— Ҳа, — деди совуқ бир оҳангда.

Мен ўз қадаҳимни кўтардим, у ўз қадаҳини олди. Биз ичдик.

— Дафн эртага, дедингизми? — сүрадим мен.

— Ха...

— Германнинг дўстларидан бири дафн вақтини, ўзи ҳам келиши мумкинми, йўқми, билишимни илтимос қилганди. Унинг идораси мен билан ёнма-ён. Жей Вейд деган киши. У Герман билан бирга ўқиган.

Жанет асабайлашди.

— Фақат жаноб Жефферсон ва мен бўламан дафн маросимида, — деди у. — Германнинг ҳеч қайси дўстларининг келиши шарт эмас.

— Шундай деб айтаман. У гул юбормоқчи эди.

— Гулларнинг кераги йўқ. Мени жаноб Жефферсон кутяпти. Сиз учун яна нима қилишим мумкин?

Биз қадаҳларни чўқиширидик. Менинг ҳафсалам пир бўлганди. Ундан анча нарсани аниқлайман, деб ўйлагандим. Афсуски, умидларим чиппакка чиқди.

— Раҳмат. Самолёт қачон учади?

— Соат ўн бирда. Аэропортга ўн яримда етиб бориш керак.

— Жонқуярлигингиз учун ташаккур.

Жанет ташқарига йўналди, мен шоша-пиша қовоқхона ходими қўлига икки доллар тутқаздим-да, унинг кетидан кўчага чиқдим.

“Ягуар” шундокқина қовоқхонанинг қархисида турарди. Мен бўлсам машинамни тўхташ жойига қўйишим учун икки маҳаллани уч марта айланиб чиқдим. Шундаям уни уч юз ярд нарида қолдириб келишимга тўғри келди. Бу эса шаҳарда қария Жефферсон сингари Жанет ҳам фойдаланаётган имкониятлар нақадар кенглигидан далолат берарди.

У машина олдида тўхтади.

— Сафар муваффақиятли ўтади деб умид қиласман, -- юзида табассумдан асар йўқ, тунд нигоҳда деди Жанет. — Кетгунингизга қадар бирор эҳтиёж чиқса, кўнгироқ қиласиз.

— Ҳеч мундоқ ярагингиз келмайдими, -- сўрадим мен кулиб. — Ўз котибалик мажбуриятингизни бирпасга унудиши истамайсизми?

Унинг кўзларида чақнаган ҳайрат ўчиб, бепарволик пардасига ўралди.

Жанет машина эшигини очиб, ўриндиқقا ўтириди. Кўлимни чўзишга ҳам ургурмай қолдим, машина эшиги қарсиллаб ёшилди.

— Хайрли тун, жаноб Рейн, — деди у стартер тутгасини босаркан “Ягуар” тезда кўча оқимига қўшилиб, кўздан фойиб бўлди. Мен унинг орқасидан қараб қолдим. Соат саккиздан ўттиз беш дақиқа ўтган эди. У билан жон-жон деб овқатланган бўлардим. Бу кечам жуда ғамгин ўтадиган кўринади. Бир неча таниш қизларни эсладим, уларга кўнгироқ қилиб, кечки овқатга таклиф қилиш мумкин эди. Лекин уларнинг ҳеч қайси бири Жанетнинг тирноғига арзимасди. Шу боис улардан биронтаси бу оқшом менинг кўнглимни овлай олмасди. Мен яна жонга теккан сэндвич билан қаноатланиб, уйга бориб телевизор кўришга қарор қилдим.

Қизиқ, менинг режаларим ҳақида билиб қолса, Жей Вейд нима деб ўйлаши мумкин? Балки ҳайрон қолар, ҳафсаласи пир бўлар? У, афтидан, менинг вақтим қимматбаҳо ресторонларда, ақл бовар қилмайдиган малла қизлар билан сұхбатларда ёки сариқсоҳ каллакесарлар билан шафқатсиз олишувларда ўтади, деб ўйлаётган бўлса керак.

Қовоқхонада жаз шовқини қулоқни қоматга келтиради. Баланд стулларда ўтирган икки қиз худди кўноқда ўтирган товуқларга ўхшарди. Улар жинси шим кийишган, камзууларини белларига боғлаб олишган. Уларнинг думалоқ кўкраклари хаёлни олиб қочар, лекин Брижжит Бардо услубидаги соч турмаклашлари ва тирноғлари бўялган ифлос кўллари кўнгилни совутарди.

Улар менга бир нигоҳ ташлашди-ю, тескари бурилишди. Жуда қари, ўта лапашанг, бунинг устига қизиқадиган ҳеч жойи йўқ, деб ўйлашди, шекилли.

Мен гўштли ва ветчинали сэндвични еб бўлдим. Қалбимни ҳасрат ўртай бошлади. Эртага Гонконгга бошланадиган сафарим ҳам таскин бермасди. Герман билан Жо-Эн суратларини олиб кўздан кечира бошладим. Уларнинг ташқи кўринишилари бир-бирига мос эди. Лекин бир нарсага тушуна олмасдим, қандай қилиб Жанет Вест сингари бир қиз шу йигитга кўнгил берди. Бу ҳам етмагандай бола туғиб ўтиrsa-я.

Хаёлан буларнинг барига “жин урсин” дедим-да, суратларни жойига яширедим, сэндвичнинг ҳақини тӯлаб, эшик томон юра бошладим. Мен ҳалиги икки қизнинг мендан кўз узишмаётганини ҳис қилдим. Улардан бири хохолаб кулиб юборди. Нимамдир унга қизиқ туолган бўлса керак-да. Тангри ёрлақасин. Бир вақтлар мен ҳам кулишни яхши кўрардим.

Менинг сўнгги қаватда жойлашган хонадоним кенгтина меҳмонхона, мўъжазгина ётоқхона ва ундан ҳам кичкина ошхонадан иборат эди. Пасаденага келишим билан мен шу ерга жойлашган эдим. У марказда жойлашган, бунинг устига арzon ва қуай эди. Тўғри, лифт йўқ эди. Аммо бу унча ташвишлантирмасди. Бешинчи қаватга чиқиб-тушавериш баданни ошиқча юқдан ва кераксиз меҳмонлардан асрар эди.

Эшиккача кўтарилиб, анча ҳарсиллаб қолдим. Ён-веримни титиб, калитни қидиарканман, чекишни ташласаммикан, деб ўйладим, лекин бу фикримдан қайтдим.

Эшикни ичкаридан кулфлаб, меҳмонхонага ўтдим. Эшикни ёпмагунимча мен уни кўрмагандим. Хона қоронғи, қош қорайган, у бўлса қора кийимда эди.

Қаршида, кўчанинг нариги томонида совун кукунининг reklamasи ялтиради, хона шифтида унинг мовий, яшил ва қизил шуъалари жилоланди. Агар ана шу реклама жилоси бўлмаганда мен уни пайқашим қийин эди.

У дераза олдиаги менинг энг яхши кресломда ўтирап эди. Оёғини иккинчи оёғи устига қўйган, кўллари тиззасидан, буқланган газета билан ёпилган эди — худди дам олаётгандай бўлиб кўринди.

Юрагим ҳапқириб кетди. Чирокни ёқдим.

У ҳали бола эди — ўн саккиз-ўн тўққиз ёшларда, миқти гавдали, кенг елкали. Устида қора чарм куртка, бошида қизил лентали қора қалпок, қора вельвет шим кийган, бўйнига қора бўмази рўмол ўраб олганди.

Бундай ёшларни сиз ҳар куни кечқуруллари турли-туман қовоқҳоналар ёнида учратишингиз мумкин. Улар катта-катта гуруҳларга бўлинниб санқиб юришади. Ипириски кўча болалари — мугомбир ва хавфли, оч қолган каламушдай ҳеч нарсадан тал тортмайдиган болалар.

Унинг териси қўй ёғи рангидა, қўзлари нашаванд ва қотилларга хос ялтираб турарди. Ўнг қулоғи кесилган, пичоқ жароҳати юзида иягигача чандиқ қолдирган. Мен бундан даҳшатли башарани учратмаган эдим. Ҳатто иблис ҳам менга бунчалик ваҳима сололмасди.

Менга қараб жирканч кулимсиради.

— Яхшимисан, ошна. Энди сен келмасанг керак деб ўйлагандим, — деди у хирилдоқ товушда.

Хозир қаердадир полиция маҳкамасида ётган тўппончам эсимга тушди. Этим жимиirlаб кетди. Тўппонча ёнимда бўлганда ҳам бирор нарса қилишга кўзим етмасди.

— Нима қилиб юрибсан бу ерда? — сўрадим мен.

— Ўлкангни бос, ошна, ўтири. Менинг сенда ишм бор. — У стулни кўрсатди. Қўлига қора қўлқоп кийиб олганди.

Баданимни совуқ тер босди. Бу ярамас ўта хавфли эди. Бу ерга келиши машъум қисматдан дарак берарди. У ўта вазмин ва ўзига ишонган эди. Диққат билан унга тикилдим: у ҳам менга бақрайиб қараб турарди.

— Агар ҳозироқ жўнаб қолмасанг, сени улоктириб юборишга мажбурман, — дедим қатъий оҳангда.

У қаҳ-қаҳ уриб кулди, қора қўлқопдаги бармоғи билан ялтироқ бурнининг учини артди. Оёғини туширди, газета сирғалиб ерга тушди. Тиззасида 45-калибрли тўппонча. Тўппончанинг учига ўн икки миллиметрли металл труба кийгизилганди.

— Ўтири, ошна. Тўппончанг йўқлигини жуда яхши биламан. — У тўппончанинг трубкасини силаб қўйди. — У ўз ишини индамай бажаради. Буни ўзим тайёрлаганман. У уч марта отишга етади. Сенга эса биргина ўқнинг ўзи кифоя.

Биз бир-биримизга қарадик. Аста силжиб, мен унинг қархисига ўтирдим. Иккаламизни гилам тўшалган икки метрча ер ажратиб туради. Ундан қўланса ҳид анқирди. Тер ва тамаки иси бурқсирди.

— Сенга нима керак ўзи?

— Ҳаёт жонингга тегмадими, ошна? — деди у креслода ўнгайроқ жойлашаркан. — Мен сенга ёрдамлашаман. Умрингдан кўп қолгани йўқ.

Кокайндан хиракашган бу маъносиз кўзлар шу дамда одам эмас, балки илон кўзларига ўхшаб кетди. Мени қўрқув босди.

— Менга ҳаёт ёқади, — дедим жим турмаслик учун. — Унча ёмон яшаётганим йўқ.

— Яна ҳам ёмон. — У тўппончасини кўтариб қора трубксини менга тўғрилади. — Қизинг борми?

— Бир нечта. Нимайди?

— Шундай, қизиқялман-да. Сени отиб ташлашганини эшишиб хафа бўлишади-да.

— Балки. Умуман, бемаъни гапларнинг нима кераги бор? Нима, мен сенинг арпангни хом ўрдимми? Менда нима қасдинг бор?

— Ҳеч қанақа, ошна, — унинг қонсиз лаблари бесўнақай тиржайди. — Сен ажойиб йигитсан. Ажойиб хонадонинг бор. Сенинг келаётганингни кўрдим. Машинанг ҳам ажойиб экан.

— Айтайлик, сен тўппончангни четга оласан ва иккаламиз дўстона, мири-қиб гаплашамиз, — дедим умидсиз бир тарзда. — Ичасанми?

— Мен ичмайман.

— Соғлиғингни асраяпсанми? Лекин баъзан шундай вазиятлар бўлиб қоладики, ичиш заруратга айланади. Мен бирпасда...

У бошини чайқади.

— Мен бу ерга ичиш учун келганим йўқ.

Ушбу бемаъни сухбат давом этаркан, менинг миям ишларди. Йигит гавдали, кучли эди. Агар қўлида тўппончаси бўлмаса, у билан олишиш мумкин эди. Мен ҳам унча кучсиз эмасман, бир-икки усулни биламан. Унинг кучи ва вазнига бас келишим мумкин. уни мендан икки метрлик масофа ажратиб турарди. Агар қўлида тўппончаси бўлмаса, биргина чаққон сакраш мени у билан тенглаштиради.

— Ундай бўлса нимага келдинг? — сўрадим мен ва шу аснода ўнг оёғимни ўтирган стулимнинг олдинги оёқларидан сал орқароққа кўйдим. Бу менга фурсат бўлиши билан унга ташланиш имконини берарди.

— Тўппончамни бўшатайми, ошна? — деди у майна қилиб.

— Кимга бўшатмоқчисан?

— Сенга-да, ошна.

Бутун баданимдан тер чиқиб кетди. Бу жуда ғашимга тегарди. Мен аввалира ҳам турли вазиятларга тушганман, лекин бугунгичалик имконсиз вазият ҳеч бўлмаганди.

— Нега энди? Нимага бундай қиляпсан?

У тўппончасини кўтариб учи билан қулоқ ўрнидаги тешикни қашиди.

— Билмайман. Нима ишим бор? Нон учун пул топишим керак-ку, ахир.

Мен лабимни яладим. Тилим қуриб қолганди, фойдаси тегмади.

— Мени отишинг учун сенга пул тўлашдими? Шунақами?

У бошини сал қийшайтириди.

— Албатта, ошна. Бўлмаса сени ўлдиришимнинг нима кераги бор?

— Менга айтгин, — дедим тушкун овозда. — Сенга ким пул берди?

— Билмайман, ошна. Пулька¹ ўйнаётгандим. Биттаси келиб, “беш юз” ишлашни хоҳлайсанми, деб айтди, четга чиқдик. У менга юзталикин берди ва шу ерга келишимни буюрди. Сени ўлдирганимдан кейин пулнинг қолганини берадиган бўлди. Шунинг учун ҳам бу ерга келдим.

— Ўша йигит ким эди?

— Билмайман. Қаерингни мўлжаллай, ошна? Бу ишда устаси фарангман. Энг тез битадигани — мияни пачоқлаш, шунда ўзинг ҳам завқ оласан-да.

— Ўша йигитнинг кўриниши қанақа эди? — сўрадим мен жонҳолатда.

У хўмрайди ва бошимни нишонга олди.

— У билан нима ишинг бор? — унинг овози ваҳшийлашди. — Ўз ғамингни есанг-чи...

¹ Пулька — пул тикиб ўйнаш.

— Беш юз унча күп эмас. Мен ошиқча беришим мумкин. Агар түппончанин четта олсанг нақд мингтага эга бўласан.

У тиржайди.

— Сени ўлдирсам, барибир ўша пул ҳам менини бўлади.

Бирдан телефон жиринглаб қолди. У чўчиб тушди-ю, телефонга бурияди. Мен бошим билан унинг башарасини кўзлаб сакрадим, кўлим билан түппончанин ёпишдим. Зарб билан урилган эканман, оғзи ва бурни қонга беланди. Кўнгим түппончанин четта буриб юборди. Ўқ овози эшитилди, лекин бу ёрилган қароз халта товуничалик ҳам эмасди.

Иккаламиз ҳам стул билан биргаликда ерга ағдарилиб тушдик. Хона ағдариртўнтар бўлиб кетди. У жуда бакувват экан. Ундан тўлпончани тортиб олиц қийин эди. Үнча-мунчага қўйиб юборадиган эмас. Кулаб тушганида бироз гангиг қелди, акс ҳолда мени эзиз ташлаши ҳеч гап эмасди. Ерда анча юмалашдик, ниҳоят мене унинг устига чиқиб олдим, семиз бўйнига қулочкашлаб туширдим, тинчидан кўя қолди. Қўллари бўшаши, тўлпончани тортиб олдим. Шунда бирдан банирдик тусириб қолди, зарбаси қақшаткич эди. Ҳудди тўқмоқ теккандай бўлди.

Тўлпонча учиб кетди. Бир муддат гандираклаб турдим. Кўзим тинди. Йигит ўрнидан кўтарилиди. Бурни ва оғзидан қон оқарди. Юзимга мушт туширмоқни бўлди, лекин эплай олмади, қўлини кўтаришга бошқа ҳоли қолмаганди.

Мен четроқقا сурилиб, қаддимни ростладим. Иккаламиз қарама-қарши тўрардик. Тўлпонча эса ўртада ётарди.

Йигит ўкирди, лекин тўлпончага эмас, менга ташланди. Чунки тўлпончанин олишга ултурмаслигини яхши биларди. Кўзига қон тўлган буқадай пишқирғиб менга ёпишди. Мен куч билан шапалоқ урдим. У мени маҳкам қисиб олди. Иккаламиз гурсизлаб деворга урилдик. Осиёлиқ турган расмлар ерга тушиб кетди.

Мен яна бошим билан башарасига туширдим, кейин қорнига муштлай келдим. Лекин бошимга иккита кучли зарба тушди. Миям чайқалиб кетганий бўлди. У орқага тисарилди. Қорнига тусирилган муштлар беҳуда кетмаанди. У гангиг турагди. Мен яна бир сакрадим-да, биқинига кучли мушт туширдик. У энгашди, қўлида пичоқ ялтиради.

Биз бир-биризига тикилганча қимир этмай турагдик. У дўзахдан чиқида шайтонни эслатарди. Афти башараси қонга белангтан бўлишига қарамай, ҳади кучли эди. Ҳархолда рўпарамда турган одам хавфли қотил эканини хис кретардим. Ялтираб турган кўзлари, қўлидаги пичоққа қараб юрагимни ваҳима бўсади.

Орқага тисландим.

У бир ўкирди-да аста-секин бостириб кела бошлади. Орқам билан деворга урилдим. Дарҳол камзулимни ечиб чап қўлимга ўраб олдим. Энди у шиндат билан ҳужумга ўтди. Камзул ўралган кўлим билан пичоқ ҳамласини қайтариб, ўнг муштим билан жағига туширдим. Жуда ажойиб зарба бўлди-да. Кўзлари ола-кула бўлиб кетди, гандираклади ва тиз чўқди. Пичоқ қўлидан сироатни бўтди. Уни тепиб, хонанинг нариги бурчагига учирдим. Унинг олдинга қарз қулаги бошлаганини кўриб жағига яна мушт урдим. У гурс этиб йиқилди.

Зўрга нафас олганимча деворга суюндим. Улгудай ҳолдан тойғандим.

Эшик очилиб, қўлларида тўлпонча тутганича икки полициячи хонага ёқас-тириб киришди. Афтидан, менинг уйимдаги тўполон бутун маҳаллани ёқида турғизган эди.

Полициячилар кирган пайтда рақибим ёнига ағдарилди. У тўлпонча сана бориб қолганди. Шу заҳоти қуролни қўлга олди. У ҳали ҳам нонини ҳаласиб ейиш умидида эди. Босқинчи мени нишонга олди. Ўқ чийиллаганича қўлорим тагидан ўтди ва деворни тешди.

Полициячилардан биттаси ўқ узди. Мен қаттиқ қичқирдим, лекин ағсуски, кеч эди. Ярамас менга аталган иккинчи ўқини отишга ултурмади.

ИККИНЧИ БОБ

I

Самолётдаги учувчилар бўлмасининг эшиги тенасида “Чекилмасин” йузви пайдо бўлди. Ёнимда ўтирган бақалоқ маржон-маржон тер қоплаган бошини иллюминаторга таштириди:

Демак, Гонконгга етиб келдик, — деди елкаси оша. — Жуда ажиб. Айтишларича, ер юзида бундай яхши жойни топиш қийин эмиши. Шунақага ўштайди.

Унинг бесўнақай гавдаси ойнани тўсгани учун мен хавфсизлик камарини маҳкамлашга тутиндим. Кўшним ўриндиқнинг орқасига ёндашди, ўз камарини маҳкамлади. Шунда мен яна яшил ўрмон билан қолланган тоғларни, мовий денгизни, бир-икки кемани кўришга муваффақ бўлдим. Ниҳоят, самолёт фидираги қўниш майдонига “тўқ” этиб тегди.

Гонолулудан бери менга ҳамроҳ бўлиб келаётган бақалоқ камераси билан сумкасига чўзилди. Бу сумкани “Пан-Американ” компанияси унга тунги йўловчи сифатида тақдим қилган эди.

— Сиз “Пенинсула”га жойлашасизми? — сўради у.

— Йўқ, мен қарама-қарши томонда.

Унинг тер қоллаган юзи ҳайратомуз бужмайди.

— Каулун яхши-ку, у ерда энг яхши магазинлар, энг зўр меҳмонхоналар. Лекин, балки сиз иш билан келгандирсиз?

— Ҳа.

— Унда бошқа гап.

У қониқиши билан жилмайди.

Самолёт йўловчилари юкларини йиғиштира бошлашди. Одатдаги ур-сурдан кейин чиқиши йўллагига ўтиб олдим. Тик тепага келган қўёшнинг оловпуркар жазирамаси юзимга урилди.

Яна ўн дақиқалардан сўнг мен божхона кўригидан ўтиб, аэропортга туташ одамлар фуж-фуж, шовқин-суронли майдонга чиқдим. Мен у ерда бақалоқ ҳамроҳимни кўрдим. У меҳмонхонага элтувчи автобусга шошиларди. Бақалоқ менга қўл силкитди, мен шу тахлитда жавоб қилдим. Бир маҳал менга рикша¹лар ташланиб қолишибди. Улар кўпчилик эди, бақириб-чақиришиб, қўллари билан ҳаракат, имо-ишора қилишарди. Кекса, сариқ ва қўёш кўйдирган юzlари умид билан боқарди. Нима қилишни билмай иккиланиб турганимда ёнимга семизгина бир хитой келди. У хушбичим, европача кийинган эди.

— Кечирасиз, — деди бироз энгасиб, — балки менинг ёрдамим тегар. Такси керакмаси?

— Вэнчайдаги “Самовий салтанат” меҳмонхонасига бормоқчийдим.

— У оролда жойлашган, жаноб, — деди у бироз ҳайратланиб. — Яхшиси, сиз кечувгача таксида борганингиз маъқул. Кейин паромда Вэнчайга боришингиз мумкин. Меҳмонхона паром кечуви ёнида.

— Сизга катта раҳмат. Ҳайдовчилар инглизча гаплашадими?

— Кўпчилиги унча-мунча тушунади. — У саф тортиб турган машиналар олдидаги таксига қўл силтади. — Агар хўп дессангиз...

У таксига қараб юра бошлади. Мен сумкамни олиб, унга эргашдим. Хитой шоферга мен тушунмаган тилда нимадир деди. Ҳайдовчи нимадир деб гулдидарида, менга қаради.

— У сизни кечувга олиб боради, жаноб, — деди семиз хитой. — Кира ҳақи бир доллар бўлади. Американики эмас, ўзингиз тушунасиз, Гонконгники. Тахминан олти Гонконг доллари бир Америка долларига тенг келади.

У тиржайди. Тилла тишлари ярқираб кетди.

— У ердаги меҳмонхонани топиш қийин эмас. У вокзалнинг қаршисида. Лекин, сизга маълумми-йўқми, билмадим, бу меҳмонхона америкалик тақсирга тўғри келмаса керак. Аралашаётганим учун кечиравизу, лекин кўпчилик американлик меҳмонлар “Глочестер” ёки “Пенинсула”га боришини маъқул кўришади. “Самовий салтанат” — осиёликларга мўлжалланган.

— Шунга қарамай, мен айнан ўша ерга жойлашмоқчиман. Ёрдаминтиз учун раҳмат.

— Омадингизни берсин, жаноб, — деди у ва чўнтағидан ҳамёнини олиб, ундан шахсиятномасини чиқариб, менга узатди. Бу ерда сизга гид² керак бўлади. Мен бу ерда Гонконгга келувчи американлик меҳмонларга васийлик қиласман. Қўнғироқ қилсангиз бўлди...

¹ Рикша — одам ташувчи ҳаммол.

² Гид — йўл кўрсатувчи, йўриқчи.

— Ташаккур. Албатта ҳисобга оламан, — шахсиятномасини қўл соатимнинг боғичига қистирдим.

Самолётдалигимдаёқ Гонконг тарихини кўздан кечириб, яриморолнинг қитъя қисми Каулун деб аталишини билиб олгандим. Аэропорт ярим оролнинг шу қисмида жойлашган бўлиб, Гонконгнинг орол қисмидан бўғоз билан ажралиб турарди. Бу бўғозни паромда беш-олти дақиқада кесиб ўтса бўлади. Жефферсон яшаган Вэнчай Гонконгнинг дengиз райони ҳисобланади.

Кечувгача бир неча дақиқада етиб бордик. Каулуннинг соҳил қисмida ҳар ёққа шошилаётган кишилар гавжум. Хар юзта хитойликка битта европалик тўғри келади. Орол худи чумоли инига ўхшайди. Йўғон бамбук ёғочларига оғир юқ осиб олган ҳаммоллар машиналар орасида ивирсиб юришибди. Кенг кўчаларда хитойлик ишбилармонлар бошқараётган икки гилдиракли аравачаларга мол тўла қутиларни ортиб олган рикшалар, улкан юқ машиналари серқатнов. Дўконлар пештоқини қип-қизил рангдаги хитой ёзувлари безаб турибди. Елкаларига гўдаклар боғланган ёш хитой қизлари кир-чир ариқ бўйларида уймалашиб ётишибди. Йўлаклардаги дўконлар атрофидаги сўриларда хитой оиласари ўтириб, ёғоч чўпларда гуруч тановул қилишмоқда.

Кечувда мен такси ҳақини тўлаб, паромга чипта олдим-да, палубага чиқдим. Бу ер хитойлик ишбилармонлар, америкалик сайёҳлар ва калта кўйлакли, яланғоч сонларини кўз-кўз қилувчи нозанин қизлар тўлиб кетган. Паром бўғознинг мовий сувларида сузиб бораракан, мени ўраб турган одамларни томоша қилдим.

Пасаденани тарк этганимга анча бўлгандай кўринди. Менингга бостириб кирган хавфли меҳмон туфайли сафарни икки кунга кечиришига тўғри келди. Мен Ретникка бор воқеани тўлалигича гапириб бермадим. Унга фақат уйга келиб бир безорига дуч келганимни, муштлашув бўлганини айтдим. Қароқчининг у ерда нима қилганини билмайман, балки талончидир, деб алдадим. Бу нарса Ретникка ёқмади. Айниқса, тўппончага овоз пасайтиргич ўрнатилгани унга сира ёқмади. Лекин мен бунга унча эътибор бермадим ва воқеанинг кераксиз тафсилотларига тўхталиб ўтиришни лозим топмадим. Ҳархолда менда Гонконгга учиш имконияти пайдо бўлди ва мен бу имкониятдан фойдаланишим керак эди.

Шубҳасиз, қотилни ёллаган одам ўша сирли Жон Хардикдан бошқа эмас. 38-калибрли янги тўппонча сотиб олишга тўғри келди. Бундан кейин унингсиз бир қадам ҳам босмасликка ўзимга сўз бердим. Дарвоқе, бундай ваъдалар олдин ҳам берилганди, лекин улар тез эсдан чиқиб кетарди.

Паром бандаргоҳга келиб тўхтади. Ҳамма тушишга шошилди.

Вэнчайнинг аҳолиси қарийб юз фойизга хитойлардан иборат экан. Икки америкалик дengизчини ҳисобга олмагандан, соҳилда фақат хитойлар кўзга ташланади.

“Самовий салтанат” меҳмонхонасига кираверишда соат ва арzonгаров ўйинчоқлар билан савдо қилувчи дўконлар зич жойлашган. Сумкамни орқалаб, кўчани муваффақиятли кесиб ўтдим-да, тор ва айланма зина орқали меҳмонхонанинг даҳлизига чиқиб олдим. Зина яқинида қора кийимда ўтирган кекса хитойга рўпара бўлдим. Узун соқолидан юзи кўринмас, бодомни эслатувчи кўzlари ғамгин эди.

— Менга бир хона керак.

Хитой бир қаради-ю, индамади. Устидаги костюмим унча башанг эмасди, кўйлагим ҳам йўлда анча фижмланиб, оҳорини йўқотганди. Тўғри, мен дайдига жуда ҳам ўшаб кетмасам-да, анча дурустроқ кейиннишим мумкин эди.

Чол тутилавериб титифи чиқсан бир ручка билан дафтар олиб менга узатди. Дафтарда хитойча исм-шарифлардан бошқа ҳеч нарса йўқ эди. Мен керакли жойга ўз фамилиям ва миллатимни ёзib дафтар билан ручкани қайтариб бердим. У қутидан қалит олиб менга чўзди.

— Ўн доллар. Йигирма еттинчи хона.

Ўн гонконг доллари бериб, қалитни олдим. Сумкани кўтариб, тор коридор бўйлаб ўнг томонга юрдим. Коридорнинг ўртарофига бир эшик очилиб, ундан озғин, ранглар америкалик дengизчи чиқди. Йўлак тор бўлгани учун деворга

қапишиб, кутиб турдим. Унинг орқасидан пуштиранг кўйлакда тўладан келган хитой аёл чиқди. Тушкун қиёфадаги бу аёл яхшилиб боқилган хитой кучукчалини эслатарди. Денгизчи аёлга имлаб, ёнимдан ўтиб кетди. Аёл унинг орқасидан эргашди. Мен коридор бўйлаб йигирма еттинчи хонагача бордим. Кулға калит солиб очдим. Ўн ўн фут келадиган хона экан. Унда икки ўринли каравот, кресло, жавон, бўялган оқ тогора, титилиб кетган супурги бор эди. Деразадан эски бир бино кўриниб турарди. Кирхона бўлса керак. Деразалардан чиқариб қўйилган бамбук ходаларга илиб қўйилган сочиқ, чойшаб ва ич кийимлар шундан далолат берарди.

Сумкани ерга қўйиб, қаттиқ каравотга ўтирдим. Ҳаво иссиқ, бунинг устига чарчаган эдим. Қани энди “Глоҷестер” ёки “Пенинсула”да бўлиб қолсам, душли ва муздек пиволи хона буюрардим. Лекин иш-иш-да. Мен бу ерга маза қилиб дам оламан деб келмаганман-ку, ахир. Бу меҳмонхонада Герман Жефферсон хитой рафиқаси билан яшаган. Бу ер улар учун етарли тарзда қулай бўлган экан, менга нега қулай бўлмасин.

Бу орада мен анча ҳовурдан тушдим. Тогорага сув қўйиб, ювениб олдим. Кейин сумкадан буюмларимни олиб, жавонга жойладим. Меҳмонхона жуда тинч эди. Баъзан кўчадан келувчи шовқиндан бўлак ҳеч нарса эшитилмасди. Қўл соатимга қарадим, вақт йигирмата кам олти. Соат камарида ҳалиги семиз хитой берган шахсиятнома қистириглик турарди. Унда “Вонг Хон Хо. Гид, инглизча гапиради” деб ёзилганди. Ёнида телефон номери ҳам бор экан. Мен шахсиятномани ҳамёнимга солиб, эшикни очдим-да, йўлакка чиқдим.

Рӯпарада эшикка суянганча бир хитой қиз турарди. Миқтигина, хушбичим, ялтироқ қора соchlари орқасига маҳкам тугилган. Эгнида оқ кофта, яшил юбка. Унинг сиймоси ҳиссиятларни қўзғатмас, нигоҳлари тинчитувчи эди. Қиз кўзларимга тикилди. У менинг чиқишимни сабрсизлик билан кутаётгандек бўлиб туюлди.

— Салом, жаноб, — унинг юзини табассум қоплади. — Мен Лейламан. Исминг нима?

Мен унинг табассумига, йирик-йирик бақувват оппоқ тишлирига мафтунона қараб қолдим.

— Нельсон Рейн, — дедим мен эшикни ёпиб, калитни буарканман. — Нельсон деяқол. Сен шу ерда турасанми?

— Ҳа, — у бошдан оёғимгача қараб чиқди. — Айрим америкалик йигитлар баъзида шу ерда қўноқ бўлишади. Сен ҳам қўноқ бўласанми?

— Ўйлаб кўраман. Сен кўпдан бери шу ерда яшайсанми?

— Бир ярим йил бўлди, — унинг талаффузи ғалати эди. Зўрга тушунардим. Лекин термулиб қараши ниятини айтиб турарди. — Кўнгилхушлик қилгинг келса, менинг ёнимга кирасанми?

Мен бир оз эсанкираб қолдим, лекин жилмайдим.

— Билмайман, умуман, жудаям умид қилма.

Нарироқдаги эшик очилиб, паст бўйли, бақалоқ киши чиқди. Ё итальян, ёки француз. У ёнимдан юзини тескари бурганича шошилиб ўтиб кетди. Унинг кетидан ёшгина хитой қиз эргашиб борарди. Ўйлашимча, ўн олти ёшларда бўлса керак. Лекин буларнинг ташки қўринишидан ёшини аниқлаш анча қийин. Ёнимдан ўтиб бораркан, очик иштиёқ билан бир қараб қўйди. Шунида мен ўрнашган меҳмонхонанинг моҳияти хусусида ҳеч қандай шубҳам қолмади.

Лейла чиройли қўлчалари билан мўъжаз қўкракларини кўтариб қўйди.

— Ҳозир кирмайсанми? — лутфан таклиф қилди у.

— Йўқ, — дедим мен. — Мен бандман. Балки кейинроқ киарман.

— Америкалик йигитлар нуқул банд бўлишади. Балки, кечкурун?

— Эҳтимол.

Кизча лабини шиширди.

— Нега аниқ айтмайсан. Ё келасан, ё келмайсан?

— Нима қилиш керак? Ҳозир менинг зарур ишим бор, — дедим-да, даҳлизга шошилдим. У ерда кекса нозим савлат тўкиб ўтириби. Нақ Будданинг ўзи дейсиз. Зинадан пастга тушиб, кўчага чиқдим. Юзимга гуп этиб иссиқ ҳаво урилди. Одамлар гуж-гуж. Олдимга югуриб рикша келди.

— Полиция маҳкамасига.

У эпчиллик билан олға чопиб кетди. Уч юз ярд юрар-юрмас мен рикша ёллаб нотүғри иш қылғанимни тушундим. Зеро улкан машиналар рикшага сира парво қилишмасди. Ҳар дақиқада мени улкан юк машинаси ёки қудратли америка автомобиллари мажақлаб кетишлари мумкин эди. Ниҳоят, Марқазий полиция маҳкамаси олдида тұхтадик. Енгил нафас олдим. Шу ергача эсон-омон етиб келганимга суюниб, тангри таолога ҳамду санолар айтдым.

Навбатчи сержант бу ерга нима мақсадда келганимни билгач, мени унча катта бўлмаган шинам хонага бошлаб киришди. Оқ соч инспектор менга бошдан-оёқ нигоҳ ташлади-да, “ўтириңг” ишорасини қилди.

Биз бир-биримизга ўзимизни таништиридик. Унинг фамилияси Маккарти экан. У кучли шотланд талафзузида гапиради.

— Жефферсон? — инспектор креслога ястаниб, ёнидан эски сархонали мундштутуни олди, унга тамаки тўлдиаркан, гапида давом этди. — Бу қандай бемаънилик? Бу одамни мендан суриштиришганди. Пасаденадан сўрашди. Сизнинг кимингиз бўлади?

Мен Ж. Вильбер Жефферсон топшириғи билан келганимни айтдим.

— Мен имкони борича унинг ўғли ва рафиқаси — хитой аёли ҳақида кўпроқ маълумот тўплашим керак. Мен учун айтган гапингизнинг ҳаммаси муҳим.

— Америка вакили сизга янада фойдалироқ бўларди, — деди у чеккан туғуни бурқситиб. — Мен кўп нарса билмайман. У автомобил фалокатида ҳалок бўлганди. Бундан хабарингиз борми?

— Бу қандай юз берди?

У елка қисди.

— Нам йўлда катта тезликда кетаётган экан. Фалокат юз берган жойдан ҳеч нарса топиб бўлмади. Туманда бошқа машинага бориб урилибди.

— Ёнида ҳеч ким йўқ эканми?

— Йўқ.

— Қаёққа кетаётган экан?

Маккарти ҳайрат билан менга қаради.

— Билмайман. Фалокат янги ҳудудда, Каулундан беш миля¹ча масофада юз берибди.

— Уни ким танибди?

— Хотини.

— Унинг аҳволи қандай бўлганини таърифлаб беролмайсизми? Нима ҳисобига яшарди?

— Буни айтиб беролмайман. — У бурқситиб чекаркан, гапида давом этди. — Худога шукур, мен у ҳақда ташвиш тортганим йўқ. Умуман, у ўзини бинойидек тутарди. Биласизми, биз одатда кишиларнинг ҳаётига аралашибмаймиз. Одатда, бунга уларнинг ўзлари сабаб бўлишади. Жефферсон айни шунаقا одам эди. Лекин, бариб, у ҳақда баъзи бир нарсаларни билардим. Зеро у ибратли фуқаро эмасди. Шубҳасиз, хотини ҳисобига яшарди. Хотини эса пулни ҳаром йўл билан топарди. Аммо бу борада ҳам биз Америка фуқаролари ишига аралаша олмаймиз, ёрдам бериш қўлимиздан келмаса, нима қиласиз аралашиб.

— Унинг хотини хусусида сизда бирор шубҳа ўйғонганими?

— Бўлмасам-чи, у фоҳиша эди. Бу муаммо бизни ташвишга солади, лекин уни ҳал қилиш жуда қийин. Хитой қочоқлари ишлаб пул топишлари қийин, фоҳишибозлиқ эса вазиятдан қутулишнинг бирдан-бир йўли. Биз шаҳарни улардан мунтазам равишида тозалаб турдикиз, бу осон иш эмас.

— Мен ўша аёлни нега ўлдиришганини аниқлашга уриняпман.

У елкаларини қисди.

— Бу борада мен сизга ёрдам қилолмайман. — У ўйчан бир тарзда столда уюлиб ётган қоғозларга қаради. — Мен қўлимда бор маълумотларни лейтенант Ретникка бериб бўлдим. Бошқа ҳеч нарса қўшимча қилолмайман.

Сұхбатни тамомлаш кераклигини тушундим.

— Нима ҳам дердим, раҳмат сизга. Ўёқ-буёқни бир оз тинтиб кўрай-чи, балки бирор нарса чиқиб қолар.

¹ Миля — 7420 м.

— Кўзим етмайди. Агар бирор нарса бўлганда, мен билган бўлардим.

Шундан кейин мен Квинс-Роудга чиқдим. Соат етти ярим. Америка ваколатхонаси ёпилган бўлса керак. Аммо улардан Жефферсон ва унинг хотини ҳақида дикқатга лойиқ маълумот олишга умидим йўқ. Фақат ўзим қидириб бирор нарса топишим мумкин. Лекин бундай маълумотни қаердан қидиришни билмасдим.

Бир соатга яқин шаҳарда тентираф юрдим, дўконларни кўздан кечирдим, атроф-муҳитни мириқиб томоша қилдим. Бир оз ичгим келди ва мен Вэнчай соҳилига бордим. Бу ерда майда-чўйда қаҳвахоналар кўп эди. Улардан ҳар бирининг ёнида чўккалаф ўтирган хитой баччаларига кўзим тушди. Улар сурбетларча сузилиб мени ўзига жалб қилмоқчи бўлишади.

Сал тузукроқ қаҳвахонани топиб кирдим-да, кулоқни қоматга келтирувчи радио карнайидан четроқдаги столга ўтиредим. Қаҳвахона дўкони пештахтаси ёнида бир неча америкалик денгизчи пиво сипқоришарди. Менга қўшни стол теварагида ўтирган хитойлик икки корчалон иш ҳақида суҳбатлашарди. Улар олдида бир даста қофоз. Хона бурчагидаги курсида эса ёш хитой қизлар пи chirлашиб, ҳингирлашарди.

Ёнимга келган официант виски ва кока-колага буюртма олди. У хизмат қилаётган пайтда қаердандир ўрта ёшлардаги бир хитой аёли пайдо бўлди. Калтагина яшил кўйлак кийиб, елкасига жигарранг ёпинчиқ ташлаган бу танноз столим ёнидаги бўш ўринга чўқди.

— Яхшимисиз? — деди менга тикилиб. — Гонконгда биринчи бўлишингизми?

— Ҳа.

— Ёнингизда ўтирсан майлими?

— Бемалол. Бирор нарса буюрсам, ичасизми?

У жилмайди. Тилла тишлари яраклаф кетди.

— Бир финжон сут бўлса, йўқ демасдим.

Мен официантни имлаган эдим, у нима кераклигини тушунди шекилли, бошини лиқиллатди-да, гойиб бўлди ва ярим литрли финжонни тўлдириб сут олиб келди.

— Бу ернинг овқатлари яхши, — деди аёл. — Агар егингиз келса.

— Менинг овқатлангим йўқ. Сут ичяпсиз, ўткирроқ нарса ичмайсизми?

— Йўқ. Сиз “Глочестер”га жойлашдингизми? Энг яхши меҳмонхона шу.

— Биламан.

Аёл маънодор тиржайди.

— Кўхликкина қиз керакмасми? Менда ёш ва сулув жононлар кўп. Телефон қилсан бас, дарҳол етиб келишади. Агар ёқмаса, ҳечқиси йўқ. Уларни мен таклиф қиласман, сиз ташвишланмасангиз ҳам бўлади. Агар бирортаси ёқиб қолса, айтасиз. Ҳаммасини ўзим тўғрилайман.

— Раҳмат, лекин, яххиси, керакмас. Нима, қиз топиш қийинми?

Аёл кулди.

— Қийин жойи борми. Гонконгда қиз тўлиб ётибди. Улар бойваччалар кўнглини овлашдан бошқа нима ҳам қилишарди. Бу ерда пул ишлаш илинжида юрган ойимқизлар сон мингта.

“Самовий салтанат” меҳмонхонаси бу ердан икки ёки уч юз қадамча нарида эди. Маҳаллий фоҳищалар онахони бўлган бу аёл Жо-Энни билмасмикин?

— Менинг ошнам ўтган йил бу ерларда бўлганди. Бир қизни учратиб ёқтириб қолган экан. Унинг исми Жо-Эн Винг Чанг. Мен ўша қизни кўрмоқчи эдим. Сиз уни танимайсизми?

Аёлнинг кўзларida қандайдир довдираш аломати сезилди. Лекин у дарҳол ўзини тутиб олди ва жилмайди.

— Ҳа, албатта, мен уни танийман. У ажойиб қиз, жуда кетворган, гўзал. У сизга ёзиши тайин. Агар истасангиз, телефон қиласман.

— Майли, чақира қолинг.

— Бу менинг яхши қизларимдан бири. У билан меҳмонхоналардан бирига боришга қарши эмасмисиз? Бу қиз ота-онаси билан бирга яшайди. Шу сабабдан хушторини уйига бошлаб боролмайди. Бу сизга ўттиз гонконг долларига тушади. Хона учун яна ўн доллар... — у тиржайиб тилла тишларини кўрсатди, — менга эса эса уч доллар... тўлайсиз.

Қизик, менга тұлаган пулини нималарға сарфлаганин рүйхатини күрсатсан қария Жефферсон не деган бўларди.

— О'кэй, — ўз навбатида мен ҳам тиржайдим. — Лекин бу қиз Жо-Эн эканлигини мен қандай биламан?

— Ҳазиллашяпсизми? — аёл менга жиддий қарааш қилди. — Бу Жо-Эн. Яна ким бўлиши мумкин?

— Рост. Ҳазиллашдим.

Аёл ўрнидан турди.

— Бориб, сим қоқай-чи...

Аёл бурчакда турган телефон ёнига борди. Қўнғироқ қилаётганида денгизчилардан бири унинг елкасига қўл ташлади. Аёл “нари тур” дегандай уни силтаб ташлади-да, менга қараб, кўз қисиб қўйди. Мен ҳам унга жавобан кўзимни қисиб қўйдим. Қаҳвахонада дўстона ва бамайлихотир кайфият ҳукм сурарди. Ҳамма нарса ошкора эди. Аёл телефон гўшагини илгач, қаҳвахонадаги барча, ҳатто официант ҳам, менинг бир қизга буюртма берганим ва ҳадемай у бу ерга етиб келишини яхши билишарди. Ҳатто, бундан барча курсанддай кўринарди.

Аёл денгизчи билан гаплашди. Сўнг яна телефон гўшагини кўтарди. Ким биландир савдолащи.

Мен ичиб, чекиб бўлдим-да, официантни имладим. Яна ичимлик буюрдим.

Ола-була чўимилиш кийимидағи икки америкалик менга яқинроқ жойга келиб ўтиришди. Хитой аёл телефонда гаплашиб бўлгач, ёнимга қайтиб келди.

— Ўн дақиқадан кейин етиб келади. У келиши билан мен сени огоҳлантираман, — деди-да, америкаликлар ёнига ўтди. Беш дақиқача гаплашишгач, аёл яна қўнғироқ қилгани жўнади.

Орадан чорак соатлар вақт ўтгач, эшик очилиб, бир қиз кириб келди. Баланд бўйли, хушбичим, европача тикилган оқ-қора кийимда. Елкасидан ошириб ташлаган пластик сумкаласи ҳам шу рангда. Унинг дилбарлиги истагимни жунбушга келтирди. Қиз хитой аёлга қараган эди, у мен томонга ишора қилди. Қиз менга қараб жилмайди-да, нозли бир юриш билан зални кесиб ўтди. Денгизчилар завқ билан қараб қолиши.

Қиз менинг ёнимга ўтириди.

— Хэллоу. Исминг нима?

— Нельсон. Сенинг исминг-чи?

— Жо-Эн.

— Жо-Эн — бу ёфи-чи?

Қиз стол устида турган қутидан сигарет олди.

— Оддийгина Жо-Эн.

— Винг Чант эмасми?

У чиройли табассум қилди. Оппоқ тишлари ўзига бирам ярашардики...

— Бу менинг исмим. Сен қаердан биласан?

— Бултур бир ошнам шу ерларда бўлганди, — дедим мен унинг ёлғон гапираётганига парво ҳам қилмай. — У менга сен билан учрашганини айтганди.

— Жуда курсандман, — у сигаретни бўялган лабларига қистириб, чекди. — Сенга ёқаманми?

— Бўлмасам-чи.

— Демак, кетдик.

— О'кэй.

— Хоним учун уч доллар берасанми?

Мен уч доллар узатдим.

Хитой аёл тилла тишларини ялтиратиб ёнимга келди.

— Қалай, маъкулми?

— Маъкул бўлганда қандоқ?!

У пулни ҳамёнига яшираётib тиржайди.

— Яна келинг. Мен доим шу ердаман.

Ўзини Жо-Эн деб таништирган қиз ўрнидан туриб, шошганича эшикка йўл олди. Мен ҳам денгизчиларга имо қилиб, “хайр” дедим-да, унга эргашдим. Денгизчилардан бири бармоқлари билан “О” шаклини кўрсатди-да, гўё хушдан кетганини тасвирлаб, ўзини ўз ошналари қучогига ташлади. Кишнашта

үхшагын кулги янгради. Мен одамлар билан гавжум, димиқтан күчага чиқиб, метти күтәётгән қыз хузурига шошилдим.

— Шигина, лекин арzon бир меҳмонхонани биламан, — деди қиз.

— Мен ҳам биламан. Мен “Самовий салтанат”га жойлашганман. Ўша ерга борайлик.

— Ўтиси, мен айтган меҳмонхонага борайлик, — у кўз остидан менга қараб кўйди.

— Ўқ, меникига борамиз, — дедим мен ва қўлтиғидан олиб, одамлар тўда-си орзаб, меҳмонхонамга стакладим.

Киз итоаткорона ёнма-ён одимларди. Ундан қимматбаҳо атири ҳиди анқиб туради. Бу менга жуда хуш ёқарди. Йўл бўйи у ҳам, мен ҳам индамадик. Қиз тики экинлардан осон ва чақон кўтариларди. Елкаси нафис, оёқлари чиройли ва узум эди. Зинадан зинага кўтариларкан, сонларини моҳирона ликиллатарди. Мен унга ҳаддан ташқари қизиқиб қараётганимни ҳис қилдим. Ҳолбуки, ўзимни тутишим керак эди.

Кеки нозим ўринда мудраб ўтириби. У бир кўзини сал очди, қизга диққат билан ҳаради, кейин мени кўздан кечирди ва қовоғини ёпди.

Очи, эшик ёнда тирноқларини тозалаганича Лейла турарди. У қизга қараб кўйди да, менга ёвқарашиб қилди. Мен ҳам унга истеҳзоли қараб қўйдим-да, меҳмонимни ичкари киритдим. Эшикни занжирладим.

— Менинг ўттиз доллар эмас, сал кўпроқ беролмайсанми? Агар эллик доллар берсан, сен билан шундай назокатли бўлардимки...

У, сен тайёрман, дегандай тугмасини ечиб юборди. Мен уни тўхтатишга үйгурмасимдан у ярим яланюоч ҳолда турарди.

— Бир оз шошма, — дедим ҳамёнимни оларканман. — Бу ишда шошилиш ярамасиди.

Кис қайрат билан менга тикилди. Мен Жо-Эннинг ўликхонада олинган суратини тикидим-да, унга узатдим. Унинг чиройли чехраси шубҳа билан қопланти. Аввалига кўзларини суратга қадади, кейин менга тикилди.

— Нима бу? — сўради у.

— Жо-Эн Винг Чангнинг сурати.

У хайсаласизлик билан тугмасини солди. Кора кўзларида ҳорғинлик экс этди.

— Сенда унинг сурати борлигини қаёқдан биламан? Хоним сенинг уни сира кўрмаганингни айтганди.

— Сен уни танирмидинг?

У сонлари билан каравотга суюнди.

— Бу шунчалар муҳимми? Мен ундан лаззатлиман. Сен мени хоҳламайсанми?

— Уни танирмидинг, деб сўрайпман.

— Ўқ, танимасдим, — у бирдан газабланди. — Менинг ҳақимни берасанми?

Бенита ўн долларликни санаб, елпифичек тутдим-да, кўзига ниқтадим.

— У бир Герман Жефферсон деган америкаликка текканди. Сен уни танирмидинг?

Унинг юзида нафрат ифодаси акс этди.

— Мен у билан учрашганман. — Қиз яна Жо-Эннинг суратига тикилди. — Нимага у... — Нега у ўликка ўхшайди?

— Чунки у ўлик-да!

Худди қўлини чақиб оладигандек қиз суратини ташлаб юборди.

— Ўлик одамларни томоша қилиши — яхши аломат эмас. Менинг ҳақимни бер Кетишим керак.

Мен Германинг суратини чиқариб, унга кўрсатдим.

— Мана бу унинг эрими?

Кис суратга зўрга ҳаради.

— Мен янгилишибман. Унинг эрини сира кўрмаганман. Ҳақимни олсан бўла-диси?

— Ҳозиргина у билан учрашганман, дединг-ку?!

— Янгилишибман.

Биз бир-биримизга тик қараб турардик. Унинг юз ифодасидан бекор вақт сарфлаётганимни тушундим. Унинг менга ҳеч нарса гапиргиси йўқ эди. Мен пулни бердим. У дарҳол сумкасига тиқди.

— Агар Жефферсон ҳақида бирор қизиқроқ нарса гапириб берсанг, янада кўпроқ олишинг мумкин эди, — дедим унга умидсиз оҳангда.

У эшикка қараб юрди.

— Мен у ҳақда ҳеч нарса билмайман. Совға учун миннатдорман.

Занжирни туширди-да, сонларини намойишкорона ликиллатиб, чиқиб кетди.

Чув тушдим! Бунинг устига Жефферсондан олган пулни елга совурдим. Фақат пулларнинг ўзимники эмаслигигина далда берарди.

2

Анча вақтдан кейин, тўшакда чўзилиб ётавериш жонимга теккач, қаергадир бориб, тамадди қилишга қарор бердим. Эшикни очиб Лейлани кўрдим. У даҳлизнинг нариги томонида, ўз эшигининг остонасида турарди. Ёрқин қизил рангда, зар билан тикилган кўйлак унга байрамона тус берганди. Сочига оқ гул қистириб олибди.

— У сеникidan тезда чиқиб кетди. Нега олиб келдинг, ахир мен шу ердаман-ку.

— Бу амалий учрашув эди. У билан гаплашишим керак бўлди.

— Нима ҳақда? — сўради шубҳаланиб Лейла.

— Ҳар тўғрида, — дедим кўзларига қараб. Бу шайтонча ўта оғатижон эди. — Бирор жойга бориб овқатланмаймизми?

Лейланинг кўзлари чақнади.

— Мана бу бошқа гап, — деганича Лейла ўз хонасига отилиб кирди, сумкачини олиб, қайтиб чиқди. — Сени яхши ресторонга олиб бораман. Қорним жудаям оч. Биз анча-мунча ширин нарсалардан тамадди қиласиз. Мазза. Лекин бу сенга унча қимматтга тушмайди...

Биз даҳлиз бўйлаб зинага қараб юрдик. Нозимнинг ёнидан ўтдик. У нималарнидир ҳисоблаб ўтиарди. Бизга парво ҳам қилмади.

Биз кўчани кесиб ўтиб, таксилар тўхтайдиган жойга бордик.

— Кечувгача таксида борамиз. Ресторан нариги соҳилда.

Биз таксига ўтириб, кечувгача бордик, у ерда паром¹га ўтирдик. Йўл бўйи Лейла кеча кўрган фильмнинг мазмунини гапириб берди. Ҳар куни кинога бориб туришини айтди. Унинг гапларига қараганда, хитойлар кинони жуда яхши кўришаркан ва имкон бўлди дегунча томошага боришаркан. Ҳар бир кинотеатр олдида навбатда турган одамларни кўриб бунга ишониш қийин эмасди. Энг яхши билетларни олиш учун эрталабдан навбатда тураман, деди Лейла.

Биз соҳилга чиққанимиздан кейин, Лейла Натан-Роудда бир оз сайр қилишини таклиф этди. Шунда иштаҳа яхши очилади, дейди Лейла.

Ёнма-ён юриш жуда қийин эди, гаплашиш тағин оғир. Бу пайтлар кўчалар одамлар билан жуда гавжум бўлади. Каулун кўчалари бўйлаб юриш алоҳида малака талаб қиласиди. Каёққа қараманг, неон лампалар ярқираиди. Бу хитойлар неон рекламалари қилишга устаси фаранг бўлишаркан, дейман ўзимча. Белгилари ҳарф эмас, санъат асари дейсиз. Машиналар, рикшалар, велосипедлар кенг кўчани тўлдириб боряпти. Йўлак бўйлаб эса одамлар худди чумолидай ўрмалайди.

Ниҳоят ресторанга етиб келдик. Унинг атрофида ҳам фуж-фуж одам.

— Бу ерда маза қилиб овқатланамиз, — деди Лейла ва айланувчи эшикни итарди. Ресторан шовқинидан қулоқ қоматга келди.

Хўрандалар кўзга ташланмасди. Столларни шифтдан осилган пардалар пана қилиб турарди. Пардалар ортидан пиёлалар жарангি, ҳирс уйғотувчи хитойча сўзлар, ликопчалар тақиляши қулоққа чалинади.

Ресторан соҳиби пардани кўтариб, таъзим қилди. Лейлага жилмайди. Биз рестораннинг сирли муҳитига фарқ бўлдик.

¹ Паром — кечувда ишлатиладиган катта сол.

Лейла сумкаласини стол остига яширди, күйлаги кўкрагини тўгрилаган бўлди, стулда керилиб ўтиаркан, тиржайиб, оппоқ тишларини намойиш қилгандай бўлди.

— Овқатни мен буюраман, — деди у. — Аввало қовурилган креветка¹ сўнгра наҳанг сузгичларидан тайёrlанган шўрва, ундан кейин тухумга қўшиб қовурилган жўжа, бу ерда уни жуда зўр тайёrlашади-да. Кейин... кейин яна кўрамиз. Аммо биринчи бўлиб қовурилган креветкалар.

Лейла официантни имлаб, хитойчасига нимадир деб бидирлади. Официант кетгач, стол оша чўзилиб қўлимни силай бошлади.

— Америкалик бойваччалар менга жуда ёқади, — тан олди Лейла. Улар ўта жонсарак бўлишади. Кўрпода, айниқса, бажонидил ҳаракат қилишади. Бунинг устига пуллари ҳам кўп бўлади.

— Олдиндан хулоса чиқарма. Панд еб қолишинг мумкин. Гонконгга келганингга анча бўлдими?

— Уч йил бўлди. Мен Кантондан келганман. Қочоқларданман. Амакимнинг ўғлида қайиқча бор эди. У мени Макаогача олиб келди. Кейин мен бу ёқа ўтиб олдим.

Официант бизга хитой шароби келтирди. Уни иккита зигирдай-зигирдай финжонга қўйди. Шароб илиқ ва ўткир эди. Официант кетгач:

— Балки сен Жо-Эн Винг Чангни биларсан? — деб сўрадим. — У ҳам қочоқлардан.

Лейла ҳайрон бўлди.

— Ҳа, мен уни яхши биламан. Нима, сен уни танийсанми?

— Танимайман.

Биз жим қолдик. Официант қовурилган креветкаларни олиб келди.

— Лекин сен унинг отини айтдинг-ку. Уни қаердан биласан? — сўради Лейла таёқчалар билан креветка ушлаб сардакка ботиаркан.

— У менинг ҳамюртимга турмушга чиққанди. — Мен креветкани дастурхонга тушириб юбордим. Уни таёқчаларда базўр олиб оғзимга солдим. Жуда мазали экан. — Сен уни ҳеч кўрганмисан? Герман Жефферсонни?

— Албатта. — Лейла креветкаларни усталик билан туширади. У овқатнинг анчасини тушириб бўлди. Мен эса учинчи креветка билан овора эдим.

— Жо-Эн Кантондан мен билан бирга қочганди. Унинг омади бор экан, америкалика турмушга чиқди. Лекин у ўлиб қолди.

Официант кирди. У қовурилган гуруч араластирилган ветчина, креветка ва пиширилган тухум бўлаклари тўла товоқ олиб келганди. Лейла ундан ўз идишини тўлдириб олди-да, таёқчаларни ишга солди. Мен барибир унга тенглаша олмасдим.

— У сизларнинг меҳмонхонада яшармиди? — сўрадим мен таёқчалар билан гуручни оламан деб тиришарканман.

Лейла бошини лиқиллатди.

— У менга қўшни хонада тўйдан кейин уч ой яшади. Сўнгра қаёққадир гойиб бўлди.

Наҳанг шўрвасини олиб келишди. Лейла яна ишга киришди.

— Нега гойиб бўлди?

Лейла елкасини қисди.

— Жо-Эн унга керак бўлмай қолди.

Шўрвани қошиқ билан ичардик. Шунинг учун ҳам у билан беллаша олардим.

— Нега унга керак бўлмай қолди?

Лейла менга нафрат тўла бир нигоҳ ташлади-да, шўрвани ичишда давом этди.

— У Жо-Эн боқсигин деб унга уйланган эди, — деди Лейла. Унинг ўзида пул пайдо бўлгач эса, Жо-Энни хоҳламай қўйди.

— У Германни қандай қилиб боқарди?

— Жо-Эн ҳам менга ўхшаб эркакларнинг кўнглини овлаб пул топарди. Бизларда пул топишнинг бошқа иложи йўқ.

¹ Креветка — майдада қисқичбақа.

Пардани қайириб официант кирди. У мўъжазгина бўйра олиб кирганди. Уни тантана билан ерга тўшади.

Лейла ўтирган стулида гир айланиб, қувониб қарсак чалди.

— Мана, жўжа ҳам келди. Бунақаси ҳамиша ҳам бўлавермайди.

Бир хитой бола кирди. Кўлидаги ёғоч ликопчада түяқуш тухумидай нарсани олиб кирди. У тухумни бўйрага юмалатди.

— Жўжа олдинига турли зираворлар билан тўлдирилади, шундан кейин нилюфар баргига ўралади, — тушунтирди Лейла. — Сўнгра у лой билан сувалади. Кейин оловга кўйиб беш соатча қовурилади. Қарагин-а, лой тошга ўхшаб қотиб кетибди.

Бола болға билан уриб тухумни синдириди. Ажойиб ҳид тараалди. Официант билан бола юзма-юз ўтириб олишиди. Болакай жўжани нилюфар баргидан тозалаб, официант тутиб турган идишга солди. Товуқ гўшти шу даражада пишиб кетганники, тозалаш жараёнида гўшти суюгидан ажралиб тушди.

Официант уни мохирона ликопчаларга тизди. Лейланинг таёқчалари яна ишга тушди. Мен ейишга киришдим. Умримда бунақа ширин овқат емагандим. Лейла таёқчалари билан жўжа гўштининг бир парчасини оғзига олиб бораркан:

— Ёқдими? — деб сўради.

— Бўлмасам-чи...

Шундан кейин у, то овқатдан пақкос тушириб бўлмагунча, ҳеч нарса ҳақида сўрамади. Ҳозир уни овқатдан бошқа ҳеч нарса қизиқтирмасди. Жўжани бартараф этганимиздан кейин Лейла қўзиқорин буюрди. Сўнгра бамбук новдаси, тузланган занжабил ва бодом мағзи солиб пиширилган пирожное. Бу пайтга келиб овқат роса кўнглимга урганди. Мен чекиб ўтиарканман, щунчалик кўп овқат еганимиздан ҳайратланардим. Яна йигирма дақиқалардан сўнг Лейла таёқчаларни кўйиб, яйраб керишди.

— Зўр бўлди-да, а? — деди у менга сўрагандай термулиб. Мен унга эҳтиром билан қараб турардим. Шунча овқатни еб, шакли-шамойилини асло ўзгартирмаган одамга қойил қолмай бўладими...

— Жуда соз.

Лейла қониқиши билан жилмайди.

— Ҳа, жуда соз. Энди сигарет сўрасам бўладими?

Мен унга сигарет тутдим. Ү ҳузур билан чекаркан, мириқиб жилмайди.

— Меҳмонхонага боргинг келмаяптими? — сўради у. — Ҳозир айни муҳаббатга берилиш пайти. Бундай овқатдан кейин севги иштиёқи юракни роса жўш урдиради-да. Ишқ ҳиссияти ҳам гаштли бўлади.

— Ҳали эрта... Ҳали бутун тун бизнинг ихтиёrimизда. Яхшиси, менга Герман Жефферсон ҳақида гапириб бер. Сен у уйланганидан уч ой кейин пул топа бошлади, деб айтдинг. Пулни қандай топарди, ахир?

Лейла қовоғини уйди. Бу мавзу унга ёқмаганини тушундим.

— Билмайман. Жо-Эн менга ҳеч нарса гапирмаганди. Бир сафар қарасам ийғлаб ўтирибди. Мени ташлаб кетди, дейди. Энди ўзи пул топа бошлади, менинг керагим бўлмай қолди...

— Қандай пул топаётганини айтмадими?

— Нимага энди? Менинг нима ишим бор?

— Герман унинг олдига келиб турармиди?

— Ҳар замонда келиб турарди, — Лейланинг юзи фамгин тус олди. — Эркаклар кўнгли янги нарса тусаб қолсагина келиб туришади. Герман онда-сонда уникода ётиб қоларди.

— Герман ташлаб кетганидан кейин Жо-Эн нима қилди?

— Нима қиласарди? — деди жаҳл билан Лейла. — Бошқа нима ҳам қила оларди? Аввалги ишини давом эттириди.

— Эркаклар кўнглини овлардими?

— Бўлмаса қандай кун кўтарди?

— Жефферсон пул топа бошлаган тақдирда ҳам, Жо-Эн унинг хотини эди-ку...

— Герман унга ҳеч вақо бермасди.

— Жо-Энни ташлаб кетгандан кейин, Герман қаерда яшарди, билмайсанми?

— Жо-Эн гапиргандай бўлувди, бир катта чорбогли кошонани ижарага олган деб. Репала-Бэйдаги бу кошона қандайдир қартабоз хитойнинг жойи экан. Мен ўша жойни кўргандим, — Лейланинг овозида негадир ҳасад оҳангига бор эди. — Жуда ҳашаматли... Катта оқ кошона, шундоқ денгизга зиналар билан тушиб бориларди. Кичкинагина бандаргоҳи, қайифи ҳам бор эди.

— Жо-Эн у ерга бориб турармиди?

Лейла бошини сарак-сарак қилди.

— Уни чақирмасди.

Официант кириб, табассум билан таъзим қилди.

У менга ҳисоб қофозини тутқазди. Шунча овқат арзимаган пул бўлибди. Мен пулини тўладим. Лейланинг юзида ширин жилмайиш пайдо бўлди.

— Кўнглинг тўлдими? — сўради Лейла.

— Жуда зўр.

— Энди меҳмонхонага қайтиб, бир маза қилайлик. Севишишмоқ онлари бизга мунтазир.

Бу Гонконг эди. Ақл-идрокнинг барча далилларини бир чеккага йигишириб, фақат ҳиссият муҳити билан яшаётган бир жой эди бу ўлка. Ҳа, буни Гонконг дейдилар. Бунинг устига мен умримда хитой қизлари билан ётмаган эдим. Шундан бўлса керак, юрагим ҳовриқар, ҳиссиятим жўш урган эди.

— О’кэй, — дедим мен ўрнимдан турарканман. — Кетдик меҳмонхонага.

Шовқин-сурон тўла тунги кўчага чиқиб, Натан-Роуд бўйлаб юра бошладик.

— Менга бирор мўъжазгина совға ҳадя қилолмайсанми? — сўради Лейла қўлтиғимдан олиб, жилмайиб бораркан.

— Майли. Нима хоҳлайсан?

— Мен кўрсатаман.

Биз яна бир оз юрдик-да, чироқлардан ярқираб турган галереяга чиқдик. Бу ерда ҳар қадамда дўкон. Ҳар бир дўконнинг ёнида харидорни интиқ кутаётган тужжор.


— Сендан бир эсадалик сифатида узугим бўлса... — деди Лейла. — Фақат қиммати керакмас.

Биз заргарлик дўконига кирдик ва у ўзига узук танлади. Узук унча қиммат эмасди, лекин Лейлага жуда ёқиб қолганди. Баққол узук учун қирқ гонконг доллари сўради. Лейла у билан ўн дақиқача савдолашди ва узукни йигирма беш долларга туширди.

— Мен уни ҳамиша тақиб юраман, — деди Лейла узукни айлантириб кўраркан. — Сени сира эсадан чиқармайман. Энди юр, тезроқ меҳмонхонага борайлик.

Ҳаммаси паромдан тушиб, мен такси тўхтатмоқчи бўлганимда юз берди. Худди ўша пайт Лейла фойиб бўлиб қолди. Бу қандай юз берганини ҳозиргacha тушуна олмайман. Шундоқнина ёнимда такси тўхтади, худди шу пайт оврупача қора костюм кийган уч нафар бақувват хитой йигити мени итариб ўборди. Улардан бири энгашиб, бузилган инглиз тилида мендан кечирим сўради. Қолган иккови атрофимни ўраб олган эди. Кейин учаласи уларни кутиб турган машинага қараб чопди. Мен Лейлани ахтариб, ўёқ-буёққа қарадим. Лекин у фойиб бўлганди. Худди ер ёрилган-у, Лейлани ер ютгандай эди.

(Давоми бор.)



Жеймс Хэдли ЧЕЙЗ

Гонконгдан келган тобут

Роман¹

Кечув ёнидаги майдонда ўн беш дақиқача у ёқдан бу ёққа югуриб, Лейла ни ахтардим. Кейин ташвиш тұла ҳис билан такси тұхтатдым-да, мәхмөнхонага бордим.

Кекса нозим ўз ўрнида мудраб ўтиради.

— Лейла келдими? — сүрадым ундан.

У қовоғини күтариб, менга бепарвогина қаради-да, “инглизча гапирмайды”, деди. Яна күзларини юмди.

Лейла хонасининг эшиги берк эди. Дастани бурадим, эшик очилди, хона қоронги эди. Чироқни ёқдим. Кичкинагина хона бўм-бўш, Лейла йўқ.

Чироқни ўчирмадим, эшикни очиқ қолдириб, ўз хонамга ўтдим. Эшикни ёпмадим. Каравотга ўтириб чекдим, кута бошладим.

Бир соатдан ошиқроқ вақт күтдим. Кейин каравотимга чўзилдим. Яна ярим соатлардан кейин ухлаб қолдим.

Дикқинафасликдан уйғониб кетдим. Терга ботиб кетибман. Парда ортидан эрталабки қуёш нури сизилиб кираради. Бошимни күтариб қўл соатимга қарадим: йигирма дикиқа кам саккиз. Ўрнимдан туриб Лейланинг хонасига кўз ташладим. Хона бўм-бўш. Елкамдан совуқ сув қуйилгандаи бўлди. Лейлага нимадир бўлган. У мени ташлаб қочмаган бўлса керак. Уни ўғирлашган. Нега ўғирлашганини тушуниш қийин эмас. Афтидан, кимdir унинг кўп нарсани билишидан ва жуда кўп гапиришидан хавфсираганга ўхшайди.

Мен ўйга толдим. Каравотдан туриб, эшикни ёпдим. Соқолимни олиб, ювиндим. Тоза кўйлакни кийиб, ўзимни анча тетик сездим. Даҳлизга чиқиб эшикни қулфладим-да, зинапояга қараб юрдим.

Нозимнинг ўрнида бир хитой болакай ўтиради. Хўжайнинг набираси бўлса керак.

— Лейла қайтиб келмадими? — деб сўрадим мен.

Болакай нимадир ғулдиради ва таъзим қилди. Гапимга тушунмади, шекилли.

Таксини кўп кутишга тўғри келмади. Ўтирдим-у, “полиция маҳкамасига ҳайда”, дедим.

Ишим ўнгидан келди. Мен етиб келган пайтда бош инспектор Маккарти машинасидан тушаётган эди. У мени полициячилар ошхонасига бошлаб кирди. Катта оқ финжонда аччиқ чой қўйиб беришиди.

Мен бор гапни айтиб бердим.

Лекин унинг муносабати ғазабимни келтирди. Менинг Британия полицияси билан илк бор тўқнашувим эди. Унинг бепарволиги қонимни қайнатиб юборди.

¹ Давоми. Боши ўтган сонда.

— Аммо, унга нимадир бўлди, — дедим мен бақириб юборищдан ўзимни зўрга тийиб. — Ахир шундоққина ёнимда эди, бирданига йўқ бўлиб қолди. Мехмонхонага ҳам қайтиб келмади.

Маккарти сархонали мундштугини олди-да, унга тамаки жойлай бошлади.

— Сиз бу ерда ишламагансиз, ошна. Мен бўлсан ўн беш йилдан бери ана шу ойимтиллалар билан шуғулланаман. Улар бугун бор — эртага йўқ. Балки ҳамёни каттароқ бирортасини илинтиргандир. Бунақаларга илакишмаган маъкул. Бор будингизни қоқишириб олишади-да, қочиб қолишади.

Чойдан бир ҳўплаб, сал ўзимга келдим.

— Гап бундамас. Биз меҳмонхонага қайтиб келаётгандик. Ё тавба. Кимдир у кўп гапирияпти деб ҳисоблади, шекилли. Уни ўғирлаб кетишиди.

— Нимани кўп гапиради?

— Менга бир қотилликнинг сири керак эди, — дедим қизишиб. Лейла менга баъзи маълумотларни айтганди.

Маккарти менга тутун пуркади. У кулимсиради. Афтидан нимадир деб алжираётган ўғилчасининг гапига кулаётган отага ўхшарди. Мени навбатдаги америкалик фитначи деб ўйлади, шекилли.

— Америкада юз берган қотиллик ҳақида у сизга қандай маълумот бериши мумкин? — сўради у.

Лейла Герман Жефферсон Репала-Бэйда ҳашаматли кошонани ижарага олганини айтди. Уйланганидан кейин уч ой ўтгач, Германда пул пайдо бўлиб, хотинини ташлаб кетганини ҳам Лейла гапирди.

Полициячи илжайди. Инглизларга хос бу ажойиб илжайиш чексиз сабр-бардошли мени ҳам газаблантириб юборарди.

— Ол-а, сиз мис чақани тилла танга деб ўйлабсиз. Қандайдир хитой фоҳишанинг гапига ишониб ўтирибсиз-а. Сизга ҳайронман.

— Жа сиз айтганчалик содда эмасдирман. У мени алдаб, уйига қайтиб бормаган, мени бир қайғурсин, деб шундай қилган деб ўйлайсизми?

— Фоҳишаларнинг иши шунаقا ўзи. Жазманларини чалғитиш учун уйига ётгани боришмайди.

— Сиз Репала-Бэйда яшовчи бирор америкаликни биласизми?

— У ерда яшаётган бир нечтасини танийман.

— Агар Жефферсон ўша ерда яшаган бўлса, бу сизга маълум бўларди-ку?

— Маълум бўларди, лекин Герман у ерда яшагани йўқ.

— Демак, Лейла мени алдаб кетибди-да?

У сиёсатдонларга хос тарзда тиржайди.

— Шундай деб ҳисблаймиз.

Мен ўрнимдан турдим. Бекорга вақт сарфлашни истамадим.

— Чой учун раҳмат. Учрашгунча.

— Ёрдам беришга ҳамиша шайман.

Такси тўхтатиб, меҳмонхонага бордим.

Кекса нозим ўринда ҳозири нозир эди. Менга таъзим бажо келтирди. Ундан кўп нарсани сўраб билгим келар, лекин тил билмаслик катта тўсиқ эди. Қаерга бош урма, таржимон керак бўлади. Шунда бирдан эсимга аэропортда менга шахсиятномасини берган Вонг Хон Хо тушди. У ёрдам берса керак.

Лейла хонасининг эшиги берк эди. Тақиллатдим. Жавоб бўлмади. Дастани бураб кўрдим. Эшик кулфланганди. Яна тақиллатдим, кулоқ солдим, ҳеч нарса эшитилмади, ўз хонамга жўнадим.

Нима қилишни билмай бир оз турдим-да, пиджакни ечдим. Ботинкани оёқдан чиқардим-да, каравотга чўзилдим. Бошим фўнгиллар, миямга ҳеч нарса келмасди. Тез орада уйқуга кетдим.

Соат ўнларда эшикнинг тақиллашидан уйғониб кетдим. Каравотдан сакраб тушиб, эшикни очдим. Остонада кечаги хитой болакай турарди. У тиржайдида, пастига чақиришаётганини имо-ишора билан тушунтирди. Мен оёғимга ботинкани илиб болакайга эргашдим.

Кекса нозим менга телефон гўшагини тутди.

Бош инспектор Маккарти қўнгироқ қилаётган экан.

— Кеча менга гапириб берган қиз хусусида, — деган овози эшитилди унинг. — Ўтган оқшом унга нефритдан ясалган узук олиб бергандим, дегандай бўлувдингизми?

Қотиб қолдим.

— Ҳа, нефритга ўхшатиб ясалган.

— Сиз такси олиб, тезда Четхэм-Роуддаги полиция маҳкамасига етиб келломайсизми? Бу Каулунда. У ерда битта қиз бор — балки сиз айтган қиз шудир. Унинг бармоғида сунъий нефритдан ясалган узук бор.

— Ўликми? — сўрадим ҳовлиқиб.

— Шунақа, — менга у чекаётган тамакининг ҳиди келгандай бўлди. — Мурданинг кимлигини аниқлаб берсангиз. Сержант Хемишни сўранг.

— У ҳам шотландияликми?

— Худди шундай. Бизнинг полицияда шотландияликлар анчагина.

— Демак, маҳаллий тартибларни сақлашга Шотландия ўз ҳиссасини кўшаётган экан-да.

Кирк дақиқалардан сўнг Четхэм-Роуддаги полиция маҳкамаси зинапоясидан кўтарила бошладим. Кенгина даҳлиз деворида каттақон тахта осилганди. Унда абжафи чиққан мурдаларнинг суратлари илинган. Ўлдирилган бу хитой эррак ва аёлларнинг кимлигини аниқлаш — инглиз ва хитой тилларида илтимос қилинарди.

Навбатчи сержант менга мўъжазгина бир хонани кўрсатди. У ерда полициячига хос бепарво нигоҳли бир йигит тикилган қофозларни титиб ўтиради. Мен ўзимни таништиридим. У саломлашди ва ўзини сержант Хемиш, деб таништириди.

— Сиз менга жасадни кўрсатишингиз керак, — дедим мен.

У чўнтағидан арчагулдан ясалган сархонали мундштугини олди. Гонконг полициясида ашаддий чекувчилар ишлашади, шекилли. У мундштугининг сархонасига тамаки тўлдириди. Яшил кўзлари совуқ ва эҳтиrossиз эди.

— Тўғри. Бош инспектор сиз уни танишингиз мумкин, деб ўйляяпти. Жасад ўтган кечаси, тахминан соат иккода бўғозда топилган. Танийдиган даражада эмас. Уни кечувда ишлайдиган денгизчилардан биттаси кўриб қолиб, сувдан чиқариб олибди.

Баданимни совуқ тер босди.

— Бу шайтонваччалар ўзларини ўлдиришади, — сўзида давом этарди сержант. — Биз ҳар куни ўнлаб жасадларга дуч келамиз. Хитойлар ўз ҳаётларини қадрлашмайди.

Биз даҳлиз орқали ҳовлига чиқиб, ўликхонага бордик. Столларда бўз чойшаб ёпилган мурдалар ётарди. Сержант мени қалин резина чойшаб ёпилган столга бошлаб борди. Ёлингич четини сал кўтариб, мурданинг сарғайиб кетган кўлчасини очди. Унинг бармоғида нефритдан ясалган узук бор эди.

— Эрталабки нонуштамга бекон¹ли тухум қуймоқ тайёрлаттиргандим, — кувноқ бир оҳангда деди у. — Агар сиз уни таниб берсангиз, вақтида овқатлашига улгурман.

Мен узукка, нозик бармоқларга қарадим.

— Ҳа, ўша узук, — кўнглим галати бўлиб кетди.

Сержант мурданинг кўлини ёлингич билан беркитди.

— О'кэй, бош инспекторга шундай дейман...

Мен мурдага яқинроқ бориб резина чойшабни очдим. Олдимда Лейланинг қолдиқлари ётарди. Унга сўнгги бор “кечир” демоқчи бўлдим, лекин бунга мажолим келмади. Мен чойшабни қайта ёпдим. Унинг кечкурунги овқат пайтидаги кувноқ хитобларини эсладим. Хайрлашув хитоблари экан-да, шўрликнинг. Бизнинг танишлигимиз узоқ чўзилмади, лекин унинг қиёфаси хотирамга чуқур ўрнашиб қолди.

Нариги соҳилда мени терговчи кутарди. У Мак-Ферсон фамилияли қипказил гавдали киши эди. Ҳаммаёқни шотланд полициячилар босган экан-да, деб ўйладим. Биз жип²да меҳмонхонагача бордик.

¹ Бекон — дудланган ёш чўчқа нимтаси.

² Жип — енгил машина.

Полициячи дарбон билан хитойча алламбалоларни гаплашди-да, Лейла хонасининг калитини олди.

Биз даҳлиз бўйлаб борарканмиз:

— Содда мугомбир, — деди Мак-Ферсон. — Бу фоҳишаҳонани бир текшириб кўриш керак. У ўзича Лейлани фоҳиша эмасди, деяпти, умуман мен уни тушуниб турибман.

Мак-Ферсоннинг бу гали менинг гашимни келтирди. Лейланинг қабрига муносиброқ сўзларни ёсса арзиди, деб ўйладим. Кўпол шотланд аскарининг бемаъни гапидан жирканиб кетдим.

Мак-Ферсон эшикни очиб, мўъжазгина хонага кирди. Мен даҳлизда қолдим. У қасб-корига хос синчковлик билан хонани титкилай бошлади. Жавонда учта қўйлак илиғлиқ турар, кутида эса биргина ички кийим ётарди. Шўрлик Лейланинг бор бисоти шугина эди.

Бир маҳал Мак-Ферсон нимадир деб манғирлади ва жавоннинг тагини кўздан кечира бошлади.

— Ўзим ҳам шундай деб ўйловдим... — деди тўнғиллаб, энгашиб фольга парчасини олди-да, синчиклаб кўздан кечирди. Афтидан, фольгани сигарет кутисидан олишганга ўхшайди.

— Биласизми, бу нима? — сўради у менга фольгани кўрсатиб. Унинг ўртасида доғ бор эди.

— Нималигини айтинг, — дедим.

У жавонни синчиклаб текшириш учун яна энгашди. Бу сафар у кичкинагина ярми ёнган шамни топиб олганди.

Кўлида шам билан фольгани тутганича каравот четига ўтириб, валдираб кетди.

— У гиёҳванд экан. Бу оғат ҳар куни кўплаб шўрликлар умрига завол бўлади.

— Нималар деяпсиз?

— Агар сизда мана бундағанги қурилма борми, тамом, сиз гиёҳвандсиз, — деди Мак-Ферсон. — Уни қандай ишлатишни биласизми? Героинни фольгага ўраб, ёниб турган шам устида ушлаб туринг-да, ҳидини исказ кўринг. Буни тайёрлашга бир неча сония кетади, холос. Ҳукумат афъон чекувчиларга қарши кураш очиб аҳмоқона иш қилди. Тақиқлаш энг осон йўл деб ўйлашади. Қаёқда дейсиз! Авваллари гиёҳвандлар учун бино, каравот, чилим керак бўларди. Чилимлар катта бўлар ва қиммат турарди. Бангиҳонани аниқлаш ва қурилмаю чилимларни синдириб ташлаш ҳеч гап эмасди. Чилимнинг ўзи анча қиммат туради. Гиёҳванд ундан тортгач, каравотга чўзилади. Шунда уларни чилим билан бирга кўлга тушириш жуда осон. — Мак-Ферсон менга қараб кўйди. — Гиёҳвандлар афъондан героин олишни ўрганишди. Бунинг учун фольга билан шам бўлса бас. Бу зормандани дуч келган ерда ҳидлаб кетавериш мумкин. Кинотеатрларда, ҳожатхоналарда, трамвай, автобус, таксиларда дейсизми, бариги. Эътибор бериб қаранг-а, энг кутилмаган жойда ҳам чарвидан тайёрланган шамларни кўрасиз. Демак, бу ерда героинни ҳидлашган. Афъон чекувчи гиёҳванд, у қотил эмас. Лекин адашманг: героин ўлдиради. Хитойларга афъон чекишини қўйиб берсанг борми, тамом, гиёҳвандларни эплаб бўпсан.

Терлаб кетган иягимни артдим.

— Ваъз учун ташаккур. Лекин мен Лейла ўзини ўлдирган деб ўйламайман. У гиёҳванд ҳам эмасди. Уни ўлдиришган. Мана бу нарсаларни эса бизни чалғитиш учун ташлаб кетишган.

Мак-Ферсоннинг тунд юзи заррача ўзгармади. У бамайлихотир ёнидан сархонали мундштугини олди-да, тамаки тўлдира бошлади.

— Шундай деб ўйлайсизми? — сўради у киноя билан. — Бошлиғимнинг айтишича, сиз хусусий изкувар экансиз. Чандлер ва Хамистни ўқиганман, жа олиб қочишида-да. Аммо ҳақиқий ҳаёт бўлак.

— Эҳтимол. Лекин сиз ташвишланманг. Булар унчалик мухим ҳам эмас.

— Нега энди сиз уни ўлдиришган деб ўйлайсиз? — сўради у бепарволик билан.

— Сизни ишонтириш қийинга ўхшайди. Унинг буюмларини нима қилмоқчисиз?

— Маҳкамага олиб кетаман. Балки бирортаси сўраб қолар. Кекса нозим унинг қариндошлари борми, йўқми, билмас экан. Мен у билан гаплашдим — мутлақо ҳеч нарса билмайди. — Мак-Ферсон ўрнидан турди. — Беҳудага бошингиҳизни қотирманг, — деркан, у Лейланинг буюмларини чемоданга тиқди. — Агар биз билан ишлаганингизда бу ҳақда ўйлаб ҳам ўтирасдингиз.

— Эҳтимол, фикрингиз ёмонмас.

У ҳайратланиб менга қаради.

— Қанақа фикр?

— Унинг қотиллари ҳам айнан шуни ҳисобга олишган. Шундаймасми?

— Қўйсангиз-чи, — деди у заҳархандалик билан. — Биз юзлаб бунақа ўзини ўлдирғанларнинг ишини кўрганмиз...

— Мен бўлсам бундай ишга биринчи бор дуч келиб турибман, — дедим-да, ўз хонамга йўналдим. — Бу ерда яна бир неча кун бўламан, балки сизларга керак бўлиб қоларман.

У менга галати қарашиб қилди.

— Нега энди керак бўлиб қоламан, деб ўйлаяпсиз?

— Нима десам экан, детектив романларни ўқиш билан шуғулланишимиз мумкин, — дедим-да, эшикни ёпдим.

4

Кекса Жефферсон пулларини сарфлаш пайти келди. Меҳмонхонанинг кекса нозими унча-мунча нарсадан хабардор эканини ич-ичимдан ҳис қиласдим. Мак-Ферсонга гапирганидан кўпроқ нарсани айтиб бериши мумкинлигини сезиб турибман. Фақат унинг дил қулфини очолсам бўлгани.

Мак-Ферсон жўнаб кетганига ишонч ҳосил қилгач, пастга, чол ўтирган нозимхонага тушдим. Кекса нозим менга шубҳали қараб қўйди. Мен телефонни кўрсатдим.

Вонг Хон Хо дарров жавоб берди. Худди менинг қўнфироқ қилишимни кутуб тургандек.

— Мени эслайсизми? — сўрадим телефон орқали. — Сиз аэропортда менга ўз шахсиятномангизни бергандингиз. Менга таржимон керак.

— Жоним билан, тақсир.

— Ярим соатдан кейин Шанхай ва Гонконг банки олдида мен билан учраша оласизми?

— Бажонидил, тақсир, мен тайёрман, — деди у.

— Менга машина керак бўлади, — дедим.

Вонг Хон Хо менга хизмат қилишдан хурсанд эканлигини айтиб, бутунлай сизнинг ихтиёригиздаман, деди.

Мен унга ташаккур билдириб гўшакни қўйдим. Нозимга таъзим бажо келтирдим. У ҳам жавобан икки букилди. Шундан кейин меҳмонхонадан чиқдимда, такси тўхтатиб, банкка йўл олдим.

Жаннет Вест таъминлаган аккредитив бўйича пул олдим-да, кўчага чиқиб Вонг Хон Хонинг келишини кутдим. Шимимнинг орқа чўнтаги гонконг доллари билан тўла эди.

Орадан ўн дақиқа ўтар-ўтмас у ялтироқ “Паккард”ида етиб келди. Саломлашдик. Унга ўз исмимни айтдим. У ўзини Вонг деб аташимдан баҳтиёр бўлаҗигини айтди. Барча америкалик мижозлар уни шундай чақиришаркан, менинг ҳам шундай аташим унинг учун шараф экан.

— Мен турган меҳмонхонага борайлик. Нозимдан баъзи нарсаларни сўрамоқчиман. Лекин у инглизча билмаскан. — Вонг ҳайрон бўлиб менга қаради. — Мен хусусий изқуварман, бир ишни аниқлашим керак, деб тушунтиридим.

У севиниб кетди.

— Мен кўплаб детектив романларни ўқиганман, — деди Вонг тилла тишлирини ялтиратиб. — Чинакам детективни учратиш мен учун жуда қувончли, тақсир.

— Мана бу сизнинг кундузги ҳақингиз бўлади, — дедим унга эллик долларни берарканман. — Афтидан, сизни вақти-вақти билан безовта қилиб турадиганга ўхшайман.

Вонг бу пул етарли эканлигини айтди. Лекин машина учун алоҳида тўлашим кераклигини таъкидлади. Мен савдолашиб ўтирамадим, зоро, ҳамкорликда қурумсоқлик панд бериши мумкин.

Биз меҳмонхонага етиб келдик. Машинани соҳилда қолдириб, тепага кўтарилик.

— Бу яхши меҳмонхонамас, — деди йўл-йўлакай Вонг. — Сизга бу ерда яшашни маслаҳат бермасдим, тақсир. Агар истасангиз, бошқа меҳмонхонага жойлаштиришим мумкин.

— Гап бу ҳақда эмас. Баъзи бир қиласидиган ишим бор...

Кекса нозим менга таъзим қилиб, Вонгга бепарвогина қараб қўйди. Вонг ҳам унга худди шундай беларво назар ташлади.

— Унга айтинг, бир неча савол бермоқчиман, — дедим Вонгга. — Агар менга ёрдам берса, ҳақини тўлайман. Уни хафа қилмайдиган тарзда айтинг.

Вонг чолга узоқ тушунтира кетди. У гапиаркан, мен чўнтағимдан пул олдим, ундан ўнта беш долларлик ажратдим-да, қолганини олиб қўйдим. Қўлимдаги пул чолни Вонгнинг гапидан кўра қўпроқ қизиқтириб қолди. Ниҳоят, маълум бўлдики, чол ҳар қандай саволимга жавоб беришга тайёр экан.

Мен унга Жо-Эн мурдасининг суратини узатдим.

— Сўранг-чи, ушбу қизни танирканми?

Дарбон суратни узоқ ва жиддий кўздан кечирди. Кейин нимадир деб гулдуради. Вонг бу қиз шу меҳмонхонада яшаган экан, деб таржима қилди. Ўн беш кун бурун ётоқхона ҳақини тўламай кетиб қолган экан. Меҳмон унинг учун ҳисоб-китоб қилмасмикин? Мен “йўқ” деб жавоб бердим.

Узоқ суриштиришлардан кейин Вонг давом этди;

— У бир америкалик йигитга турмушга чиқсан экан. Ўша билан бир хонада яшшибди. Унинг исми Герман Жефферсон экан. Автомобиль фалокатида ҳалок бўлибди, қиз бўлса меҳмонхона ҳақини тўламай жўнаб қолибди.

Мен Жефферсоннинг суратини кўрсатдим.

— Сўранг-чи, мана бу кимлигини биларканми?

Вонг сўради. Нозим қўзини қисиб суратга обдан тикилди-да, нимадир деди.

Вонг таржима қилди:

— Бу айнан шу меҳмонхонада яшаган америкалик экан.

— Бу ерда кўп яшабдими?

Нозим Вонг орқали тушунтириди:

— Америкалик то ўлимигача шу ерда яшаган экан.

Бу биринчи чалкашлик эди. Лейланинг гапига қараганда, Жефферсон меҳмонхонани тўққиз ой бурун тарк этган экан. Чолнинг таъкидлашича, у ўлимига қадар шу ерда яшаган.

— Менга Жефферсон бу ерда атиги уч ой яшаган дейишганди. Кейин хотинини ташлаб қаергадир кетибди. Ўшандан бери орадан тўққиз ой ўтган.

Менинг гапларим Вонгни ҳайратга солди. У нозим билан гаплашиб, қатъиятсиз:

— Чол, мутлақо ишончим комилки, америкалик йигит бу ерда умрининг охиригача яшаган, деялти.

Агар нозим ҳақ гапни айтиётган бўлса, демак Лейла алдаган.

— Унга айтинг, Лейланинг гапларига қараганда Жефферсон меҳмонхонани тўққиз ой бурун тарк этган. Айтинг, ўйлашимча у алдаяпти.

Вонг билан нозим бир-бирининг сўзини бўлиб чукурлай кетишиди. Бирдан Вонг тиржайганча менга ўғирилди.

— У алдаётгани йўқ, жаноб Рейн. Қиз янглишган. Жефферсон жуда барвақт кетар ва уйга кеч қайтаркан. Шунинг учун ҳам қиз уни кўрмаган ва кетиб қолган деб ўйлаган.

— Ундан бўлса, нега энди Жо-Эн Лейлага эрим ташлаб кетди, деб айтган?— сўрадим қатъий.

Чол жавоб бермади. У худди қўрқан тошбақа мисол бошини елкалари орасига олди, кўзларини пирпиратиб менга қаради.

Унинг хатти-ҳаракатига қараб, дарди пулни олишу четга чиқиш эканини тушундим.

— Бу саволга у қандай жавоб беришни билмаяпти, тақсир, — деди Вонг.

— Жефферсон нима билан кун кўтарди, — мен масалага бошқа томондан ёндашишга ҳаракат қилдим.

Нозим “бильмайман”, деб жавоб берди.

— Унинг олдига қандайдир европаликлар келармиди?

— Йўқ.

— Жо-Эн олдига дугоналари келармиди?

— Йўқ.

Ундан бирор нарса аниқлаш амри маҳолга ўхшайди. Бу фикр мени янада ташвишга солди. Лейла айтганидан бўлак бирор пичоқقا илинадиган маълумот йўк.

— Жо-Эн кетаётганида ўз хонасида бирор буюм қолдирмадими?

Бу атайлаб кўйилган тузоқ эди ва чол унга илина қолди.

— Йўқ, — деди Вонг орқали. — У ҳеч нарса қолдиргани йўқ.

Шунда мен унга ташландим.

— Юки билан қандай қилиб чиқиб кетади, ахир, меҳмонхона ҳақини тўла-маган эди-ку.

Вонг саволни адолатли баҳолаб, чолга ўшқириб берди. Бир оз ўйлаб тургач, Жо-Эн чемоданини қолдириб кетганини ва бу қонунга зиддигини айтди.

Мен ўша чемоданин кўриш истагини билдирамдим. Чол нимадир деб тўнгиллади-да, ўрнидан туриб, мени Лейланинг хонаси ёнидаги ётоқقا бошлаб борди. У эшикни очиб, каравот остидан арzon клеёнка қопланган чемоданни олди.

Бизни кузатиб кирган Вонг аниқлик киритди.

— Мана ўша қизнинг чемодани, тақсир.

Чемодан кулфлоғ эди.

— Даҳлизда кутиб туринглар, — дедим мен. Улар чиқишига, эшикни ичкаридан беркитиб олдим. Чемодан кулфини очиш унча қийин кечмади.

Жо-Эннинг сепи Лейланикига қараганда анча бойроқ экан. Буюмларини титкилаб, излаган нарсамни топдим. Чемодан тагида ёпиширилмаган катта-кон оқ конверт ётарди. Унда Герман Жефферсоннинг ажойиб сурати — Жанет Вест менга берган суратнинг нусхаси. Сурат остига: “Рафиқам Жо-Энга” деб ёзилганди. Ушбу кўпол, ёвуз чехрага диққат билан қарадим-да, суратни яна ўз жойига қўйдим. Каравотга ўтириб, чекдим. Қизиқ, Пасаденадаги Жанет Вест ва Гонконгдаги Жо-Энда айнан бир хил сурат қаёқдан пайдо бўлган? Эҳтимол, уларни Жефферсон тақдим этгандир. Шунда миямда бир савол туғилди.

Лейла билан сұхбатимизни эсладим. Нозимнинг гаплари Лейла айтгандарига сира тўғри келмасди. Улардан бири алдаганди. Лекин Лейлага алдаш нима учун керак бўлдийкин?

Бир оз ўйлаб ўтиргач, бу ташландиқ меҳмонхонада яшашимнинг асло ҳожати йўқ, деган қарорга келдим. Алқисса, бу сирли фожианинг ечимини бошқа жойдан излашга тўғри келади.

Мен даҳлизга чиқдим.

Вонг деворга суюнганча, чекиб турарди.

Мени кўриши билан қаддини ростлади ва таъзим қилди. Нозим жойига қайтган бўлса керак, бу ерда йўқ эди.

— Кониқдингизми, тақсир?

— Албатта. Мен бу ердан кетаман. Репала — Бэйда бирор меҳмонхона борми? У бир оз ҳайратланди.

— Албатта, тақсир. У ерда “Репала-Бэй” меҳмонхонаси бор. Жуда зўр. Жой буюрайми?

— Агар мумкин бўлса, ўша ерга дарҳол кўчиб ўтардим.

— Биласизми, тақсир, бу меҳмонхона анча узоқда. Агар Каулунни кўрмоқчи бўлсангиз, анча нокулай.

— Ҳечқиси йўқ. Анави кекса қўриқчига айтинг, менинг ҳисоб-китобимни берсин.

— Сиз ундан бошқа нарса сўрамоқчи эмасмисиз? — сўради Вонгнинг ҳафсаласи пир бўлиб.

— Йўқ. Яхшиси бу ердан кетайлик.

Орадан ярим соат ўтар-ўтмас бизнинг “Паккард” хушманзара кўча бўйлаб Репала-Бэйга учиб борарди.

5

Репала-Бэй ажойиб гўша экан. Меҳмонхона бўлса шу атроф манзарасига узукка кўз қўйгандек ярашиб тушган эди. Тоғлар денгизга туташиб кетган, зумрад — яшил сувлари мавж ураётган кўрфаз менга жуда ёқиб тушди. Мен жуда кўп жойларда, курорт оромгоҳларда бўлганман. Лекин ҳеч қайси бири бунчалик манзур бўлмаганди.

Вонг меҳмонхонадан деразаси денгизга қараган хона олишга муваффақ бўлди. У “Паккард”ни менга қолдириб, зарур бўлиши билан хизматингизга ҳозирну нозирман деган ваъдаларни қуюқ қилиб, юз минг таъзиму тазарру билан жўнаб кетди.

Буюмларимни жойлаштиридим-да, аввало телефон китобини варақлаб чиқдим. Герман Жефферсонга олиб борувчи бир ип қалавасининг учини топишга уриниб нозимдан сўраб-сурештиридим. На телефон маълумотномаси, на нозим у ҳақда бирор хабар беролмади.

Шунда дарбон билан гаплашишга қарор қилдим. Чунки, одатда, нуфузли меҳмонхоналардаги дарбон ҳар нарсадан хабардор бўлиши керак, деган назария бор. Ундан “кичик бандаргоҳ соҳилидаги қайиқли, денгизга туташ кошона кимники?” — деб сўрадим.

Жавоб беришдан аввал, дарбон менга ўйчан қараб қўйди.

— Сиз Лин Фэн кошонасини айтаяпсизми, жаноб? Ҳозир уни жаноб Энрайт ва унинг синглиси эгаллаб турибди, улар америкалик.

— Мабодо қулоғингизга чалинмадими, у ерда Герман Жефферсон деган йигит яшамаганмикан?

У бошини сарак-сарак қилди.

— Жефферсон? Йўқ, жаноб. Унақа одамни эшитмаганман.

Бир оздан сўнг чўмилиш кийимида одам фуж-фуж қўмлоқ соҳилга чиқдим. Ижарага сув велосипеди олдим-да, денгизга сузуб кетдим. Зўр бериб соҳилдан анча узоқлашдим, бу ердан бутун соҳил кафтадигидек кўриниб турарди. Лин Фэннинг кошонасини дарҳол танидим. У хилват гўшада, қалин дарахтлар билан қопланган бурунда жойлашган экан. Тоғ ёнбағрида яратилган боф гуркираб турибди. Нафис зинапоялар мўъказигина бандаргоҳга олиб тушади, у ерда эса тезюрас катер боғлиқ турибди.

Мен шу атрофни яхшироқ қўздан кечириш учун бандаргоҳга анча яқин сузуб бордим. Лейла айтганидек, агар Герман Жефферсон чиндан ҳам ушбу ҳовлибонни ижарага олган бўлса, унда пул ишлаш имконияти туғилгани табиий. Бу қанақа имконият бўлдийкин? Балки, Жо-Эн мақтаниш учун Лейлага шундай дегандир. Баъзан аёллар ана шундай уйдирмалар билан бир-биридан ўз устунлигини намойиш қўймоқчи бўладилар.

Кутилмаганда юқориги қават деразасида иккита кичик-кичик нуқта пайдо бўлди. Уларни қўриб, сув велосипедини ҳайдаб кетдим. Ўн дақиқача соҳил бўйлаб суздим. Линзаларида қуёш нури акс этаётган дала бинокли мени дикқат билан кузатишаётганидан дарак берарди. Велосипедни буриб, орқага қайтдим. Сезиб турибман, мени ҳамон кузатишаётпти. Мен велосипедни соҳилга қараб ҳайдадим.

Кошона ёнидан сузуб ўтаётib, унга кўз ташлаб қўйдим. Менга қаратилган биноклнинг линзалари ҳамон ўша деразада икки нуқта бўлиб ялтираб турарди. Ўзимни зериккан сайёҳ қилиб кўрсатишга уриндим, лекин мени, кимни бунчалиқ қизиқтириб қолдим, деган савол қийнарди. Соҳилга қайтганимда қуёш

ботаётганди. Мәҳмонхонага бораётиб, йўл-йўлакай кейинги режаларимни ўйлай бошладим.

Эртасига қиласиган ишим тайин эмасди. Шу боисдан эрталабданоқ соҳилга йўл олдим. Денгизда бир оз чўмилдим-да, кумга чўзилдим. Миямда фужон ўйнаётган Герман, Жанет Вест, қария Жефферсон ва бечора Лейла ҳақидаги хотираларимни хаёлимдан чиқаришга уриндим. Гонконг майин қуёши, тўлқин шовқини билан ром этади ва инсон бундай саховат олдида ожиз бўлиб қолади.

Офтобга тобланиб, бирор соатча чўзилиб ётганимдан сўнг ёнимдан кимдир ўтиб кетганини сездим, истамайгина кўзимни очдим.

Баланд бўйли, келишган қиз. Офтобда тобланиб тилларанг тус олган. Тўқ қизил чўмилиш кийимида бўртиб турган кўкраклари уни тағин ҳам жозибали кўрсатарди. Қумлоқда ётган барча эркаклар у томонга қайрилиб қарашди... Нима, менинг улардан қаерим кам?

Офтоб қиздира бошлаган қум узра юриб, улкан соябонли шляпасини қўлида силкитганича денгизга етиб борди. Соchlари етилган бошоқлар рангида жилваланарди. У чинакам гўзал ва мафтункор эди.

Шляпасини қумга улоқтириди-да, ўзини денгиз бағрига отди. Бир неча кучли қулоч отган қиз энг четки солга етиб олди. Унинг сол устига чиқишини, оёғини сувга осилтириб ўтиришини кузатиб турдим. Бу нотаниш қиз шунчалик ёлғиз ва химоясиз бўлиб кўриндики, унинг ёнига бориб ҳамдард бўлгим келиб кетди.

Ўзимни сувга отдим-да, солга қараб сузиб кетдим. Масофа анчагина олис экан, етиб боргунча чарчаб қолдим. Бир тўхтаб нафас ростлаб олдим-да, сузиша давом этдим. Бир амаллаб сол устига чиқиб олдим. Қиз ёнбошлаб ётарди.

— Агар халақит берсам, қайтиб кетишим мумкин.

У менга галати термилди. Ўта тажрибали аёлга дуч келдим, шекилли, ўйладим. Ҳарҳолда, у менда шундай таассурот қолдирди. Шунчалик соддадиллик ва ишвали нигоҳ эркакларнинг кўпини кўрган аёллардагина бўлиши мумкин.

— Кўпдан бери яхши одамлар даврасига тушишни орзу қилардим, — жилмайди қиз. — Кимсиз? Сиз яқинда келдингиз, шундайми?

— Мен Нельсон Рейнман. Инглиз адмирали шарафига исмимни шундай қўйишган. Отам бутун бўш вақтини Англия ҳарбий денгиз тарихини ўқишига бағишиларди. У тушида ҳам, ўнгиди ҳам Нельсонни гапиради.

Қиз ўтирилиб чалқанча чўзилди-да, диркиллаган кўкракларини осмонга қилиб ётди.

— Мен Стелла Энрайтман, шу ерда яшайман. Янги чехрани кўриш қандай ёқимли. Сиз бу ерда анча вақт бўласизми?

Одамнинг иши шунчалар ҳам юришадими, ҳайрон қоласан киши. Буни қаранг-а, менинг рўпарамдаги қиз кошонани ижарага олган Энрайтнинг синглиси экан. Кеча бинокл кўзгусида ўйнаган офтоб нури эсимга тушди. Балки, бу омад эмасдир. Эҳтимол, ушбу учрашув қандайдир нозик ва сирли сабабларга кўра юз бергандир?

— Қанийди... Эҳтимол бирор ҳафтагадир, — дедим мен сув ўтмас чўнтагимдан сигарет қутиси ва чақмоқ тошни чиқариб, — омадингиз бор экан, шундай жойда яшаркансиз. Мўъжиза маскан.

Унга сигарет таклиф этдим, биргалашиб чекдик.

— Жуда соз... Ҳозир энг яхши палла. Лекин бу йилги ёз унча яхшимас, — деди ҳамроҳим сигарет тутунини осмонга пуфларкан. — Акам Гонконг ҳақида китоб ёзаяпти. Мен бўлсан хўжалик ишлари билан шугулланаман. — У бошини кўтариб, менга қаради. — Сиз мәҳмонхонага жойлашдингизми?

— Ҳа. Сизнинг ўйингиз борми?

— Биз кошонани ижарага олганмиз. Унинг соҳиби хитойлик бир қартабоз.

— Лин Фэнми?

Унинг кўзларида ҳайрат чақнади.

— Худди шундай. Сиз қаердан биласиз?

— Эшигувдим. — Бир оз ўйлаб таваккал қилдим. — Бу боғҳовлини Герман Жефферсон ижарага олган, деб ўйлагандим.

У тилларанг қошларини чимирди — чинакам ҳайратланганди.

— Герман Жефферсон? Сиз уни танийсизми?

— Биз бир шаҳарчаданмиз.
 — У ўлди... Автомобиль фалокатида ҳалок бўлди.
 — Мен бу ҳақда эшитгандим. Сиз уни танирмидингиз?
 — Менинг акам Гарри танирди. Мен уни бир ёки бор кўрганман. Сизлар таниш экансизлар-да? Бу Гаррини қизиқтириши мумкин. Аянчли тақдир...
 Унинг хотини — хитой аёлининг тақдери.
 — Сиз уни ҳам танирмидингиз?
 — Ҳалиги, унчаликмас. Учрашганмиз. Ажойиб аёл, — у сигарет кулини қоқди.
 — Хитой аёллари жуда ёқимтой бўлишади. У ҳам шунақа эди. Германнинг унга шайдо бўлиб қолгани бежиз эмас. Жуда оғатижон эди-да. — Унинг овозида фахр ва алам уйғунлашгандай бўлди. Аёллар ўз дугоналарининг шаъни ҳақида гапиргандга ҳамиша шундай бўлади. — У эрининг жасадини Америкага олиб кетди. У ўша ерда қолади, деб ўйлайман. Ахир Германнинг отаси миллионерку. Аёлга ғамхўрлик қилса керак.

Мен Жо-Эннинг ўлганини гапириб беришдан ўзимни зўрга тийиб турардим.

— Менга Герман бойиб кетди, хотинини ташлаб, анави кошонани ижарага олди, дейишганди.

— Бўлмаган гап! Ким айтди сизга буни?
 — Кимдир айтувди, — дедим мен истамайгина. — Нима, нотўгрими?
 — Ҳалиги, биласизми... бўлмаган гап, — деди у менга оққўнгиллик билан жилмайиб. — Бу бўлмаган гап. Герман... ҳалиги... — нима дейишни билмай жимиб қолди, яланғоч елкаларини қисди. — Биласизми, очигини айтганда, Герман ҳурматга лойиқ эмасди. У менга ёқмасди, лекин уни Гарри хуш кўрарди. Бошқа ҳеч қанақа фазилати йўқ эди унинг. Хитойларга ўҳшаб яшарди. Унда ҳеч қачон пул бўлмасди. Бечора хотини ҳисобига яшаб юрипти, деган гап ҳам тарқалганди. Лин Фэннинг кошонасини ижарага олишга қўли калталик қиларди. Бўлмағур гап. Буни сизга ким айтган бўлиши мумкин?

Тез юрар катер¹нинг товуши мени денгизга қарашга мажбур этди. Учкур қайиқ тўлқинларни ёриб, сув сачратганча бизларга қараб сузиб келарди.

— Ана, Гарри ҳам келди, — Стелла ўрнидан туриб, лишиллаётган солда музознатни сақлашга уринаркан, қўл силтади.

Катер тезлигини пасайтириди, кейин тўхтади. Оқим уни солга яқинлаштириди. Офтобда қорайган баланд бўйли йигит Стеллага жилмайди. Унинг оқ-зангори кўйлаги терлаб кетганди. Чиройли чеҳрасида кўп ичишнинг асорати сезилиб турарди.

— Сени олиб кетай дегандим. Нонушта пайти бўлди. — У сўроқ аломати билан менга юзланди. — Танишингми?

— Бу киши Нельсон Рейн. Герман Жефферсонни биларкан. — Стелла мен томонга қаради. — Акам Гарри.

Биз саломлашдик.

— Сиз Германни танирмидингиз? — сўради Гарри. — Шунақа денг... Уни яхши билардингизми? Бу ерда кўп бўласизми?

— Бир ҳафта, кўпмас.

— Менга қаранг, бугун кечқурун биз билан бирга овқатлансангиз қандай бўларкин, агар имконингиз бўлса, албатта. Сизни катерда олиб кетардим. Акс ҳолда бизниги етиб боришингиз қийин. Бўладими?

— Жоним билан, лекин сизни ташвишга қўяманми, деб ўйлаяпман.

— Ҳечқиси йўқ. Соат саккизга соҳилга тушинг. Мен ўша ерда бўламан. Ноңуштадан сўнг катерда сайр қиламиз. Кечаси денгиз ажойиб бўлади-да, — у Стеллага юзланди. — Кетдикми?

— Аввало мени соҳилга олиб бор. Шляпамни ўша ерда қолдиргандим. — Стелла катерга чиқиб олди. Мен унинг офтоб қорайтирган назокатли елкасидан кўз узолмасдим. Кутимаганда у орқага ўтирилди, менга тикилиб қарадида, худди сирли ўйларимни илғаб олгандек жилмайди. — Кечқурунгача, — деб қўл силтаб акасининг ёнига ўтириб олди. Акаси ҳам менга бошини лиқиллатди, катер гувиллаб соҳилга йўл олди.

¹ Катер — моторли қайиқ.

Мен чекдим, оёғимни сувга солиб ўтиридим. Анчагина бош қотиришга түғри келади. Офтоб нуридан мириқиб, яна ярим соатча шу тариқа ўтиридим. Кейин оч қолганимни ҳис қилиб, сувга сакраб, соҳилга қараб суздим.

Соат саккизда құмлоқ соҳилга тушдим. Бир неча дақиқа кутишдан сүнг зулмат ичидан сузиб чиққан категра күзим тушди. Уни полвонсифат бир хитой бошқарып келарди. У худди мажрухни авайлагандай мени категра чиққарып олди. Айни пайтда кетма-кет таъзим қыларкан, бақувват панжаси билан құлымни қисиб қўйди. Жаноб Энрайт — деб тушунтириди хитой бузилган инглизчада, келомлади ва узр сўрашимни тайинлади.

Катег сувга тегмасдан, худди учиб бораётгандек сузарди. Орадан беш дақиқа ҳам ўтмай биз Лин Фэн кошонаси остонасидаги бандаргоҳга кириб бордик.

Зинапоя тикка ва анча узун экан. Террасага кўтарилганимизда зўрга нафас олардим.

Стелла ёқаси очиқ кечки оқ кўйлакда, бамбук креслода ёнбошлаганди, қўлида коктейлли финжон, лабида сигарет. Хизматкор ёш хитой бир чеккада ҳар қандай фармойишни бажаришга ҳозир нозир туарди. Гарри Энрайт кўринмасди.

— Келдингизми? — Стелла менга қўлини силкитди. — Нима ичасиз?

Мен содали виски сўрадим, хизматкор ўша заҳоти тайёрлаб берди.

— Гарри ҳозир келади. Мана бу ёқса ўтириинг, шунда сизни бемалол кўраман.

Террасага катта меҳмонхона туташиб кетганди. У хитойча дид-ла безатилган, кўплаб жавонлар билан жиҳозланган, деворда қизил ипакда тикилган расмлар, ўртада улкан садаф стол.

— Жуда шинам экан.

— Ҳа... яхши. Омадимиз бор экан, ажойиб кошонага жойлашдик. Ўзи бу ерга келганимизга бир неча ҳафта бўлди... Аввал Каулунда хонадонимиз бор эди. Бу ер бизга жуда маъқул.

— Сизлардан олдин бу ерда ким яшаганди? — сўрадим мен.

— Менимча, ҳеч ким. Ҳўжайн уни ижарага беришга яқинда рози бўлди. Ўзи ҳозир Макаода яшаяпти.

Шу пайт Гарри Энрайт келиб қолди. Биз сўрашдик, у менинг рўпарамда ўтириди.

Хизматкор коктейл тайёрлади.

Биз одат бўйича гапни табиатдан, кошонанинг ажойиблигидан бошладик. Шундан кейин у:

— Сиз бу ерга иш билан келганимисиз? — деб сўради.

— Дам олгани келувдим. Мундоқ қарасам, бир ҳафта бўш эканман, шундай жойларни кўриш бахтидан маҳрум бўламанми, дедиму шартта келавердим.

— Жуда тўғри қилгансиз, — деди у менга кулиб қарапкан. — Мен Гонконгни жуда ёқтириб қолдим. Стелланинг айтишига қараганда, сиз Пасаденадан экансиз. Сиз Герман Жефферсонни яхши танирмидингиз?

— Мен унинг отаси билан яхши танишман. Қария жуда қайфураяпти. Бу ёқларга келишимдан хабар топиб, ўғли ҳақида суриштиришимни илтимос қилди.

Энрайт қизиқиб қолди.

— Ростданми? Нимани суриштиришни сўради?

— Биласизми, Германнинг бу томонларга келганига беш йил бўляяпти. У жуда кам хат ёзарди. Отаси ўғлининг бу ерда нима билан шуғулланаётганидан бехабар эди. Герман осиёлик аёлга уйланганини ёзганида эса чол бутунлай гангигб қолди.

Энрайт Стеллага қаради.

— Буни қаранг-а...

— Менимча, қария ўғлига фамхўрлик қилмаганидан эзиляпти. Бу ерда у қандай яшадийкин, нима билан тирикчилик қилди, сизнинг хабарингиз йўқми?

— Менимча, ҳеч қандай, — деди чўзиб Энрайт. У қандайдир сирли шахс эди. Менга у ёқарди, лекин ҳеч кимни қойил қолдирган эмас. — Гарри Стеллага ишора қилди. Манавининг, масалан, уни кўришга тоқати йўқ эди.

Стелла норозилик билдиргандай кўл силтади.

— Жа ошириб юбординг. Рост, унча ёқтиромасдим. Гарри ҳар қандай аёл унинг олдида тиз чўкади, деб ҳисобларди. Бунақаларни мен ёқтиромайман.

Энрайт кулди.

— Лекин сен унга тиз чўкмадинг, — акасининг товушида киноя бор эди. Балки, пух сассиқдир? Нима бўлганда ҳам, у менга ёқарди.

— Демак, сен ахлоқсизсан, — уни чўрт кесди синглиси. — Сенга ҳар қандай қийшанғи ёқаверади.

Бизнинг сұхбатимизни хизматкор хитойнинг кириши бўлди. У дастурхонга овқат тортилганини айтди. Биз меҳмонхонага кирдик.

Хитой пишириги жуда зўр тайёрланганди. У ёқ-бу ёқдан гаплашиб ўтиридик. Энрайт хурсандчилик қиласиди. Лекин Стелланинг тушуниб бўлмас ташвиши мени бефарқ қолдирмади. У негадир сўзларимизга унчалик эътибор бермаётгандек эди.

Зиёфат тугагач, кутилмаганда Стелла сўраб қолди:

— Жаноб Рейн, Герман ушбу кошонани ижарага олган деб сизга ким айтди?

— Герман ижарага олганди? — хитоб қилди Энрайт. — Ё Худо! Ким шундай дейиши мумкин? — Гарри ҳайратланиб менга қаради.

— Битта хитой қиз. Мен уни “Самовий салтанат” отели¹да учратгандим. Жеффферсон ўша ерда яшаган экан. Менга ўша қиз айтди.

— Қизиқ, нима учун? — Стелла қошини чимириди. — Ўйлаб топган нарсасини қаранг-а.

— Балки у менинг устимдан кулгандир? — кутилмаганда мени кузатишашётганини ҳис қилдим. Алангладим. — Мен ундан Герман ҳақида сўрагандим. Афтидан у менга бирор нарса гапириб бергиси келди, шекилли. Мен ваъда қилган пулни ундириш учун шундай қилган бўлиши ҳам мумкин, — рўпарамда катта кўзгу туарарди. Унга разм солсам, орқамда, даҳлиза қандайдир гавдали қора шарпа пойлаяпти. У европача кийинглан хитой эди. Диққат билан мени кузатарди. Қандайдир сонияда бизларнинг кўзгуда акс этган нигоҳларимиз тўқнашди. У ўша заҳоти ўзини панага олди. Баданимда қумурсқа ўрмалагандай бўлди. Қандайдир ёвузлик ва даҳшат уфурарди бу шарпанинг қиёфасидан.

— Хитойлар ҳамиша сиз нима эшитмоқчи бўлсангиз ўшани айтиб беришади, — деди Энрайт. У диққат билан менга қаради. — Хитой қизлари эса дунёда энг моҳир уйдирмачи бўлишади.

— Ростданми? — дедим мен яна кўзгуга нигоҳ ташлаб. — Ҳар ҳолда...

— Ташқарига чиқайлик, — таклиф этди Стелла, ўрнидан туаркан. — Конъяк ичасизми?

Мен рад этдим ва биз шошилмай тоза ҳавога чиқдик. Анча баланд кўтарилиган ой денгизни ёритиб туарди.

— Мен шошилийч телефон қилишим керак эди, — эслаб қолди Энрайт. — Мени кечирасизлар. Кейин катерда сайрга чиқишимиз мумкин. Қарши эмасмисиз?

Мен Стеллага қарадим.

— Яхши бўларди, агар хўп десангиз.

— Хўп бўлади, — деди Стелла итоаткорона. — Гарри катерисиз ўзини кўлсиз-оёқсиздек ҳис қиласиди.

Энрайт қўнгироқ қилгани шошилди. Стелла менинг қўлимдан ушлаб устунлар томон етаклади. Биз ўша ердан туриб денгизни томоша қилдик.

— Маълум маънода бу қизнинг омади бор экан, — деди ўйчанлик билан Стелла. — Германнинг отаси уни таъминлайди, деб ўйлайман. Уни жуда бадавлат деб эшитганман.

— У эридан маҳрум бўлди, — дедим мен, ҳануз Жо-Эннинг ўлими ҳақида гапиришга ботинолмай.

Стелла сабрсизлик билан гапимни бўлди:

— У эридан кутулди. Энди у эркин, пули бор, Америкада яшаяпти, — Стелла уҳ тортди. — Қани энди мен ҳам Нью-Йоркка қайтсам эди!

— Нью-Йоркданмисиз?

— Ҳа-да. Бир йилдан ошяпти у ерда бўлмаганимга. Жуда соғиндим.

¹ Отель — меҳмонхона.

— Нима, сиз кетолмайсизми? Бу ерда қолишиңгиз шартми?

У ниманидир тушунтира бошлади-ю, бирдан жим қолди. Анча жимлиқдан кейин давом этди:

— Йўқ, шарт эмас. Лекин мен акам билан ишлашга ўрганиб қолганман.

Стелла узоқда савлат тўкиб, ой нурида ёришиб турган тоғни кўрсатди.

— Бекиёс, гўзал, шундаймасми?

У сұхбат мавзусини ўзгартиргани тасодиф эмаслигини тушундим. Қизик, нега шундай қилдийкин? Энрайт пайдо бўлганда биз ҳамон ажаб манзарани мароқ билан томоша қиласди.

— Хўш, кетдикми? Абердинни қўришни хоҳламайсизми? Бу шу атрофдаги балиқчилар қишлоғи. Эътиборга лойиқ жой.

— Майли, кўрайлик, — дедим унинг таклифиға жавобан. Биз зиналардан бандаргоҳга тушдик. Энрайт рулга ўтириди. Биз Стелла билан орқага жойлашдик. Катер фувиллаб дентиз ичкарисига қараб сузиб кетди.

Моторнинг кучли шовқини гаплашишга имкон бермасди. Стелла мендан нарироқ сурилиб, ой шульасини кузата бошлади. Унинг чехраси ҳорғин қўринарди. Қандайдир фикрдан кўнгли ғашга ўхшарди. Менинг миям ҳам бекор турмаганди, тўпланган маълумотларни таҳлил қилиш билан банд эди. Мен ҳали-ям Лейланинг мени алдаганига ишонгим келмасди. Ёки Энрайтларнинг ўзини кимдир ҷалғитганмикан? Ёхуд улар мени алдашаётганмикан? Лекин, нима мақсадда?

Абердин қишлоқчаси чинакам гўзал бир жой экан. Бандаргоҳда бир-бирига қадалиб ётган жонка¹лар тўлиб кетганди. Уларда хитойлар оиласи, бола-чақаси билан гуж-гуж. Бандаргоҳга кириб боришнинг сира иложи йўқ. Энрайт катерни тўхтатиб, лангар ташлади ва биз бир солга ўтиб олдик. Ўн уч яшар қизча бошқараётган ана шу солда соҳилга етиб олдик. Бир соатча қишлоқни айланниб, томоша қиласди. Ниҳоят, Стелла чарчадим, деди ва биз катерга қайтиб.

— Сиз ҳали оролларда бўлганингиз йўқми? Уларга, албатта, бориш керак. У ерга паромда бориш мумкин, — деди Стелла.

— Йўқ, оролларда бўлганим йўқ.

— Эртага мен Сильвер-Майн-Бэйга бораман. Агар бўш бўлсангиз, бирга боришимиз мумкин. Биттасига учрашишим керак эди. Сиз эса шаршарани томоша қиласдингиз. Кўрса арзийдиган мўъжиза. Кейин бирга-бирга қайтиб келамиз.

— Сингилгинам жуда саҳоватли қалб соҳибаси-да, — деди Гарри. — Биз бу ерга келган пайтимида бизда бир оқсоқ аёл бор эди. У жуда кексайиб қолганди. Унинг хизматидан воз кечишимизга тўғри келиб қолди. Ўша аёл ҳозир Сильвер-Майн-Бэйда яшайди. Стелла ҳар замонда бориб, ундан хабар олиб туради. Фамхўрлик қиласди.

Гарри моторни юргизди. Шовқинда гапириб бўлмай қолди. Йигирма дақиқалардан сўнг биз кошонага етиб келдик. Стелла катердан тушди. Акаси мени меҳмонхонага ташлаб қўйишини таклиф этди.

— Хайрли тун, — жилмайди Стелла. — Паром соат иккита жўнайди. Пристан²да кутиб тураман.

Мен ажойиб кечак учун унга миннатдорчилик билдиридим, Стелла қўлинни силкитганича зиналардан юқори кўтарила бошлади.

Мотор гуриллади ва катер меҳмонхона томон сузиб кетди.

— Қачон қайтиб кетаман, деяпсиз? — сўради Гарри мен катердан тушаётганимда.

— Бир ҳафтадан кейин... Тағин, билмадим.

— Жуда соз, ундей бўлса бизникига яна келасиз. Сиз менга ёқиб қолдингиз.

Биз хайрлашдик ва катер тун қоронғисига чўмган денгизда қўздан ғойиб бўлди.

Мен соҳил бўйлаб аста юриб кетдим. Кўзгуда акс этган касофат пакана хитой хаёлимдан нари кетмасди. Бир балоси бўлмаса шудгорда қўйруқ на қилур, деганларидек, шубҳам орта борарди.

¹ Жонка — кичик кеманинг бир тури.

² Пристань — бандаргоҳда кемалар тўхтайдиган маҳсус жой.

Кейинги куни эрталаб Америка ваколатхонасининг учинчи котибига учрашдим. Мени унинг олдига ҳадеганда қўяверишмади, қария Жефферсон номидан фойдаланишимга тўғри келди, шундагина унинг ҳузурига киритишиди.

Товуқни эслатувчи бу семиз амалдорни дипломатик дахлсизлик муҳити қуршаб турарди. У менинг шахсиятномамга шундай жирканиб кўз қирини ташладики, гўё ундан бедаво дардни юқтириб оладигандек.

— Нельсон Рейн... ҳм... хусусий айғоқчи, — мингирилади у креслосига ястаркан қошларини нафратона чимириб. — Сиз учун нима қилишим мумкин?

— Мен Ж.Вильбур Жефферсон топширифи билан иш олиб боряпман. Унинг ўғли Герман Жефферсон хусусида маълумотлар тўплайпман. У бундан ўн етти кун муқаддам автомобиль фалокатида ҳалок бўлганди.

У бўрсилдоқ лабларига сигарет қистирди.

— Шунақами?

— Герман Гонконгда яшарди, рўйхатда қайд қилинган бўлса керак.

— Тўғри.

— Унинг сўнгги манзилини айтиб беролмайсизми?

Амалдор семиз бармоғини ҳўллади-да, чап қошини силаб қўйди.

— Хўш, айтайлик, мен буни қилишим мумкин, лекин бу шунчалик зарурми?

Унинг иши ўлганлар рўйхатига киритилган. Уни архивдан қидириб топиш учун вақт керак бўлади.

— Жаноб Жефферсонга шундай деб айтами? Америка ваколатхонасининг учинчи котиби унга ёрдам бериш учун жонини койитгиси келмади, деган гапни эшишиб, қария роса қувонса керак, деб ўйламайман.

Амалдорнинг бирдан попуги пасайди. Эҳтимол, қария унинг бошига не ташвишларни солиши мумкинлигини тасаввур қилди.

Бесаранжомлик билан телефон гўшагини кўтарди:

— Девенпорт хоним, менга Герман Жефферсон ишини олиб киролмайсизми... Ҳа, Герман Жефферсон. Ташаккур. — У гўшакин жойига қўйди, хомсемиз юзини табассум қоллади. — Ҳа, Ж.Вильбур Жефферсон. Эслагандай бўляпман, миллионер. Қариянинг ахволи қалай?

— Ҳали тетик ва керак бўлса истаган одамнинг таъзирини беришга қодир, — дедим мен. — Ҳалиям қўли етмаган жойи йўқ.

Учинчи котиб, уни Гарри Вилкокс дейишарди, бирдан тиши оғриб қолгандек афтини буриштириди. Кейин худди янги куёв қайнонасини ilk бор кўрганда тиржайгандек фалати кулди.

— Бу кекса корчалонлар жуда яшовчан бўлишади-да, — деди у. — Эҳтимол, бизлардан ҳам кўп яшайди ҳали...

Икки дақиқача биз бир-биримизга қараб ўтиридик, кейин эшик очилиб Девенпорт хоним кирди. Ҳаракатчан, қадди-қомати келишган, йигирма уч ёшлардаги бу қиз жаноб Вилкокс олдидаги стол устига юпқагина бир жилдин қўйди. У шу қадар юпқа эдики, ичиди бирор нарса борлигига ҳам шубҳаланиб қолдим. Хоним менга бир қаради-да, сонларини диркиллатиб чиқиб кетди. Ҳа, бунақа назокатли юришни фақат котибаларгина эплайди. Биз иккаламиз ҳам унинг орқасидан қараб қолдик. Эшик ёпилгач, Вилкокс жилдин очди.

— Барча қофозлар майит билан бирга жўнатилган, — деди у, гўё ўзини оқлагандек. — Лекин нимадир қолганга ўхшайди.

Вилкокс жилд ичиди ётган ёлғизгина қофозга қаради. — Бор-йўғи шугина... Унинг сўнгги манзили “Самовий салтанат” меҳмонхонаси. Гонконгга 1956 йилнинг учинчи сентябррида келган ва шу пайтгача мазкур меҳмонхонада яшаган. Ўтган йили бир хитой аёлга уйланган.

— Қандай маблағ эвазига кун кўрган?

Вилкокс яна қофозга қаради.

— Бу ерда айтилишича, у экспорт билан шуғулланган. Лекин, менинг ўйлашибимча, унинг доимий даромади бўлмаган. Балки қандайдир шахсий маблағи бўлгандир, аммо анча қийналиб яшаган.

— Агар сизга у Репала-Бэйдаги ҳашаматли кошонани ижарага олиб турган десам, ҳайратланмайсизми?

Вилкокс довдираб менга қаради.

— Ижарага олган? У ҳолда Герман манзили ўзгарганини қайд қилдириши керак эди-ку. Ишончингиз комилми? Қанақа кошона?

Лин Фэнга қарашли кошона.

— Йўқ, жаноб Рейн, ўша кошонани мен яхши биламан. Жефферсоннинг ҳамёни уни кўттармайди. Бу кошона Англия пулида ойига камида тўрт юз фунт туради.

— Ҳозир бу кошонани Гарри Энрайт ижарага олган, ўша ерда синглиси билан бирга яшапти.

Вилкокс бошини лиқиллатди. Унинг юзи жонлангандай бўлди.

— Тўғри. Энрайтгача у ерда бир инглиз яшаганди. Фамилияси эсимда йўқ. Аломат йигит... мен Энрайтни гапиряпман, синглисини айтмайсизми! — унинг кўзларида ҳирс оташи ёнгандай бўлди. — Гонконгдаги энг гўзал аёл.

— Демак, Энрайт ижарага олгунга қадар кошона бўш ётган.

— Йўқ. У ерда бир инглиз яшарди. Мен у билан учрашмаганман.

— Жефферсон билан ҳалиги хитой аёл ростдан ҳам уйланишганмиди?

У менга кўзларини бакрайтириди.

— Бўлмасам-чи. Улар бу ерда никоҳдан ўтишди. Агар истасангиз, никоҳ қоғозининг нусхасини кўрсатиш имумкин.

— Бир кўрсам яхши бўларди.

У қаёққадир қўнғироқ қилди. Жавоб кутарканмиз, у қўшимча қилди:

— Мен уни яхши эслайман — ажойиб қушча эди. Унинг ҳужжатларини тайёрлаб, тобутни жўнатиш менга топширилганди... Оғир мажбурият, — унинг башараси фамгин тус олди. — Мен ўша хонимга ҳамдард бўлгандим.

Девенпорт хоним югуриб кирди, Вилкоксга гувоҳномани берди-да, қайтиб кетди. Котиба чиқиб кетгач, Вилкокс гувоҳномани менга узатди. Мен ҳужжатни диққат билан кўздан кечирдим. Унда қайд қилинганидек, бир йил бурун Жефферсон Жо-Энга уйланган. Никоҳ маросимида Фрэнк Беллинг ва На Хай Тон иштирок этишган.

— Фрэнк Беллинг ким?

— Хабарим йўқ. Эҳтимол Жефферсоннинг оғайнисидир. Инглиз бўлса керак. Бизнинг рўйхатда бунақа одам йўқ.

— Қиз-чи?

— Билмадим. Жефферсон хонимнинг дугонаси бўлса керак, — у кўз қирини стол устида турган соатга ташлади.

Мен бошқа ҳеч нарсага эриша олмаслигимни тушуниб, ўрнимдан турдим.

— Майли, ташаккур сизга. Бошқа вақтингизни олмайман.

Вилкокс мен билан учрашганидан мамнунлик изҳор этди. Лекин кўзларидан мендан тезроқ қутулгани янада мамнунлик баҳш этганини ҳис қилдим.

— Сиз Герман Жефферсонни ҳеч кўрганмидингиз? — сўрадим эшиқдан чиқаётib.

— Ростини айтсан, кўрмаганман. У кўпроқ хитойлар билан муомала қиласди. Менинг доирамга ҳеч кўшилмаганди.

Мен бинодан чиқиб, аста ўз “Паккард”имга йўл олдим. Қаршимдан икки хитой полициячи бир тиланчи ва йиглаётган болани судраб келишарди. Бунга ҳеч ким эътибор ҳам қилмасди. Бу мўъжазгина оролни қочоқлар оқими тўлдирган палла бунақа томоша ҳеч кимни қизиқтиримайди, шекилли. Лекин бу манзара менинг юрагимни эзди.

Машинада хабар топган нарсаларимни бир-бир фикрладим. Унча кўп эмас, аммо илинтирса бўладиган. Ҳалиги На Хай Тон деган қиз ва албатта, Фрэнк Беллинг билан гаплашсам ёмон бўлмасди.

Полиция маҳкамасида мен бош инспектор Маккартини сўрадим. Айрим “ади-бади”лардан кейин мени унинг ҳузурига киритишиди.

Бош инспекстр менга стулни кўрсатди ва ўзи чекиши тарафдудига тушди.

— Бугун сизга қандай ёрдамим тегиши мумкин?

— Мен битта одамни қидирияпман. Унинг исми-шарифи Фрэнк Беллинг. Бу борада менга ёрдам беролмайсизми?

Маккарти чекиб, мени тутунга кўумиб ташлади.

— Фрэнк Беллинг дейсизми? — Унинг юзи ўзгармаса ҳам, кўзлари пирпираб қолди. — Нега энди у сизни қизиқтириб қолди?

— Э, ўзим ҳам билмайман. У Герман Жефферсоннинг никоҳида гувоҳ сифатида қатнашган. Сиз уни танийсизми?

Маккарти довдираганча менинг орқамдаги деворга қараб турди-да, бошини лиқиллатди.

— Ҳа... биз уни биламиз. Жефферсоннинг тўйида ўша куёв жўра бўлганмиди? Қизиқ. Ҳозир у қаерда экан?

— Буни мен сиздан сўрадим, эсингиздами?

— Мен ҳам сиздан шуни сўрайлман, — у олдинга энгашиб стол устидаги қоғозларга кўз ташлади. Бизлар ҳам сиз сўраётган одамнинг изига тушиш пайдамиз. Бу одам гиёхванд моддалар жўнатиш билан ўта фаол шугулланаётган ташкилот иштирокчиси бўлади. Биз энди қўлга туширай деганимизда гойиб бўлди-қолди. Ҳозир уни қидириб топишга уриняпмиз. Гаров ўйнайман, у ё Макао ёки Кантонга қочиб кетган.

— Ўша жойларда уни қидириб топса бўлмайдими?

— Макаодан баъзи маълумотларни олдик, лекин Кантонда уни топишнинг имкони йўқ.

Менда қандайдир умид учқунлади.

— Фрэнк Беллинг, инглиз эмасми?

— Ҳа, инглиз, — Маккарти мундштуги сархонасидаги тамакини босиб қўйди. Бизга катта ташвиш орттираётган бир ташкилотга аъзо эканлиги ҳам маълум. Кантондан яширин йўллар билан кўплаб миқдорда героин олиб келинарди. Икки ҳафта бурун Беллинг ана шу героинни Гонконгга олиб келиш жараёнида қатнашган эди. Биз бир муддат каттагина юк келишини кутиб уни кузатиб юрдик, — у босиб-босиб тамаки чекди. — Бизнинг айгоқчиларимиздан бири юк шу ойнинг биринчи санасида жўнатилганини хабар қилди. Шунда Беллинг гойиб бўлди. Эҳтимол, уни огоҳлантиришгандир ва у ё Макаога ёки Кантонга қочиб қолган.

— Шу ойнинг биринчи санаси... Жефферсон ўлимидан икки кун олдин?

— Ҳа, шундай, — Маккарти ҳайратомуз менга қаради. — Бунинг бирор аҳамияти борми?

— Мен далилларни қиёслаяпман, холос. Тўй куни На Хай Тонг деган хитой қиз келиннинг ёнида бўлган. Бу ном сизга таниш эмасми?

— Йўқ...

— Нима, Жефферсон гиёхванд юкни олиб ўтишда қатнашган деб ўйлайсизми?

— Эҳтимол, — елкасини қисди Маккарти. — Биз уни сира қўлга туширмаганмиз. Бунақа дейишимизга далилимиз ҳам йўқ. Лекин у Беллинг билан ошна бўлса, бу эҳтимолдан ҳоли эмас.

— Сиз менга ўша қизни топишинга ёрдам бера оласизми?

— Картотекамизни бир титиб кўрай. Агар бирор нарса топсан, сизга хабар қиласман. — У хайриҳоҳлик билан менга қаради. — Сиз “Репала-Бэй” отелига ўтиб олганмисиз?

— Ҳа.

У ҳасад билан бошини чайқади.

— Ўҳ-хў. Сиз айгоқчиларнинг ҳаёти жуда таралабедод-да. Сарф-харажатлар ҳаммаси мижозлар ҳисобигами?

Мен тиржайиб, ўрнимдан турдим.

— Бўлмасам-чи. Яхши, учрашгунча. Ҳаммаси учун ташаккур. Ҳузурингизга яна киарман.

Мен гавжум Квинз-Роуд-Централга чиқдим, “Паккард”га ўтириб, Вэнчай соҳилига йўл олдим. Соат ўн бир ярим бўлганди. Барга киргим келди. Мен билан бирга чақчақлашиб, сут ичган хонимни шу барда учратган эдим.

Мижозлар кўринмасди. Икки официант пештахта олдида сұхбатлашиб туришарди. Улар мени танишди. Биттаси илжайганча ёнимга келди.

— Хайрли кун, жаноб. Сизни яна кўрганимдан жуда хурсандман. Ичасизми ёки бирор овқат...

— Яххиси ром билан кока-кола. Хоним шу яқин орадами?

У барда осиғлиқ турган соатга қаради.

— Ҳозир келиб қолади.

Бекорчиликдан ичимлик қўйилган қадаҳни стол устида наридан-бери суриб ўтирганча унинг келишини кутардим. Орадан ярим соатча ўтди, хитой хоним ҳамон кўринмасди. Лекин хитойлар учун бу вақт ҳисобланмасди. Хоним келгач, мен ишора қилдим. Ёнимга келиб саломлашди-да, қаршимга ўтириди.

— Сизни яна кўрганимдан хурсандман. Ҳалиги қиз сизни қониқтирган деган умиддаман.

Мен зўраки тиржайдим.

— Ўтган сафар мени алдадингиз. У Жо-Эн эмасди ва сиз буни яхши биласиз.

Официант ярим литрли финжонда сут қўйиб кетди.

— Сиз янглишяпсиз. Бу қиз Жо-Эндан жозибалироқ эди. Сизга ёқса керак деб ўйловдим.

— Ҳозир менга бошқа қиз керак. Унинг исми На Хай Тон. Танийсизми?

Хонимнинг юзи қилт этмади. У бошини лиқиллатди.

— Бу менинг энг яхши қизларимдан биттаси. У сизга жуда ҳам ёқиши турган гап.

— Лекин бу сафар у менга ҳужжатларини кўрсатиши шарт. Мен у билан гаплашишим керак.

Хоним ўйланиб қолди.

— Айтганингиздай бўлади. У билан нима ҳақда гаплашмоқчисиз?

— Бу сизнинг ишингиз эмас. Уни қачон кўрсам бўлади?

— Ҳаммасини эплаштираман. У билан қачон учрашасиз? Ҳозирми?

— Йўқ. Кечга яқин. Мен бу ерга соат саккизга келаман. Маъқулми?

— Маъқул.

— Агар ўша қиз келса ва мен билан гаплашишга рози бўлса, сизга эллик доллар тўлайман.

— Бу сиз айтган қиз бўлади ва у сиз билан бажонидил сухбатлашади, — деди хоним қатъий ишонч билан.

Мен қадаҳни охиригача сипқордим.

— Демак, кечқурун соат саккизда. Лекин билиб қўйинг, алдасангиз, ўзингизга қийин бўлади.

Хоним жилмайди.

— Ҳаммаси жойида бўлади.

Мен меҳмонхонага қилган ишимдан мамнун бир кайфиятда қайтдим.

УЧИНЧИ БОБ

I

Биринчи класс палубасининг четига суюнганча, пастки палубанинг зинасига ёпирилаётган “учинчи классчилар”ни кузатардим. Фаройиб манзара. Хитойлар, ўзи бу ерда улардан бўлак ҳеч ким йўқ эди, шошилишар, худди паром жўнаб кетаётгандек бақиришар, асабийлашишарди. Ҳолбуки, унинг жўнашига ҳали камида чорак соат вақт бор. Елкаларига қўйилганbamбuk таёкларга осилган оғир юқдан гандираклаб бораётган ҳаммоллар бир-бирини туртиб, уриниб-суриниб, нарвон бўйлаб шундай чопишардики, тўё улар одам тўла палубадан жой олиб қолиш учун эмас, балки ҳаёт-момат учун жон куйдиришашётгандай. Чақалоқларини елкаларига боғлаб, жангари болакайлар қуршовида ўтганни итариб, кетганни туртиб, бақириб-чақираётган аёллар сон-саноқсиз. Ана, қора куртка ва шим кийиб олган икки озғин қизча шошганча нарвонга ўрмалашяпти. Улар орасида bamбuk таёқقا илинган новдалардан тўқилган сават силкиниб боряпти. Унинг ичиди чўчқа боласи. Юк ташийвериб елкасининг яғири чиқиб

кетган ярим яланғоч йигит бир тұда болани етаклаб олган. Яхшигина кийиниб олган икки полициячи құлларини белларига тираганча үтган-кетганин кузатиб турибди.

Нигоҳим биринчи класс палубага тұпланған оз сонли йұловчиларга күчди. Стелла улар орасыда күрінмасди. Унинг эң сұнгги дақиқада бұлса ҳам етиб келишига шубҳам йүқ әди. У шунақа аёл әди. Бундай одамлар ҳеч қачон кеч қолишмайди. Лекин барвақт ҳам келишмайди.

Европача қора костюм кийган, құлтиғига оғир портфелни қистириб олган пакана ва бақувват хитой нарвон билан биринчи классли палубага күтарили.

Тепадан ана шу бақувват одамға қараб кече Энрайтларнинг ижарага олишган дала қовлышидеги күзгуда аксина күрганым кишини эсладим. Ұша оқшом мени пойлаган одам шу бұлса керак, деб үйладим. Еши қирқелардан ошган бүлишига қарамай, гавдасидан куч ёғилиб турарди. У жуда дадил ва енгил ҳаратат қыларди.

Барча хитойлар бир-бирига үхшайды-ку, деб үзимни овутмоқчи бўлдим. Ёки ҳамма нарсадан гумонсираш касалига чалиндиммикин? Ҳар ҳолда кўнглим ташвишда әди. Бу түйғу ұша хитой шундоққина ёнимдан менга қарамай ўтиб кетганида ҳам мени тарқ этмади. У ўриндиққа ўтириб, газетани очди-да, ўқишига тушиб кетди.

Стелла паром жұнашига бир дақиқа қолганида етиб келди. У яшил олма рангидә енгил кўйлак кийган, қўлида похол сават бор әди. Нарвон ёнига келгач, қўл силкитди. Стелла эң сұнгги йұловчи әди. Пастга тушиб, унинг қўлидан саватни олдим. Буни қўриб нарвонни тортиб олишга шайланаётган икки денгизчи хитойнинг жон-пони чиқиб кетди.

— Ҳеллоу, — деди Стелла. — Мана, мен ҳам келдим. Ҳар доимдагидек, эң сұнгги дақиқада.

Биз палубага кўтарилидик, паром оҳиста ўрнидан жилди. Курсига жойлашиб, қизғин гапга тушиб кетдик. Сұхбатимиз олди-қочди гаплардан иборат әди. Жефферсон номи тилга олинмади ҳам. Лентао ороли кўзга ташлангач, Стелла эҳтиёткорлик билан, бугун эрталаб нима иш қылдингиз, деб сўради. Гонконгнинг жин кўчаларини айландим, деб жавоб бердим.

— Мана, етиб келдик, — деди Стелла, паром тумшуғи билан Сильвер-Майн бекатига бориб урилгач. — Мен мана бу нарсаларни олиб бориб бераман. Бир кампир билан учрашишим керак. Бунга икки ярим соат вақт кетади. Унгача сиз шаршарани томоша қилиб қайтмайсизми? Жуда ажойиб манзара-да.

— Жуда соз. Шу ерда учрашамизми?

— Паром соат олтига яқын қайтиб келади. Сизни мана шу ерда кутаман. Ҳозир эса хув аваби сўқмоқ билан Батерфляй-Хиллни айланиб үтасиз, кейин кўприккача борасиз, — деб менга йўлни кўрсатиб қўйди. — Шаршара иккинчи кўприк ёнида. Шаршара — бу ерларнинг эң ажойиб томошагоҳларидан бири.

— Яхши, — дедим мен.

Стелла нарироқда кўриниб турған кулбалар томон үйналди. Ҳаммаёғига ювилган кийим-кечак осиб ташланған уйлар гаройиб манзара кашф этганди. Стелла енгил юриб борар, оғир одимлаётган хитой дәхқонларини ортда қолдирб, олға интиларди.

Пакана хитой қаёққадир ғойиб бўлғанди. Мен уни паромдан тушаётгандан кўргандим, кейин қаерга йўқолди, худо билади.

Соат олтигача қиладиган ишимиңнинг тайини йўқ әди. Шунинг учун ҳам сайд қилгим келди. Бунинг устига кун жуда яхши, ҳаво очик, күёш чараплаб турар, шошадиган жойим йўқ. Стелла кўрсатған йўлга тушиб олдим-да, юриб кетдим. Ўн дақиқалардан кейин соҳил ортда қолди, мен кимсасиз сўқмоққа чиқиб олгандим. Чанг-Хоу деган қишлоқдан (буни кейин билдим) сўнг яна бир үзим ёлғизоёқ йўл билан юришда давом этдим. Ўнг томонда Батерфляй-Хилл тепалиги, чап томонда эса очик дала ястаниб ётарди.

Шаршарага олиб борувчи йўлда ҳеч кимни учратмадим, бундан қайтага хурсанд әдим. Энди орқага қайтсам ҳам бўлади, деб үйладим. Ҳаммаси шу пайт бошланди. Нимадир, катталиги нақ ёввойи аридек келадиган нарса қулогим тагидан визиллаб учиб ўтди. Узоқдан ўқ овози эшитилди.

Үйлаб ўтиrmай ерга ётиб олдим, кейин думалаб сўқмоқдан четга чиқдим. Пиёдалар сафида хизмат қилган пайтларим бу усулни яхши ўрганиб олгандим. Иккинчи ўқ мендан бир неча қадам нарида ерни чангитиб юборди.

Йўл четида ўсан қалин ўт мени пана қилиб туради. Сукунатни учинчи ўқ овози бузди. У бошим ёнгинасидан чийиллаб ўтди. Юрагим гуппиллаб урар, қора терга ботгацдим. Ерга қапишганча ўрмалай бошладим. Ҳозир ерни ёриб кириб, беркинишга ҳам тайёр эдим. Ниҳоят улкан қоятошга етиб олдим. Ваҳима босиб, унинг орқасига сирғалиб ўтдим-да, тошга ёпишганча кута бошладим.

Атроф жим-жит эди. Сал-пал ўзимни босиб олдим. Кимдир тепалик чўққи-сидан туриб, менга қаратा ўқ узарди. Ўқ товушига қараганда мерган бу ердан анча олисда эди.

38-калибрли тўппончамни олмаганим учун ўзимни лаънатлай бошладим. Тўғри, калта енгли куйлак ва кенг шимда эдим. Бу кийимлар тўппонча учун асло мос эмасди. Ўқ узувчи менинг қаердалигимни яхши биларди. Унинг қила-диган иши кутиш. Бошимни кўтардимми — тамом. Жуда эҳтиётлик билан бошимни кўтардим. Тепкининг шиқиллагани эшишилди, ўқ юзимни ялаб ўтди. Яна ерга қапишишга мажбур бўлдим.

Демак, улар икки киши экан. Сўнгги ўқ овози орқа томондан келди. Бу мерган биринчисига нисбатан анча яқинроқда эди, жин ургур.

Улар менинг қуролсиз эканимни яхши билишарди. Узоқдан теккизолмагач, турган гап, энди яқинроқ келишади. Яқиндан эса нишонга олиш унча қийин эмас.

Соат бешдан йигирма дақиқа ўтганди. Келишилган жойдан мени топмагач, Стелла излаб келармикин? Агар у манави икковига дуч келиб қолса-чи? Уни ўлдиришмасмикин? Ахир мени ўлдиришмоқчи бўлишди-ку!

Мен аста-секин ўрмалаб, қоя тошдан узоқлаша бошладим. Ҳарбий малакам кўл келди. Баланд ўсан ўтлар орасидан қияликдан пастга қараб илондек ўрма-лай кетдим. Беш дақиқа ичида юз қадамча жойни босиб ўтдим. Кейин қаерда-лигимни аниқлаш учун бошимни кўтардим. Юзимнинг ёнгинасидан яна ўқ визиллаб ўтди. Тағин ерга қапишиб олдим. Бу иккови ё мен ўйлагандан кўра айёрроқ эдилар, ёки менинг ҳарбий малакам бир чақага арзимасди.

Аста илгари силжидим-да, ўзимни ён томонга олдим. Вактида улгурган эканман. Чийиллаб келган ўқ мен ҳозиргина турган ерга санчилди. Зўр мерган экан, деб кўйдим ичимда. Кутимаганда ўнг томондаги ўсиқ ўтлар тугади. Анчагина ерга чўзилган тошлок майдонда ўт ўスマган, тик қиялик эди. Афтидан тепаликка туташ дала шу ердан бошланарди. Жим ётганча қулоқ солиш ва кутишдан бошқа иложим йўқ эди. Ҳеч нарса эшишилмасди. Бошни кўтармай туриб ҳеч нарсани кўриб бўлмасди.

Ҳиндиларнинг эски одати эсимга тушди. Қулоғимни ерга қўйиб дикқат билан тинглай бошладим. Анчагача ҳеч нарса эшишилмади. Кейин эшитиб қолдим. Афтидан мерган эллик қадамлар нарида, ўнг томонда эди. Ўсиқ ўтларни пана қилиб эмаклаб келарди. Агар бирор чора кўрмасам, ҳозир етиб келади.

Қаердалигини аниқламоқчи бўлдим, лекин эплай олмадим. Фақат қайси томондан яқинлашиб келаётганинингина билардим. Кутуб турдим. Вакт жуда имиллаб ўтар, мени эса ваҳима босарди. Бирдан ўтлар орасидан иргиб турдимда, чап томонга сакрадим, кейин ўзимни ўнг томонга отдим, шу тариқа фанимни нишонга олишдан чалғитмоқчи эдим. Милтиқнинг шиқиллаши қулоққа чалинар, ўқ гоҳ ўнг томонимдан, гоҳ чап томонимдан физиллаб ўтарди. Олдинда, олти қадамча масофада майсазор қимиirlади. Ўзимни ўша жойга отдим.

Ўт устида чўзилиб ётган зангори курткали хитой сакраб ўрнидан турди ва менга ёвузларча ишшайди. Учуваккина, озғин, чайир эди. Қўлидаги пичоғи офтоб тифида ялтираб кетди. Лекин пичоғни ишга солишга улгурмай қолди. Шиддат билан унга ташланиб, ўнг қўлим билан пичоғини ушладим, чап қўлим билан кекирдагига чанг солдим. Елкам билан кўкрагига урдим, иккаламиз ҳам майсазор устига ағдарилиб тушдик. Суякларимиз қисирлаб кетди. Хитой бармоқлари билан кўзларимни ўймоқчи бўлди. Лекин бошимни юзига босдим. У хириллай бошлади. Унинг бошқа иложи йўқ эди — зеро, мендан анча кичик ва нимжон эди. Пичоғни қўлидан уриб туширдим-да, иккала қўлим билан то-

моғига ёпишдим. У тагимда типирчилаб бир оз ётдию, жимиб қолди. То кўзла-ри косасидан чиқмагунча бўғиб туравердим. Танаси бутунлай бўшашибгач, нафа-сими бир оз ростладим-да, устидан тушдим. Лекин ўрнимдан туришга юра-гим бетламади. Чунки шериги етиб келиши мумкин эди.

Бир муддат кутиб турдим, бирдан хитой қимирлаб қолди. Ерда ётганимча уни тепага кўтардим. Унинг бош кийими учиб кетганди. Шунинг учун ҳам уни узоқдан кўрган шериги мен деб ўйлаши мумкин эди. Худди шундай бўлди. Ўқ овози эшитилди ва мен устимда кўтариб турган хитойнинг афти башараси қонга беланди. Мерган нишонга аниқ урган эди. Лапшайган тана ўт устига қулади. Мен орқага қараб ўрмалаб кетдим. Ўн беш қадамча эмаклагач, қулогимни ерга босдим. Узоқ кутдим. Соат миллари олти яримни кўрсатарди. Тепада турган мерган кутавериб тоқати тоқ бўлди, шекилли, нима бўлдийкин, деб текшириб кўргани пастга тушди.

У мени ўлган деб ўйлаб бамайлихотир эди. Ўтларни икки ёнга айириб, сўнгги ўқ овози эшитилган тепалик ёнбағрига қарадим. Уни кўрдим. Европача қора костюмда, милтигини қўлтиғига қистирганича тепадан тушиб келарди. Бу ўша... Энрайтлар кошонасида мени пойлаган, бугун эрталаб паромда кўрганим хитой эди.

Уни кўришим билан даҳшатли шубҳа чулғади мени. Ахир бу кимсасиз оролга мени бошлаб келиш фикри Стелланинг миясида пишганди-ку! Мен Энрайтлар кошонасига таклиф қилинганимда ҳозир дадил менга қараб келаётган па-канга хитой ҳам ўша ерда эди, мени яхшироқ кўриб, таниб олиши учун чақирилмаганими у? Тушунарли, мен олдиндан тайёрлаб қўйилган тузоққа илиндим, ундан чиқиб кетишнинг эса сира иложи йўққа ўхшайди.

Агар хитой ҳозирги тезлигига ҳаракат қилса, яна ўн дақиқалардан сўнг мен-га етиб келади. Мен ўтлар орасидан узун тифлик пичноқни қидира бошладим. Пичноқ милтиқ билан тенглаша олмайди. Лекин ҳархолда қурол-ку. У ёқ-бу ёққа қараб, муштумимдан каттароқ япалоқ тошни кўриб қолдим. Уни дарров кўлимга олдим.

Бу маҳал хитой сўқмоққа тушиб олиб, менга қараб келмоқда эди. У қадами-ни секинлатди, эҳтиёткорлик билан ҳаракат қила бошлади. Лекин қўлтиғига қистириб олган милтиғи унга ишончли ҳимоя бўлиб хизмат қиласади.

Эмаклаб, жасаддан анча нари кетдим. Энди бизларни ўсиқ ўтлар билан қопланган йигирма метрлар чамасидаги масофа ажратиб турарди. Пакана хитой мени кўришдан аввал жасадга дуч келади. Энди у шундоққина ёнимда эди. Мен ерга маҳкам қапишиб ётибман, ўнг кўлимда тош, чап қўлимда пичноқ.

Хитой ўзича нимадир деб минғирлади. Мен эҳтиётлик билан бошимни кўтардим. У шеригини кўриб қолди ва устига энгашди. Гап нимадалигини тушунди-ю, бирдан бошини кўтарди. Шунда юзма-юз бўлдик. Милтиқни менга тўғрилади. Мен тошни отган замон у тепкини босди. Учиб бораётган тош унинг нишонни аниқ олишига халақит берди. Лекин барибир ўқ елкамни ялаб ўтди. Мен отган тош ўткир қирраси билан унинг кўлига тегиб, терисини шилди. Милтиғи кўлидан тушиб кетди. Уни оламан деб энгашган заҳоти ўқдек отилдим.

Худди деворга бориб урилгандай бўлдим. У билагимдан ушлади-да, ошириб ерга урди. Жоним узилди, деб ўйладим. Кўлимдаги пичноқни тушириб юборганимни зўрга англадим. Мундоқ қарасам, тепаликнинг нишабида турибман. Пастга юмаладим. Орқамдан қувиб келаётганини эшитдим. Эллик метрлар ча-маси юмалаб боргач, пошнамни юмшоқроқ ерга тираб, ўзимни тўхтатдим. Бо-шим айланар, зўрга нафас олардим. Унинг яқинлашиб келаётганини кўрдим, лекин қўлида милтиғи йўқ эди.

У менга етиб келганида ўрнимдан туришга улгурдим. Аммо ундан пастроқда эдим. Мен жуда нокулай вазиятда эдим, лекин у шундай тез келарди, ўзини тўхтатиб қололмади. Тўқнашиш пайти мен чап бердим ва бор кучим билан орқасига тепдим. У ўзтубан йиқилди. Кўлимга каттагина тош тушиб қолганди. Орқасидан улоқтирдим. Тош гарданига тегди, қон сачради. Шалвираб қолган тана қияликни чангитганча пастга думалаб кетди. Боши ёрилган бўлса керак.

Бу мени ташвишга солмасди. Чунки ҳозир, балки кейин ҳам у менга бошқа таҳдид қилолмасди.

Хансираб, елкамдаги яра оғриғидан қийналиб, туртениб-суртиниб сұқмоқ бўйлаб Сильвер-Майн лангарига бир амаллаб етиб олдим.

2

Вэнчай соҳилидаги барга кирганимда соат роппа-роса саккиз бўлганди. Бунгача ювиниб, кийимимни алмаштириб, елкам ярасига малҳам ёпиштиришга ултурган эдим. Иссифим кўтаришган, бунинг устига ярамнинг оғриғи азоб берарди. Лекин, худога шукур, ахир бундан ҳам бадтар бўлиши мумкин эди-ку.

Барда одам кўп эди. Йигирматача америкалик денгизчи ичишар ва рақс тушишарди. Ўттизтacha қиз, бари калта хитой кўйлагида денг, вақтихушлик қилишар, ўйнашарди. Бир неча хитой корчалони алоҳида бўлмада ўтириб, виски ичишар, жиддий сұхбатлашишарди.

Мусиқа овозидан қулоқ қоматга келар, ҳеч нарса эшитиб бўлмасди. Эшикдан кирдиму атрофга кўз югуртирганча туриб қолдим. Сигарет тутуни орасидан хоним чиқиб келди. У майнин жилмайди-да, қўлимдан етаклаб, алоҳида, бўш бўлмалардан бирига олиб кирди.

— Нима ичасиз? — сўради хоним, тепамга энгалиб. Негадир совуқ кўзларини мендан олиб қочишга уринарди.

— Виски... Сиз-чи?

— Мен сизга виски буюраман.

У шундай деди-да, рақс тушувчилар орасига сингиб кетди. Бир оздан кейин ёнимга официант келди, столимга виски билан содали сув кўйди. Бир оз кутиб турдим. Ўн дақиқалардан кейин хитой хоним қайтиб келиб ёнимга ўтириди. Унинг қарашлари негадир ташвишли кўринарди.

— На Хай Тон сиз билан учрашади, лекин бу ерда эмас. У сизни уйимга келсин деялти.

Янги тузоқми? Қизиқ бўлди-ку. Ҳали мен бугунги саргузаштдан ўзимга келолганим йўқ. Лекин ҳозир тўппончам ёнимда эди.

— О' кэй... Аммо унинг ўша қиз эканини мен қаердан биламан?

— Унда хужжатлар бор. У сизга кўрсатади. Бу ўша қиз.

— Ҳозир борсам бўладими?

— У кутиб турибди.

Мен вискимни ичиб тутатиб, ўрнимдан турдим.

— У билан гаплашаман, агар мени алдамаётган бўлсангиз, сизга эллик гонконг доллари тўлайман.

Хоним тиржайгандай бўлди.

— Майли, бориб такси тўхтатаман.

Бир неча дақиқадан сўнг қайтиб кирди-да:

— Шоффёр сизни қаерга олиб боришни билади. Хонадон юқори қаватда. Қийналмасдан топасиз, — деди.

Кўча дим эди. Машинага ўтиридим ва биз жўнадик. Одамлар гавжум хитой маҳалласининг тор кўчаларидан бир амаллаб ўтиб олдик. Машина заргарлик буюллари дўкони ёнида тўхтади. Ҳайдовчи чекка эшикни кўрсатиб, хурсанд илжайди. Мен йўл ҳақини тўладим, чойчақа ҳам бердим. У жўнаб кетаркан, орқасидан қараб турдим-да, ичкари кирдим. Лифтга чиқиб, сўнгги қаватга кўтарилидим. Кўнгилни тинчлантириш учун қўлимни чўнтағимга тиқиб, тўппончами пайпаслаб қўйдим. Юқориги қаватда қизил рангта бўялган эшикнинг кўнғириғонини босдим.

Анча вақтдан кейин эшик очилди. Ичкарида хитой қиз “ким керак?” дегандай менга қараб туарди. Баланд бўйли, озғин, истараси иссиққина. Оқ шойидан ажойиб қилиб тикилган калта кўйлаги, тўқ қизил шиппаклари унга жудаям ярашиб тушганди. Қора соchlарига қадалган икки дона нилуфар гули ярқираб туарди.

- Мен Рейнман. Мени кутаётган бўлсангиз керак?
У жилмайди, оппоқ тищлари ярқираб кетди.
- Ҳа, кирақолинг.
Улкан хона, ранг-баранг гуллар, оқиш эмандан ясалган замонавий жавонлар билан жиҳозланган. Катта дераза денгизга қараб очилади.
- Сиз На Хай Тонмисиз? — сўрадим мен у эшикни ёпиб, оҳиста юриб кресло ёнига келгач.
- Ҳа, бу менинг исмим.
У ўтириб, қўлларини тиззаларига қўйди, жилмайди, қошларини чимириди.
- Мен буни қаёқдан биламан?
Саволим уни ҳайрон қолдирди, шекилли, қўли билан столни кўрсатди.
- Мана ҳужжатларим.
Мен гувоҳномасини кўздан кечирдим. У Гонконгга беш йил бурун келган экан. Ёши йигирма учда. Касби — раққоса.
- Хотиржам бўлиб, рўпарасига ўтиридим.
- Сиз Герман Жефферсонни танирмидингиз?
У жилмайганча бошини қимирилатди.
- Ҳа, мен уни билардим. Икки ҳафта бурун ҳалок бўлди.
- Унинг хотинини ҳам билармидингиз?
- Албатта. Улар турмуш қурганда мен гувоҳ бўлганман.
- Герман қандай пуллар эвазига кун кўрганидан хабарингиз борми?
- Балки мен бу саволларга жавоб берарман, лекин сиз аввал ўзингиз кимсиз, бу ерга нима учун келганингизни айтсангиз яхши бўларди, — деди у хайриҳоҳлик билан жилмайиб.
- Жефферсоннинг отаси менга баъзи нарсаларни аниқлашимни топширди,
- дедим мен. — У ўғли қандай яшагани билан қизиқяпти.
- У савол аломати билан қошини чимириди.
- Нима учун?
- Қаёқдан билай. У менга хизмат ҳақимни тўлади, шунинг учун у қизиқаётган нарсаларни аниқлаб беришим керак. Мен айтиб берганларингиз учун ҳақ тўлайман.
- У ноз билан бошини эгди.
- Қанча тўлайсиз?
- Олган хабаримга яраша.
- Сизни унинг пулни қаердан топгани қизиқтирадими? — у сулув юзини буриштириди. — У пул толмасди. Жо-Эннинг пулини қоқишириб оларди.
- Сиз Лейла деган қизни танирмидингиз?
- Танирдим. У Жо-Эн билан яшарди.
- Лейланинг айтишича, Жефферсон Репала-Бэйдаги муҳташам кошонани ижарага олган экан.
- На Хай Тон бошини орқасига ташлаб хаҳолаб кулди. Унинг кулгиси жуда чиройли эди.
- Унинг пули ҳатто “Самовий салтанат”даги ҳужрасига ҳам етмасди. Ўзи хурматга нолойиқ шахс эди. Тиланчидан бир туки кам эмасди.
- Айтишларича, у қандайдир гиёҳвандлик моддалари сотувчилари билан алоқада бўлган экан, — дедим эҳтиётлик билан.
- Бу сўзларим таъсир қилди, шекилли, ранги бўзарди, юзидағи табассуми фойиб бўлди.
- Гиёҳвандлик моддалари сотувчилари ҳақида ҳеч нарса билмайман.
- Нима, мен сизга биласиз деб айтдимми? Мабодо уларнинг Кантондан Гонконгга героин олиб келишгани ҳақида эшитмаганмисиз?
- Сира эшитмаганман.
- Фрэнк Беллинг шу иш билан шуғулланган.
- Бу ҳақда ҳеч нарса билмайман, — дея тикилди менга сухбатдошим афтини буруштириб. Пешонасида ажин пайдо бўлди.
- Ахир сиз Беллинг билан таниш эдингиз-ку!
- Уни бир мартағина, тўйда кўргандим.

— У Жефферсоннинг дўстимиidi?
 — Эҳтимол. У ҳақда ҳеч нарса билмайман.
 — Мен кейин Жефферсон хотинини ташлаб, Репала-Бэйдаги кошонани ижара олган деб эшигиди.

На Хай Тон бир оз тараддуға тушиб қолди.

— У ўлимигача хотини билан “Самовий салтанат”да яшади. Репала-Бэйдаги кошонада яшаганмас.

Мен унга сигарета тутдим, у рад этди. Менда, керакли нарсанни сўраяпманми, ўзи? — деган шубҳа уйғонди. Чунки Лейладан бошқа ҳамма бир хил гапиради. Нега энди фақат Лейла тўғри гапиради-ю, бошқалар мени алдайди?

— Келинг, яхшиси Жо-Эн тўғрисида гаплашайлик, — дедим мен. — Сиз уни яхши билармидингиз?

У бошини қимирлатди.

— Жо-Эн менинг энг яхши дугонам. У Америкага жўнаб кетгач, жуда ачиндим. Ундан хат кутяпман. Менинг ҳам у ёқقا боришимга ёрдам бераман деганди.

Шубҳаларни йигиштириб, тўғрисини айтишга қарор қилдим.

— Демак, сиз ҳеч нарса билмайсиз?
 — Билмайман... Нимани билмайман?
 — Унинг ўлганини-да.

У менга ғалати қаради. Кўзларини катта-катта очиб, кўллари билан кўксини фижимлади. Уни диққат билан кузатиб турардим. Йўқ, — ўйин қилмаётганди. Гапларим уни эсанкиратиб қўйганди.

— Ўлди? Нега ўлади? — деди бўғилиб. — Нима бўлди?

— Уни ўлдиришди. Пасаденага бориши билан.

Қизнинг юзи хиралашди. Бу ҳолатни бошқача сўз билан таърифлаш қийин. У бужмайди. Ундаги жозибадорликдан асар ҳам қолмаганди.

— Сен алдаяпсан! — деди тушқун овозда.

— Рост айтаяпман. Полиция қотилни қидирияпти.

У йиглаб юборди. Кўллари билан кўзларини беркитиб олди.

— Кетинг, — ингради у, — кетинг бу ердан.

— Тинчланинг. Бундай машъум хабарни айтганим учун мени кечиринг. Мен ҳам унинг қотилини қидириб юрибман. Сиз менга ёрдам беришингиз мумкин. Менга қаранг...

У ўрнидан сакраб турди-да, эшикни қарсиллатиб ёпиб, кўшни хонага чиқиб кетди. Анча вақтгача нима қилишимни билмай туриб қолдим. Кейин ташқари чиқдим, эшикни ёпиб, лифтни чақирдим. Пастки қаватга тушиб, лифтдан чиқдим-да, тепага қулоқ солдим. Унинг эшикни очганини, яна ёпганини эшигдим. Мен товуш чиқармай зинадан тепага кўтарилидим-да, унинг эшиги олдида қотиб турдим. Бир неча дақиқа ўтди. Телефоннинг жиринглагани эшитилди. На Хай Тон жуда паст овозда тез-тез гапиради. Нима деяётгани эшитилмасди. Гўшакни қўйгач, мен зинадан пастки қаватга тушдим, лифтга чиқдим-да, биринчи қаватга етиб олдим. Одамлар билан гавжум, шовқин тўла кўчага чиқдим. Йўлнинг нариги томонида қатор кетган дўконлар. Улардан бирига кириб, турли фотоаппаратларни кўздан кечира бошладим. Уларни арzonлаштирилган нархда сотишарди. Мен вақти-вақти билан қаршидаги уйнинг эшигига разм солардим. Чунки қаршимдаги улкан кўзгудан у шундоққина кўриниб турарди. Минг хаёлга бориб турганимда у пайдо бўлди. Деярли танимай қолибман. На Хай Тон бутунлай бошқача кийиниб олибди. Худди далада ишлайдиган дехқон қизи дейсиз. У ёқ-бу ёқقا аланглади-да, соҳилга қараб кетди. Мен унинг изидан тушдим. Қиз жуда енгил юриб бораради. Унинг орқасидан аранг улгуардим. Таксилар бекатида бир шофер билан гаплашди-да, машинага ўтириди. Ҳайдовчи эпчиллик билан машиналар оқимиға кўшилиб кетди.

Менинг омадим бор экан. Кейинги машинанинг шофери инглизча сал-пал биларди. Мен унга ҳозиргина жўнаб кетган такси орқасидан боришини буюриб, йигирма долларликни кўрсатдим. У хурсанд тиржайди ва мен ўтиришим билан газни босди.

Паром кечувида На Хай Тон машинадан тушди. Мен унинг сал нарироқ боришини пойлаб, ҳайдовчига ҳақини бериб, қизнинг изидан тушдим. На Хай Тон учинчи класс палубага чиқди, мен биринчига. Паром бизни Каулун лангирига элтиб кўйди. Бу ер Кай-Тэк аэропортига яқин эди.

Паромдан тушган На Хай Тон рикша ёллади. Мен хавфсиз бўлар деган умидда унинг изидан пиёда боравердим. Лекин рикшанинг тезлигини ҳисобга олмаган эканман. Қиз илгарилаб, кўринмай кетди. Мен уни бутунлай йўқотиб қўймаслик учун чопа бошладим. Хитойлар бу жинни шекилини деб менга ҳайрат билан қараб қолишарди.

Тор кўчаларнинг бирида қиз рикшага жавоб берди. Бу ерда мева-сабзавот сотувчи боққоллар, рикшалар, ҳаммоллар фуж-фуж эди. Хитой қиз боши берк йўлакдан бирига кириб кўздан фойиб бўлди. Гонконгнинг бу қисми чинакамига хитойларники ҳисобланарди. Британия маъмурлари бу ерга кириш хукуқидан фойдаланмас эдилар. Бунинг натижасида бу жойлар жиноятчилар ва гиёхвандлар уясига айланганди. Ҳозирги пайтда аҳвол шу қадар ёмонлашгандики, муттасил равишда полиция соқчилик қиласи, хитой томони ҳам бунга норозилик билдирамасди. Лекин бирорта европалик бу ерларга ўз ихтиёри билан қадам ранжида қилмасди.

Мен ҳамон қизнинг изидан борардим. Турли ахлатлар уюмларидан сасиб ётган бу тор кўчаларда яширинишнинг ҳам иложи йўқ эди. Ҳозир қиз агар орқасига қараса, мени кўриши турган гап эди. Лекин бундай бўлмади. Орамиздаги мосафа йигирма-үттиз қадамлар келарди. У бир эшик олдида тўхтади, очиб ичкари кирди. Мен бир оз кутдим. Атрофда бир неча хитой чўккалаганча деворга суюниб ўтиришарди. Юзлари сарғиши, кўзларининг қорачиғи қотиб қолганди. Улар мени сездиларми, йўқми, билмайман, лекин қотиб қолган нигоҳларидан этим жимирилаб кетди.

Мен эшикни очдим. Зинага кўзим тушди. Ичкари кириб, тинглай бошладим. Тўппончамни қўлга олиб зинадан юқори кўтарилдим. Рўпарада бир эшик кўринди. Ўнг томонда яна биттаси.

Тўхтаб кулоқ солдим. Қандайдир эркак гапираварди:

— Бу ёққа қара, сариқтумшуқ қанжиқ, агар алдётган бўлсанг, сени ўлдираман, — деди овоз эгаси америкача талаффузда.

— У шундай деди, — бақирди На Хай Тон, — у Пасаденага келиши билан ўлдиришибди, деб айтди.

Орқамдан мулойим товуш эшитилди:

— Қимиrlаманг, жаноб Рейн. Агар қийин бўлмаса қўлингизни кўтариб туринг...

Таниш овоз, хитой талаффузида.

Мен жойимда қотиб қолдим. Мулойим овозда гапирилишига қарамай, дўқ оҳанги сезилиб турарди.

— Марҳамат, эшикни очиб, ичкари киринг. Менинг қўлимда қурол бор.

Мен илгари одимладим, эшик дастасини буриб, итардим. Эшик ланг очилди.

Хона бўш эди. Ерга њеч нарса тўшалмаган. Рўпарамда кент курси турарди. У каравот сифатида, ёғоч кунда эса ёстиқ бўлиб хизмат қиласа керак. Тўнкарилган қути устида металл чойнак, чой дамланадиган кичик чойнак, бир неча кир финжон турарди. Девордаги илғичда қорайиб кетган сочиқ, унинг тагида ювишиш ашёси ва сув учун катта кўза бор эди.

Ерда чўккалаб икки киши ўтирадарди. Улар ўтирилиб менга қарашди. Мен На Хай Тонни танидим. Бошиқ бирори тор елкали, озғин эркак эди. Аввалига мен уни хитой деб ўйладим. Диққат билан қарагач, европалик эканини сездим.

На Хай Тон кўрқанидан қичқириб юборди. Эркак қўли билан унинг оғзини беркитиб, қаттиқ итариб юборди. Қиз оёқларим остига узала тушди.

— Лаънати қанжиқ! — ўшқирди эркак ўрнидан тураркан. — Сен уни бу ёққа бошлаб келдингми? Йўқол кўзимдан!

— Марҳамат, киринг, — деди орқамда турган эркак енгилгина елкамга туриб.

Қиз хўнграганича ердан турди-да, эшикка отилди.

Мен ичкари кирдим. Эркак менга хунук ёвқараш қилди. Күzlари совуқ ва хиссиз эди.

Пайтдан фойдаланиб орқага ўтирилдим. Вонг Хон Хо — инглиз тилини билувчи гид — мулойим кулиб турарди. Ўнг қўлида 45-калибрли тўппонча. Эшикни ёпиб, орқаси билан унга суюнди.

Мен рўпарамда турган кишига зимдан қарадим. Кўриниши касал ва ҳорғин эди. Соқоли олинмаган, ифлос, ундан сассик ҳид анқирди.

— Қара-чи, тўппончаси йўқмикин, — буюрди у.

Вонг тўппончасини елкамга тираб, чап қўли билан мени тимирскилади. Тўппончамни топиб, олиб қўйди. Кейин чеккага чиқиб турди. Рўпарамда турган киши Фрэнк Беллинг бўлса керак, деб ўйладим.

— Сен Беллингмисан? Кўпдан бери сени қидириб юрибман.

— О' кэй, мана топдинг ҳам дейлик, — деди нотаниш киши. — Лекин, жин ургур, бундан қандай наф сенга?

Мен Вонгга қарадим, у ҳамон мулойим тиржайиб турарди.

— Мени боплаб тузоқقا илинтиридинг, — дедим унга заҳархандалик билан.

— Сен мени аэропортда ҳам атайлаб кутиб олган экансан-да. Менинг бу ёққа келишимни сенга ким хабар қилди?

Вонг хихилади.

— Олашақшақ думида олиб келди бу хабарни. Бунчалик синчков бўлиш керакмас, жаноб Рейн. Буёққа келишингизнинг ҳам ҳожати йўқ эди.

— Лекин мен келдим. Нима қиласай, мен ахир шунақа синчков бўлсан, синчковлик менинг касбим.

— Сенга нима керак ўзи? — сўради Бэллинг.

— Жо-Эн Жефферсонни нега ўлдиришганини билмоқчиман. Менимча, ишни шу ердан бошлаш керак, излар эса керакли жойга бошлаб боради.

Унинг рангпар юзи менга бўри башарасини эслатди.

— Уни ўлдиришгани ростми?

— Ҳа, ўлдиришди.

У бошидаги ёпингичини ечиб, бир чеккага улоқтириди. Унинг сарғиши кум рангидаги соchlари кўпдан бери қайчи кўрмаганга ўхшайди. Ифлос бармоқлари билан сочини тараб, лабларини қисди.

— Унга нима бўлди ўзи? — сўради у. — Қани, гапир-чи.

Мен сирли нотаниш Жон Хардвик ҳақида, мени қай тарзда алдашгани ва ишхонамга қайтиб келиб Жо-Эн жасадига дуч келганимни айтиб бердим. Унга қария Жефферсон ҳақида, унинг қотилни топиш учун мени ёллагани тўғрисида гапирдим.

— Үғлим хотинини ким ўлдирганини билмагунча тиниб-тинчимасди, — деди чол. — Шунинг учун ҳам мен унинг сўнгги истагини бажаришим керак.

— Полиция нима қиляпти? Нима, улар қотилни топишолмаяптими? — сўради Беллинг.

— Топишолмаяпти. Мен ҳам тополмаяпман. Шунинг учун ҳам мен сени қидира бошладим...

— Нега энди мени сенга ёрдам беради деб ўйлайсан? — У кўзларини олайтириди. Озгин юзини тер қоплади. У кўзимга ўлгудай юрагини олдирган ва ёвуз бўлиб кўринди.

— Сен Жефферсон ҳақида бирор нарса галириб берсанг яхши бўларди. У ҳам сенга ўхшаб гиёҳвандлик билан шугулланармиди?

— У ҳақда ҳеч нарса билмайман! Сенинг ҳам бурнингни тиқмаслигингни маслаҳат бераман! Жўна бу ердан! Жефферсон ўлган. Унинг руҳини безовта қилма. Мана бунга жўна деяпман! — У икки оёғи орасини шапатилади.

Мен унинг маслаҳатига амал қилишим керак эди-ю, лекин шундай қилмадим ва жазоландим. Беллинг Вонгга қаради. Унинг нигоҳи мени тешиб ўтгандай бўлди. Мен орқамга ўтирилдим. Вонг тўппончаси билан қорнимга туширди. Қаттиқ оғриқ сездим. Гарданимга тушган кучли зарбдан гандираклаб йиқилдим.

3

Мен ўз овозимни эшигандай бўлдим: “Фрэнк Беллинг инглизми?” Бош инспектор Маккартининг овози жавоб берди: “Ха, инглиз”. Мана шу ўзини Фрэнк Беллинг деб атаган маҳлуқ кучли америка талаффузида гапиради. Инглизда шунақангি ғалати талаффуз пайдо бўлиши мумкинми? Йўқ, деб ўйлайман.

Бошим қаттиқ оғриб, ўйларимга чек қўйди. Бехосдан инграб юбордим.

— Яхши, яхши, — дедим мен баланд овозда. — Хуноб бўлишнинг нима кераги бор. Бир-икки марта бошга туширишган бўлса нима қилипти. Касбинг шунақа бўлса, нима қиласан, чидайсан-да! Ҳали соғ-омон қолганингга шукур қил.

Теваракда ҳеч нарса кўринмасди. Лахимдаги сингари зимистон. Эсимда қолган ҳид бўйича ҳамон ўша Вонг зарбасидан гангиб қолганим хонада эканимни ҳис қилдим. Зўрга ўрнимдан турдим. Қаттиқ оғриқдан бошим тарс ёрилай дерди. Бир неча дақиқа ўтиридим, кейин куч тўплаб оёққа турдим. Эшик орқа томонда, чапроқда бўлса керак. Тимирскилаб эшикни топдим. Дастани бурадим, эшик очилди. Йўлакда ёнаётган хира чироқдан кўзларим қамашди. Мен тўхтаб қулоқ тутдим. Пастда, кўчадаги ғала-ғовурдан ҳеч нарса тушунмадим. Қўл соатимга қарадим. Вақт яrim тундан оғибди. Ҳушсиз ётганимга яrim соатча бўлибди. Беллинг билан Вонг қочиб қолишлари учун етарли вақт ўтган.

Менинг бирдан-бир истагим мана шу лаънати жойдан тезроқ чиқиб кетиш эди. Зинадан тушаётуб кимдир юқорига чиқаётганини сездим. Ёнимни пайпасладим. Тўппонча филофи осиғлиқ турарди. Лекин, афсуски, у бўш эди. Бирдан юзимга ёруғ урилди.

— Сен бу ерда нима қиляпсан? — эшигиди таниш шотланд овози.

— Сайр қиляпман, — дедим мен. — Ўзинг-чи?

Зинадан сержант Ҳэмиш ва хитой полициячиси кўтарилиб келишарди.

— Сени шу ёққа қараб кетди, дейишиди. Шунинг учун бу ёққа келяпмиз.

— Бир оз кечикдингизлар. Мен ҳозиргина ошнанг Фрэнк Беллинг билан гаплашган эдим.

— Сенми? — унинг ҳайратининг чеки йўқ эди. — Қани у?

— Қочиб кетди, — мен бошимдаги фуррани кўрсатдим. — Мана буни унинг шериги қилди.

У менинг гарданимни ёритаркан, ҳұштак чалиб юборди.

— Вой-бўй. Сени чақиришганмиди бу ёққа! Ахир бу ер Гонконгда энг хавфли жой-ку!

— Чирофингни нари олсанг-чи, — дедим инграб. — Бошим тарс ёрилай деялти.

У хонага кирди, деворларни ёритиб текширди. Қайтиб йўлакка чиқди.

— Бош инспектор сен билан гаплашмоқчи экан. Кетдик.

— Яхшиси, у На Хай Тон деган хитой қиз билан суҳбатлашсин, — дедим мен ва қизнинг манзилини айтдим. — Қочиб кетмасидан ўшани топинглар.

— Бунга унинг нима алоқаси бор?

— Беллингга мени ўша бошлаб келди. Шошилсанг-чи, бўлмаса уни қўлдан чиқарасан.

Ҳэмиш ёнидаги полициячига хитойчалаб нимадир деди. У пастга қараб чопиб кетди.

— Кетдик, — деди Ҳэмиш менга ва биз қоронғи, хавф-хатар тўла йўлакка чиқдик.

Орадан яrim соат ўтгач, мен оролга қайтдим. Бош инспектор Маккарти хонасига кирдим. Унга қўнғироқ қилиб ётган жойидан турғизиб келишган экан. Шунинг учун ҳам кўриниши учча қувноқ эмасди. Бир финжондан аччиқ чой ичдик. Бошимнинг оғриғи сал босилгандай бўлди.

Сержант Ҳэмиш деворга сунянганча мисвокни чайнарди. Маккарти бўш сархонали мундштужини сўрганича менинг ҳикоямни тингларди.

Мен унга Сильвер-Майн Бэйдаги сайру саёҳатим ҳақида гапириб ўтирамадим. Унинг жаҳли чиқмасин, дедим-да. Лекин На Хай Тон билан суҳбатлаш-

гим келиб уни қидириб топганимни, бунда менга Вэнчайдаги барда танишганим хоним ёрдам берганини, Жо-Эннинг ўлими ҳақидаги хабарни айтганимда у нақадар шошиб қолганини гапириб бердим.

— У бу хабарни ким биландир баҳам кўрса керак, деб гумонсираб кўчада кутиб турдим. Кейин изидан бориб ўша ерга кириб қолдим... Кейин кутилмаганда Вонг пайдо бўлганини, Беллинг билан суҳбатимни ва ниҳоят Вонг мени боллаб урганини ҳам айтдим.

Узоқ сукутдан кейин Маккарти:

— Ҳаммасига ўзингиз айбордосиз, — деди. — Менинг олдимга келишингиз керак эди.

Мен индамадим.

У бир неча дақиқа эшигнларини таҳдил қилиб турди. Телефон жиринглаб, ўйларини бўлиб юборди. У гўшакни олиб эшидди-да, жавоб қилди:

— Бўпти. Излашда давом этинглар. Менга жуда керак.

— У уйига қайтиб бормапти, — деди менга Маккарти. — Менинг одамим унинг уйини кузатаяпти, қидиряпмиз.

На Хай Тон то полиция қидириб, қўлга туширгунча кутиб ўтиради, деб ўйлаш ўта гўллик бўларди. Ҳар ҳолда у ҳам Лейла сингари портда топилиб қолиши ҳам эҳтимолдан холи эмасди.

— Сизда Фрэнк Беллингнинг бирор сурати йўқми? — деб сўрадим мен. — Мен билан гаплашган йигитнинг Беллинг эканига щубҳам бор. У кўпроқ америкалика ўхшаяпти.

Маккарти ёзув столининг тортмасини чиқариб, ундан катта бир жилдни олди. Ундан бир суратни ажратди-да, менга узатди. Суратга қараб мени совуқ тер босди. Худди шу суратни менга Жанет Вест ҳам берган, уни Герман Жефферсон деб атаганди.

— Шунинг Беллинг эканига ишончингиз комилми? — сўрадим мен.

Маккарти ҳайратомуз менга қаради.

— Бу бизнинг полициядаги сурат. Биз уни газеталарда босганимиз, уни қидиёфтганимда тарқатганимиз. Албатта, бу Фрэнк Беллинг.

— Лекин мен бу одам билан гаплашганим йўқ. Ўзини Фрэнк Беллинг деган одам бутунлай бошқа эди.

Маккарти чойдан хўплади ва сархонали мундштуига тамаки жойлай бошлиди. Кўз ифодасидан унинг жигига тега бошлаганим сезилиб турарди.

— У ҳолда сиз ким билан гаплашдингиз?

— Сиз Герман Жефферсон билан сира учрашганимисиз?

— Учрашганиман. Нимайди?

— Сизда унинг сурати борми?

— Йўқ. У Америка фуқароси бўлса, бизга сурати нима учун керак?

— Уни таърифлаб беролмайсизми?

— Озғин, қирра бурун. Сочи сийрак, кум рангида, — бидирлаб кетди Маккарти.

— Мен билан гаплашган ва ўзини Фрэнк Беллинг деб таништирган одам худди шу қиёфада эди.

Орага узоқ жимлик чўди, кейин Маккарти сукунатни бузди:

— Жефферсон ўлган. У автомобил фалокатида ҳалок бўлган. Унинг жасади Америкага жўнатилган.

— Жефферсон тирик... Бундан икки соат олдин тирик эди, — дедим мен. — Сизнинг таърифингиз айнан ўшанинг қиёфасига мос келади.

— Машинада топилган жасад Жефферсон бўйига тўғри келарди, — дея мулоҳаза қиласади Маккарти. — Жасад шу қадар куйиб кетгандики, уни асло таниб бўлмасди. Хотини уни қўлидаги узуғи ва чўнтағидаги сигарет кутисидан таниди. У Жефферсон эмас эди, дейишга бизда ҳеч қанақа асос йўқ.

— Агар у Жефферсон бўлмаса, мен бунга щубҳа қилмайман, жин урсин, унда ким бўлиши мумкин эди?

— Мендан сўрайпизми? — деди Маккарти. — Нима десангиз денг-у, менда Жефферсон тирик дейишга ҳеч қандай асос йўқ.

— Озғин, новча, күzlари яшил, сийрак, сарғиш құмранг сочли, лаблари юпқа киши, — мен бир оз ўйлаб давом этдим. — Унинг ўңг күlinинг жимжилоги қийшик. Ўлашимча, бир вақтлар бармоги сингану қийшик ўсан.

— Бу Жефферсон, — гапга аралашди Хәмиш. У боядан бери сұхбаттаға қүшилмай турувди. — Унинг қийшик жимжилогини мен яхши эслайман. Шубҳасиз, бу Жефферсон.

Маккарти бурқситиб тамаки чекди.

— Үнда биз кимни дағн әтдик? — ишончсиз тұнғиллади Маккарти. — Америкага кимнинг жасадини жүнатдик?

— Фрэнк Беллинг жасадини бўлса керак, — дедим мен. — Жефферсон ўзини Беллинг қилиб кўрсатиб, мени аҳмоқ қилишга уринганининг сабаби бўлса керак.

— Бу унга нима учун керак бўлиб қолди?

— Билмасам, — бошимдаги фуррани пайпаслаб кўрдим-да, афтиимни буриштирдим. — Агар сизда бош инспектор, менга бошқа савол бўлмаса, бориб ухлайман. Бошим зирқирайпти.

— Кўриниб турибди, — деди у. — Вонгнинг кўриниши қанақа?

— Оддий хитой. Пакана, семиз, тилла тишли.

— Тўғри, — деди Маккарти эснай туриб. — Бизлар учун уларнинг ҳаммаси бир хил. Улар учун биз ҳам шунақа. — У Хәмишга ўгирилди. — Қанча одам керак бўлса олгин-да, хитой даҳасини тинтиб чиқ. Яхшилаб қара, эҳтимол Жефферсонни топарсан. Яхшилаб кўринглар.

Кейин менга ўгирилди:

— О' кэй, Рейн. Бориб ухла. Бүёгини ўзимиз ҳал қиласиз.

Мен “жуда хурсанд бўлардим” дедим-да, Хәмиш билан бирга хонадан чиқдим.

— Жефферсонни хитой даҳасидан қидириш кўринмас одам кетидан қувиш деган гап, — минғирлади Хәмиш. Ҳеч ким ҳеч нарса билмайди. Ҳамма бирбирини яширади, Жефферсон ёнгинангда бўлиши мумкин. Лекин сен уни билмайсан.

— Ноумид шайтон, — дея унга далда бердим, — сен ёшсан, устунлигинг ҳам ана шунда.

У оҳ-зор қилишда давом этди. Мен “Паккард”га ўтиридим-да, “Репала-Бэй” меҳмонхонасига жўнадим. Ўлгудай чарчаган эдим.

Лифтда бешинчи қаватта чиқиб олдим. Менинг хонам айни шу қаватда эди. Навбатчи хитой табассум қилиб, икки букилди-да, кўлимга калитни тутқазди. Унга миннатдорчилик билдириб, хонамга йўл олдим. Эшикни очиб меҳмонхонага кирдим. Бу отелдаги кўпчилик хоналар меҳмонхонага эга эди. Хонанинг ётоқхона қисми парда билан тўсиб кўйилган эди. Чироқни ёқиб пиджакни ечдим. Кондиционер ишлаб тургани учун хона салқингина эди.

Бирдан-бир истагим муздек сувда чўмилиб, мириқиб ухлаш эди. Афсуски, ниятим амалга ошмади. Пардани тортиб ётоқхонага кирсам, каравот ёнидаги чироқ ёниб турибди. Менинг ўрнимда эса аёл киши чўзилиб ётибди. Мен Стелла Энрайтни танидим. Устида тунги базмлар учун кийиладиган зарли қора кўйлак. Туфлилари ерда ётибди.

Бу манзарадан гангид қолдим. Аввалига уни ўлган деб ўйладим. Кейин қарасам кўкраги кўтарилиб тушяпти. У нафас олаётганди. Ҳайронман, Стелла бу ерда нима қиласяпти? Менинг хонамга қандай кириб олган экан? Навбатчининг тиржайганини эсладим, демак, Стелла уни пул билан кўндириган.

Стелла аста кўзини очди. Мени кўриб, бошини кўтарди. Каравотдан оёқларини осилтириб ўтириди.

— Кечирасиз, — жилмайди Стелла. — Ухлайман деб ўйламагандим. Сизни кутавериб, толиқибман шекилли, кўзим илинибди.

— Кўп кутдингизми? — сўрадим мен нимадир айтиш керак бўлгани учун. Креслога ўтиридим. У туфлисини кийди, сочини силади, ўрнидан туриб меҳмонхонага чиқди.

— Соат ўндан бери кутаяпман. Сиздан ташвишландим. Менинг бу ерга келишимга қаршимасмисиз? — Кейин менинг бирор сўз айтишимга имкон бермас-

лик учун шоша-пиша қўшиб қўйди: — Нима бўлди? Паромга кечикишимга сал қолди. Мени нега кутиб турмадингиз?

— Мени ушлаб қолишиди, — қўлида пичоги бор нимжон хитой ҳам мильтикли пакана хитой кўз олдимга келди. — Энди мен сиздан баъзи нарсаларни сўрамоқчиман. Мени Сильвер Майн-Бэйга таклиф қилиш ўзингиздан чиқсан фоями?

— Фоя? — у қаршидаги креслонинг қиррасига ўтириди. — Бу билан нима демоқчисиз?

— Нега бунақа чўчиб кетдингиз? Менга шаршарани томоша қилишни айтганда... Бу ўзингизнинг фоянгизими, ёки сизга кимдир маслаҳат берганмиди?

Стелла қовоғини уйди, менга дикқат билан тикилди.

— Буни нега сўраётганингизни билмайман. Сизни таклиф қилишни акам айтганди. У ёлғиз, сен билан бирга бўлса хурсанд бўлади, деди.

— У чиндан ҳам сизнинг акангизми?

Стелла хўрсинди, менинг кўзимга қаради ва нигоҳини дарҳол олиб қочди, индамади. Мен саволимни қайтардим.

— Фалати нарсаларни сўрайсиз-а, — деди Стелла, кўзимга қарамасликка уриниб.

— Сизлар бутунлай бошқа-бошқа одамларсиз. Менинг ўйлашимча, сиз синвари қиз ўз акасининг ёнида яшашни асло хоҳламаса керак.

Стелла узоқ жим қолди, нимадир дейишга ботинолмай елкаларини қисди.

— Йўқ, у акам эмас. Бир-биримизни таниганимизга икки ойгина бўлди. Уни учратиб қолганимдан жуда афсусланаман.

Ухлаш ҳақидаги фикрим бутунлай хаёлимдан кўтарилиди. Сигарет қутимини очдим, чекдик. Стелла кресло қиррасидан сирғалиб тушди-да, жойлашиб ўтириб олди, орқасига ястаниб, кўзини юмди, сигаретни чўзиб-чўзиб тортиди.

— У билан қаерда учрашгансиз?

— Сингапурда. У ерда мен тунги клубда стриптизда¹ қатнашардим. Нью-Йоркдан эндиғина келгандим... Ҳавойи бир қиз эдим. Клуб синди, пул ололмадим, аҳвол жуда оғирлашди. Шунда Гарри учраб қолди. У бир неча бор томошаларимда қатнашганди. Мен билан бўлгин, деб айтди. Унинг пули кўп, маълум даражада ёқимтой эди... Бир сўз билан айтганда, мен у билан бирга Мак-Ричи сув омбори ёнидаги хилваттоҳда бирга яшай бошладик. Ҳаётимиз ёмон эмасди. Яхши десам ҳам бўлади. Одамлар гийбат қилгунча яхши эди. Гап-сўз, миш-мишлар эса яхшиликка олиб бормайди. — Стелла кўзини очиб, сигаретининг кулга айланётган учига қаради. — Мен уйимга кетишга аҳд қилдим. Лекин Гарри менга пул бермади. Кейин бирданига бүёққа кўчиб ўтди. Менга соҳта паспорт топиб берди. Биз худди ака-сингилдек бу ерга жойлашдик. — Стелла менинг кўзларимга термулди. — Бирам уйга кетгим келяптики... Бир оз пул қарз беролмайсизми? Икки ойдан кейин қайтариб бераман.

— Сиз учун соҳта паспортни қандай топиб бердийкин?

Стелла бошини сарак-сарак қилди.

— Билмайман... Қизиқиб ҳам кўрмаганман. Қарз бериб турасизми?

— Ҳеч қачон қарзга пул бермайди.

— Бунинг аҳамияти йўқ, биз бирга кетишимиз мумкин, — у зўрма-зўраки жилмайди. Миямга у нимадандир кўрқаяпти деган фикр келди. Кўзларида ташвиш бор эди. — Биласизми... йўл харажатлари...

— Ичгим келяпти. Сиз-чи?

Стелла қаддини ростлади, кўзлари катта очилди.

— Бу ёққа ҳеч кимни киритманг, — товуши жаранглаб чиқди унинг. — Мени бу ерда кўришларини хоҳламайман.

— Навбатчи билади. Ахир сизни ўша киритган, шундай эмасми?

— Йўқ. Мен сиз яшаётган хона рақамини билиб, жавондан калитни ўзим олдим. У ерда калит иккита экан. Менинг бу ерга келганимни у билмайди.

— Нимадандир кўрқаяпсиз-а?

¹ Стриптиз — яланғоч рақс тури.

— Күркәётганим йўқ. Фақат бу ердан тезроқ кеттим келяпти. Уйга боргим келипти.

— Намунча шошмасангиз?

— Нимага мунча сўрайверасиз? Пул қарз бериб турасизми? Агар истасангиз ҳозир сиз билан ётаман, сиз менга пул берсангиз бас.

— Мен сизга пул бераман, Гарри Энрайт ҳақида билганингизни айтиб берсангиз бўлди.

Стелла безовталанди:

— У ҳақда кўп нарса билмайман, — деди ҳовлиқиб. — Бор-йўғи майшатпаст бир одам.

Ўта ҳоргинлик хотиржам бўлишга имкон бермади.

— Майли бўлмаса, агар билганингиз бор-йўғи шу бўлса, демак, пулим ёнимда қолаверади. — Мен ўрнимдан туриб, телефон гўшагини кўтардим. — Ҳозир ичишга бирор нарса буюраман, кейин тўйиб ухламоқчиман... Бир ўзим. Сиз эса, официант келмасидан кетганингиз маъқул.

— Йўқ... Тўхтанг.

Мен хизмат бюросига қўнгироқ қилиб муз билан бир шиша виски келтиришларини буюрдим. Гўшакни қўйган чоғим Стелла ўрнидан турди.

— Энрайт тўғрисида гапириб берсам, ростдан ҳам пул берасизми?

— Бераман.

— Ўлашимча, у гиёҳвандлик моддалари контрабандаси билан шуғулланади, — деди Стелла.

— Нега шундай деб ўйлайсиз?

— Кечаси унинг ҳузурига ҳар хил одамлар келади. Биз Сингапурда яшаганимизда у тез-тез док¹ларга борар, денгизчилар билан учрашиб турарди. Бир сафар полиция уйимизга бостириб кириб, тинтуб ўтказди. Ҳеч нарса топиша олмади.. Бу ерда ҳам уйимизга кечаси одамлар тез-тез келиб турисади. Кўпинча хитойлар келишади. Гарри уларни саҳарлаб ўз катерида элтиб қўяди.

— Сизлар кўчиб келганда, Жефферсон кошонада яшармиди?

— Ҳа. Гарри буни сизга айтмаслигимни буюрди. Жефферсон ҳалок бўлгач, Сингапурдан унинг ўрнига Гаррини юборишиди. Бу кошона жуда қулай ерга жойлашган. Гиёҳвандлик молларини кемага бемалол ортиб, тушириш мумкин.

Эшикни астагина чертишди.

— Бу официант. Ювиниши хонасига киринг-да, жим туринг.

Стелла кириб кетиши билан официант келди деб эшикни очдим.

Эшик ортида тиржайганча Гарри Энрайт турарди. Унинг қўлида 38-калибрли тўппонча. Менга тўғрилаб турарди.

— Бехуда уринманг, ошна. Хонага киринг.

Мен орқага тисарилдим.

— Хомхаёл бўлманг. — Энрайт эшикни ёпиб, уни орқаси билан босиб турди. — Мен официантга фикрингиздан қайтганингизни айтдим... У қайтиб кетди.

— О' кэй, демак ўтираса бўладими? Бунчалар ҳаяжон бир кун учун кўплик қиласди.

Мен ўтириб, қўлларимни тиззамга қўйдим. Диққат билан уни кузата бошлидим. Афти ҳамон тиржайиб турарди. Ҳиссиз, бешафқат кўзлари огоҳлантираради: ниҳоятда эҳтиёт бўлиш кераклигини унугта. Қўлидаги тўппонча нақ қаншаримни пойлаб турарди.

— Сиз жуда эпчил экансиз, — деди Энрайт. — Қанчалик эпчил эканлигинизни ўзингиз ҳам билмайсиз, жин урсин. Мен сўнгига уч ҳафта давомида бехуда уринган нарсани сиз осонгина амалга оширдингиз-қўйдингиз.

— Нима қилдим?

— Жефферсонни топдингиз. Мен бу итваччани кўпдан бери қидираман. Қидиравериб жинни бўлай дедим. Буни қаранг-а, сизни ўлдиришимга озгина колди! Демак, сиз ўлмасдан кутулиб кетибсиз, яна уни қидириб топибсиз.

Во ажаб!

¹ Док — кемаларни тузатиш корхонаси.

— Тушунмай қолдим. Менга тўппонча ўқталиб туриш шартми? Бугун ўзи кун жуда оғир бўлди, сизнинг тўппончангиздан эса кайфият сира кўтарилмайди.

Гарри тўппонча ўқталганча хонага ўтди. Ҳозиргина Стелла ўтирган креслога ўтириди.

— Ташибишиланманг. Тўполон қилмасангиз, пешонангиздан дарча очиб ўтирамайман.

— Исковучларга нима дедингиз?

— Уларга бир нарса деган деб ким айтди сизга?

— Бизнинг кошонамиз билан қизиққанингиздан бошлаб кетингиздан ўз одамимизни қўйганмиз. Мен сизни сув велосипедида кўриб қолдим. Ўшандан эътиборан биз сиздан кўз узганимиз йўқ.

— Биз деганингиз ким? Қорадори ташиш билан шуғулланувчи ташкилотни назарда тутяпсизми?

— Худди ўшани, ошна. У билан ўйнашиб бўлмайди. Э-э, сиз буни тушунмайсиз. Биласизми, анави иккови сизни ўлдириб қўйганда нима бўларди. Ўйласам, этим жунжикаб кетади. Бу менинг хатоим. Сизни деб овора бўлишнинг ҳеч ҳожати йўқ экан. Сиз Жефферсонни таъқиб қилаётганингизни ҳеч хаёлимга келтирмабман.

— Мен таъқиб қилганим йўқ... Уни ўлган деб ўйлагандим.

— Биз ҳам шундай ўйлардик. У бизни боллаб аҳмоқ қилиб кетган экан-да. Биз Беллингни “овлаб” юргандик. Сиз пайдо бўлдингиз-у, бизни тўғри Жефферсонга олиб чиқдингиз.

— Демак, сизлар уни топибсизлар-да! Хитоб қилдим мен, юваниш хонасидаги Стеллани ўйлар эканман.

— Ҳа, биз уни топдик, — деди Гарри тишларини ғижирлатиб, — Вонгни ҳам топдик.

— Вонг ким ўзи?

— Гуруҳимиз аъзоси. Лекин у Жефферсон билан боғланиб, қаттиқ адашди. Ҳозир уларга яхшилаб ишлов беришапти, кейин улардан бирор нарса қолгудай бўлса, дengизга чўқтирилади.

— Уларнинг гуноҳлари не?

— Биз қотилларни ҳамиша бир ёқли қиламиз. Бўлмаса иш чатоқ. Сиз исковучларга нима дедингиз?

— Улар билганидан бошқа ҳеч нарса деганим йўқ, — дедим бамайлихотир.

У узоқ вақт менга тик қараб турди-да, ўрнидан қалқди.

— Сиз ҳозир мен билан бир оз айланасиз, кейин машинада сайр қилиб келамиз. Пастда менинг тўртта одамим кутиб турибди. Сал-пал нотўғри ҳаракат қилсангиз, тамом, ўзингиздан кўринг. Бу сўнгги қадамингиз бўлади. Йигитларимнинг пичоқлари жуда ўткир. Уларга қирқ қадамча масофадан одам ўлдириш ҳеч гап эмас. Билиб қўйинг. Қани, кетдикми?

— Биз айланиб, машинада сайр қилганимиздан кейин нима бўлади?

— Кўрасиз. Ўрингиздан туринг, ошна. Эсингизда бўлсин: мен сизни огохлантиридим-а.

Мен турдим, у тисарилиб эшиккача борди. Эшикни очиб ташқари чиқди.

— Навбатчидан умид қилманг. У менинг одамим. Аҳмоқлик қилиб ўтираманг, — деди Энрайт. Биз зинадан тушамиз. Пастда йигитларимдан бири кутиб турибди. Агар жонингиз керак бўлса, ҳеч нарса билмагандай бораверинг.

Биз даҳлизга чиқдик. Энрайт тўппонча ушлаб турган қўлини чўнтағига тиқди. Навбатчи орқамиздан истехзоли тиржайди. Энрайт мени зинага қараб итарди.

— Биринчи бўлиб тушинг, — буюрди у.

Мен маъюс ҳолда пастки қаватга тушдим. Катта пешайвон бўм-бўш эди. Мижозлар учун мўлжалланган креслоларда икки эркак ўтиради. Улардан бири сержант Ҳәмиш экан. Иккинчисини аввал кўрмаган эдим. Уларга яхши қараб улгурмаган ҳам эдимки, орқамдан ўқ овози гумбурлади. Мен йиқилдим, юрагим гупиллаб ура бошлади. Устимдан иккинчи ўқ пақиллаб ўтди.

Бир оздан кейин кимдир биқинимга туртди.

— Энди турса бўлади, — деди Хэмиш.

Мен ағдарилдим, унга қарадим-да, аста ўрнимдан турдим. Энрайт чалқанча ётарди. Юзидағи жароҳатидан қон сизарди. Пиджаги қонга белангтан. Шубҳа йўқ: у ўлган эди.

— Уни сен ўлдиридингми?

— Шундай қилмасам у сени ўлдирарди, кейин мени отиб ташларди, — деди Хэмиш.

— Бу ерда бошқалари ҳам бор, — дедим мен, — биттаси бешинчи қаватдаги наставатчи.

Полициячи лифтга қараб юаркан, Хэмиш таъкидлади:

— Қолганларини қўлган олганмиз. Қандайдир бир аёл бизга қўнфироқ қилди.

Мен ҳайрон бўлиб унга қарадим.

— Аёл дейсизми?

— Ҳа-да, агар ўша аёл огоҳлантирганда биз бу ерга қандай келардик? — деди қони қайнаб Хэмиш. — Қандайдир бир аёл сим қоқди. Ким ўша аёл?

— Билмайман. Эҳтимол, хушторларимдан биттасидир.

Пешайвонда хитой полициячилари гимиirlab қолишиди. Хэмиш уларга ниманидир буюрди-да, менга ўтирилди.

— Кетдик, — деди у. — Бош инспектор билан гаплашиб олиш керак.

Полициячилар Энрайтнинг жасадини олиб кетишиди. Хэмиш билан мен бизни кутиб турган машинага чиқдик.

4

Полиция маҳкамасида уч соатдан кўпроқ қолиб кетдим. Яхшиям сўри бор экан, бир оз мизғиб олдим. Эрталаб соат тўртга яқин Хэмиш мени силтаб ўйғотди:

— Тур ўрнингдан.

Мен инグラб, ўрнимдан турдим. Бошим ҳамон зирқираб оғрирди.

— Яна нима бўлди?

— Сени бош инспектор чақирияпти. Нима, бу ерга ухлашга келганимисан?...

Маккарти тамаки бурқистарди, олдида бир финжон чой. Полициячи менга ҳам чой олиб кирди. Мен ўтиридим. Хэмиш эснаганича деворга суянди.

— Денгиз полицияси Энрайт катерида қочишга уринган бир одамни қўлга тушириди, — деди Маккарти. — Ўша билан анча овора бўлдик. Барибир қўлга тушиди.

— Америкаликми?

— Хитой, Кантонлик. Сиз Жефферсон иши билан шуғулланяпсиз, шунинг учун бизга қўшилсангиз яхши бўларди.

— Ташаккур. Жефферсонни ҳали топишадими?

— Ярим соат бўлди кўрфаздан топишганига. — Маккарти пешонасини тириштириди. — Ўзиям ўтган сафар ўлмаганига минг пушаймон еган бўлса керак. Таниб бўлмайдиган ҳолга келтиришибди. Энди биз учун ҳаммаси ойдинлашиди. Демак, Жефферсон бу ёққа келганидан кейин Жо-Эннинг нопок йўллар билан топган пули ҳисобига кун кўрган. Ҳайронман, унга нега ўйланган экан? Эҳтимол, ошиқча гап-сўзлар бўлмаслиги учун шундай қилгандир. Ҳарҳолда Фрэнк Беллинг билан учрашганидан сўнг Жо-Энга ўйланган. Мъалумки, Фрэнк Беллинг гиёҳвандлик моддалари контрабандасининг асосий ташкилотчиларидан бири бўлган эди. Беллинг Репала-Бэйдаги кошонани ижарага олганди. Билмадим, Лин Фэн хаёлига ўз кошонасидан фойдаланиш қаёқдан келган экан. Мавриди келса буни билиб оларман. Кошона гиёҳвандлик моддаларининг катта туркумини тушириш учун жуда ўнгай. Кемалар тўхташига мослаб жиҳозланган, қайиғи ҳам бор. Беллинг контрабандани авж олдириб юборди. Бизга уни ҳисбса га олиш тўғрисида фармойиш келди. Лекин уни кимдир огоҳлантирган экан, Кантонга қочиб ўтишга қарор қилди. Кошонада унинг ўринбосари қолиши керак эди. Беллинг Жефферсонни у ерга боришга кўндириди. Ҳарҳолда Жефф

ферсон бунга жон-жон деб рози бўлди. Бундай муҳташам кошона унинг жондили эди. У Жо-Энни ташлаб кошонага кўчиб ўтди. Беллинг Кантонга жўнади. У ерда героиннинг каттагина туркумини жўнатишни ташкил қилди. Кечаси Беллинг кошонада пайдо бўлди ва Жефферсонга ортилажак юк ҳақида гапириб берди. Икки минг унция¹ героин — жуда катта бойлик эди. Жефферсон уни ўмариш пайига тушди, бироқ уни пуллаш йўлини билмай гаранг эди. Бунинг устига контрабандачилардан кўрқарди. Буни қарангки, тақдирнинг ўзи унга кулиб боқди. Героин олиб келиниб кошонага яширилди. Беллинг Жефферсон билан Кантоннинг шаҳар четидаги даҳаларидан Деки-Пассга қараб машинада йўлга чиқишиди. Йўлда фалокат юз берди ва Беллинг ҳалок бўлди. Жефферсон бундай имкониятни бой бермади. У Беллинг бармогига ўз узугини тақиб, унинг чўнтағига ўзининг сигарет кутисини солиб қўяди-да, машинани ёқиб юборади. Фалокат кимсасиз жойда, эргалаб соат тўртда юз бергани учун уни ҳеч ким кўрмайди. Жефферсон кошонага ўғирланган велосипедда қайтиб келади. Героинни “Самовий салтанат” меҳмонхонасига олиб ўтади. Мен, албатта, буларни ўз тахминимча айтаяпман. Лекин ишончим комилки, Жефферсон ўз хотинини Беллинг жасади ҳақида соҳта гувоҳлик беришга мажбур қилган. Кейин ўзи Каулуннинг хитойлар яшайдиган даҳасида яширинганди.

— Бу унга нима учун керак бўлиб қолдийкин?

— У шошмашошарлик билан иш кўрган. Имкон бўлиши билан иш бошлаб юборган-у, ўзи вазиятнинг қурбони бўлган. Контрабандачилар ҳам қараб туришмаган. Автомобиль ҳалокатидан кейин улар кошонага ўз одамини юбо-ришган. Натижада героиннинг изсиз йўқолгани маълум бўлиб қолган. Табиий, улар героинни Беллинг ўғирлаган деб ҳисоблашиб уни қидира бошлашади. Жефферсонга бу жуда қўл келди. Контрабандачилар Беллингни қидиришаётган пайтда у ташвиш тортмасди. Лекин Гонконгдан чиқиб кетиши керак эди. Бироқ бунинг иложи йўқ эди. Уни ўлган деб ҳисоблашарди. Шунинг учун ҳам соҳта паспорт олишининг йўлини қилолмади. Шундай қилиб панд еди.

— Героин нима бўлди?

Маккарти қошларини чимириди.

— Буни ҳеч қаҷон биломайсиз, деб ўйлайман. Жефферсоннинг жасади дабдала қилиб ташланибди. Контрабандачилар героин қаердалигини сўраб роса қийнашган кўринади. Баданида соғ жойи йўқ.

— Ҳайронман, нима учун Жо-Эн Беллинг жасадини Жефферсоннинг отасига олиб бордийкин?

— Унга Гонконгдан чиқиб кетиши зарур эди. Пули йўқ эди. Ўғлининг жасади учун эса чол яхшигина тўлаши мумкин эди.

— Гапингизда жон бор. Вонг-чи?

— Вонг контрабандчилар тўдасидан. Лекин Жефферсон билан боғланиб қаттиқ янгилиши.

— Мени аэропортда ўша кутиб олганди. Менинг келишимни қаердан билган экан? Кимdir хабар қилган бўлса керак. Лекин ким? Мен унинг хизматидан фойдаланганимда бутунлай тескари томонга олиб борди. Афтидан, менинг Жефферсон билан учрашувимга халақит бериш ҳақида кўрсатма олган кўринали. У бунга қарийб муваффақ бўлди ҳам. Агар Лейла бўлмаганида Энрайт ҳақида ҳеч нарса билмас эдик.

— Жефферсон жасадини Америкага жўнатилишини хоҳлаганмиди?

— Ҳа. Мен Америка ваколатхонасидаги Вилкокс билан гаплашдим, барча хужжатларни кўздан кечирдим. Вонгнинг жасади топилмадими?

— Қидирияпмиз. Биз қўлга туширган хитойнинг гапига қараганда иккала жасад ҳам сувга бир жойда ташланган.

— Уни жуда тез “тилга” киргизбисизлар-да!

— Ҳа, бу бизнинг қўлимииздан келади... — Бу мавзу уни зериктирди шекилли, айёрик билан сўради. — Дарвоқе, Сильвер-Майн-Бэйда отиб ўлдирилган хитой ҳақида ҳеч нарса билмайсизми? Уни Ли-Эн菲尔д мильтигидан отиб ўлдиришган. Ўқ бошига теккан экан.

¹ Унция — 29, 86 граммга баробар ўлчов бирлиги.

— Шунақами? Ҳарбий хизматни тугатганимдан бери Ли-Энфильдга ишим тушмаган.

— Уни сиз отгансиз, деган фикрдан йироқман. Лекин ўша куни сиз шу томонларга боргандингиз-ку?

— Инкор этмайман. Бордим. Шаршарани томоша қилдим.

— Жасадни худди ўша жойдан топишган.

— Шунақасиям бўларканми?

— Сиз ўқ товуши эшитмадингизми?

— Ҳеч қанақа.

Маккарти менга диққат билан қаради-да, елка қисди.

— Шубҳа қилмайман. Агар сиз бирор нарса эшитганингизда бизга хабар берган бўлардингиз.

— Сиз ҳақсиз.

Орага узоқ жимлик чўқди.

— Энрайтнинг синглиси бор, — деди ниҳоят Маккарти. — Хушрўй аёл. Сиз унинг ҳозир қаердалигини биласизми?

— Кошонада, юмшоқ кўрпода ётган бўлса керак деб ўйлайман. Мен ҳам ўша кўрпода жон-жон деб ётган бўлардим.

— У кошонада ўйқ. Биз текшириб кўрдик. Сиз уни сўнгги бор қачон кўрувдингиз?

— Сильвер-Майн-Бэйга кетаётib паромда кўргандим. Ўзининг собиқ кекса оқсочига озиқ-овқат олиб бораётган экан. Биз бирга кетувдик.

— Ўшандан бери уни кўрганингиз йўқми?

— Аниқ бир нарса дея олмайман.

— Ўйлашимча, Энрайт сизнинг хонангизда экани ҳақида хабар берган ўша аёл бўлади.

— У шундай қилиши мумкин. Жуда софдил аёл.

Маккарти кутилмаганда жилмайди.

— Гапни чалғитмасангиз-чи, Рейн. Бизга ҳаммаси аён. Унинг исми Стелла Мэй Тиан. Ўзи раққоса, Сингапурдаги клубда ишлаган. Энрайт билан ўша ерда танишган. Бу ерга сохта паспорт билан келган.

— Хўш? — сўрадим ундан кўзимни узмай.

— У бизга қўнғироқ қилганида аниқладик; меҳмонхонадан сим қоқди. Бизга унинг сиз турган хонанинг ювениш бўлмасидан сим қоққанини хабар қилишибди. Соат ўнларда сизнинг хонангизга кўтарилганини кўришган. Ўйлашимча, ҳозир ҳам ўша ерда.

— Эҳтимол... Ҳар ҳолда шунга умид қиласман, — дедим мен. — У менинг ҳаётимни сақлаб қолди. Нима, уни сизларга топшираман, деб ўйладингларми?

— Полицияни алдаш ақлдан эмас, — деди Маккарти тиш ковларкан. — Лекин у сизнинг ҳаётингизни сақлаб қолди, бизга эса контрабандачилар тўдасини тутатиш имконини берди. Шунинг учун уни безовта қиласак ҳам бўлади. Унга айтинг, эртага кечкурун бу ердан кетсин ва бошқа кўринмасин. Биз унинг йўлини тўсмаймиз. Унинг бу ердан кетиши учун йигирма тўрт соат вақт бор. Агар бу ерда ушланиб қоладиган бўлса, уни таъқиб қилишимизга тўғри келади.

— Ташаккур. Буни унга айтаман. Ўзим ҳам кетмоқчиман. Бу ерда қиласиган ишим қолмади. Аммо Жефферсоннинг хотинини ким ўлдирганини ҳали аниқлаганимча ўйқ. Ким бўлишидан қатъи назар, қотил ҳозир Пасаденада. Бу ерда олган маълумотим қотилни топишга ёрдам беради. О‘ кэй, кетишга рухсатми?

— Марҳамат, — жавоб берди Маккарти.

— Тезроқ меҳмонхонага бориб, ухлагим келяпти!

— Ўша ойимтилла хонангизда экан, ухлашингизга сира ишонгим келмайди, — истеҳзоли тиржайди Маккарти.

— Э-э, хаёлингизда шуми ҳали, — дедим ўрнимдан тураётиб. — Меҳмонхонагача машина олиб боришини келиша олмаймизми?

Маккарти Ҳәмишга ўғирилди.

— Уни олиб бориб кўй. Кўрмаяпсанми, шошиб турибди, — деди-да, яна қофозга кўмилиб ишга киришди.

Меҳмонхонага қайтганимда офтоб кўтарила бошлаганди. Бешинчи қаватга кўтарилиб, навбатчи хитой (уни аввал кўрмаган эдим)дан хонамнинг калитини олдим-да, эшикни очдим.

Чироқ ўчирилмаганди. Стелла креслода мудраб ётарди. Киришим билан уйғонди. Ташвишланаб менга қаради.

— Ташвишланманг,— дедим эшикни ёпиб.— Энди кўрқмасангиз ҳам бўлади.

— Нима бўлди? Ўқ овозларини эшийтдим. Сизни ўлдиришдими, деб ўйладим. Креслога чўқдим.

— Жуда олижаноб иш қилдингиз-да. Раҳмат, сизга.

— Нимадир қилиш керак эди-да. Телефон қилаётганимни эшитиб қолади, деб бираам кўрқдимки...

— Шундай қилиб, орзўйингиз рўёбга чиқаяпти. Шу кеча-кундузда уйингизга кетишингиз мумкин. Харажатни ўзим тўлайман. Полиция сизни таъқиб этмайди. Яхиси, ҳақиқий паспортингиздан фойдаланинг. Сиз уни ҳали йўқотганингиз йўқми?

Стелла енгил тин олди.

— Йўқотганим йўқ. Гарри қани?

— Омади келмади. Полиция моҳирона отди. Шундай бўлгани балки яхшидир. Қамоқхонада жуда қўйналарди.

Стелла сесканди.

— Уни ўлдиришдими?

— Ҳа, ўлдиришди. Ўйкум келяпти. Бориб ювинай. Кўрпага ётаверинг, мен креслога жойлашаман.

Юваниб меҳмонхонага чиқдим. Стелла мени кутиб турарди. Устини ечдида, кўрпага чўзилди. Мен унга, у менга қаради. Кўзларимиз тўқнашди. Стелла қўлини узатди... Бир оздан кейин мен унинг иссиқ оғушида мириқиб уйкуга кетдим.

ТЎРТИНЧИ БОБ

I

Буларнинг ҳаммаси менга таниш эди: тер ва дезинфекциянинг зах ҳиди, ташвишли ҳаяжон, яшил бўёқ билан бўялган даҳлиз, оғир этиклар дупури, менга эътибор ҳам қилмай, наридан-бери ўтиб турган тунд юзли полициячилар.

Лейтенант Ретник эшиги ёнида тўхтадим, аста тақиллатдим. Эшик ортида нимадир деб тўнғиллашди. Дастани бурадим, эшикни очиб ичкари кирдим.

Ретник стол ёнида ўтирас, сержант Пальский деворга суюнганча тикка турар, гугурт чўпи билан тишини кавлаётган эди. Иккаласи ҳам менга бақрайиб қараб қолишидди. Ретник қўлини пақиллатиб столга урди.

— Ана холос, қаёқдан келиб қолдинг? — деди Ретник бор овоз билан. — Мана буни кутилмаган совға деса бўлади. Агар келишингни билганимда шаҳар оркестрини таклиф қиласадим. Ўтир-чи... Хитой фоҳишаларидан татиб кўрдингми?

— Йўқ, — дедим ўтираётуб. — Бунинг учун вақт ҳам бўлмади. Ишлар қандай, қотиллик аниқландими?

Ретник портсигарини чиқарди, ундан бир сигарани олди-да, учини тиши билан узиб ташлаб, лабига қистирди.

— Ҳали аниқлаганимизча йўқ... Ўзинг-чи, бирор нарсанинг ҳидини билиб келдингми?

— Баъзи нарсалар аниқланди. Сизларда ҳеч нарса йўқми? Ретник чекди, қовоғини уйди.

— Хардикни топишга уриняпмиз. Ўзингда нима бор?

— Жо-Эн олиб келган тобутда мурда бор эди. Лекин у Жефферсоннинг жасади эмас экан.

Ретник ҳайкалдек қотди. У сигара тутунидан йўталди, сўкинди, сигарани столга қўйди-да, кир дастрўмолига бурнини қоқди.

— Менга қара, ифлос, агар шу сўзларинг тасдиқланмаса, балога қоласан, билдингми...

— Герман Жефферсон икки кун бурун ўлдирилди. Унинг жасадини Гонконг яқинида денгизга ташлашибди. Британия полицияси майитни топибди. Жасадни ҳафтанинг охирида самолёт билан юборишади.

— Ўзинг асра, ё Тангри! Тобутдаги ким эди бўлмаса?

— Фрэнк Беллинг деган кимса. Гиёхвандлик моддалари контрабандаси билан алоқадор инглиз.

— Қария Жефферсон билан ҳали гаплашганинг йўқми?

— Йўқ ҳали. Биринчи бўлиб бу ёқقا келдим, кейин у ёқقا бораман.

Ретник Пальскийга қаради. Пальский унга ланж нигоҳ ташлади. Шу боис Ретник нигоҳини яна менга қадади.

— Майли, гапир бўлмаса, — деди у. — Эй, тўхта, ёзиб олиш керак. — У телефон гўшагини кўтариб стенографист юборишларини тайинлади. У келгунча асабийлашиб, сигарани чайнаб ўтириди.

Нихоят ёш полициячи кирди. Ён дафтарини очиб, Ретникка, кейин менга қаради.

— Қани, бошла, лаънати, — деди бўғилиб Ретник. — Бир четдан, ҳеч нарсанни яшимай. Ҳар бир сўзингни текшириб кўраман. Ёлғон гапирсанг, ўзингдан кўр.

— Овозингни учир, Ретник, — дедим жаҳлим чиқиб. — Жефферсон сенинг ёрдамингни кутяпти. Менинг битта гапим сенга катта фойда бериши мумкин.

Кутилмаганда Пальский қапишиб турган девордан ажралди. Ёш полициячи кўрқиб қаради. Лекин Пальский менга мушт туширишга ултурмади. Ретник унинг йўлини тўсигб, нари итариб юборди.

— Ўлкангни бос, — бақирди у Пальскийга. Кейин менга юзланди: — Тинчлан, гўрсўхта. О' кэй, гапимни қайтиб олдим. Мунча нозик бўлмасанг. Кела-кол, қани. Бир четдан бошла-чи...

Мен унга узоқ тикилдим. У кўзини мендан олиб қочди. Бир оз ўзимга келдим. Чекдим ва гапира кетдим. Гонконгда мен билан юз берган барча воқеаларни бир четдан айтдим. Фақат Стелла ҳақида, иккаламиз Нью-Йоркка бирга келганимиз тўғрисида гапириб ўтирмадим. Ўша ерда биз ахралишдик. Менинг ундан ажралгим келмас, у бўлса мен билан хайрлашгиси йўқдай кўринарди. Аммо унинг ўз ташвишлари бор эди ва бизнинг дўстлигимиз ана шу ташвишлар доирасига сифмасди. У менга яхшилик қилди, мен ҳам яхшилик билан жавоб қайтардим. Стеллага икки юз доллар бердим, бу унинг янги ҳёт бошлиши учун жуда зарур эди. Бу пуллар ўзимники эди. Унга Жефферсон пулидан берганим йўқ. Стелла менга маъюс ҳолда жилмайиб боқди ва биз хайрлашдик. Балки, энди сира кўришмасмиз.

Мен гапириб берарканман, Ретник иккита сигарани чекиб бўлди. Мен сўзими тутаттагач, у ёш полициячига менинг кўрсатмаларимни кўчиришни буюрди. Йигит чиқиб кетгач, Пальскийга айланниб келишни айтди.

Кейин мендан:

— Бу сариқ ҳонимни нега отишганини барибир билмаймиз-а, — деб сўради.

— Билмаймиз.

— Бу итвачча Жефферсонга унинг ўғли гиёхванд эканини айтганингда, сенинг ўрнингда бўлишни истамасдим.

— На чора.

— Биз тобутни очиб кўришимиз керак, — Ретник учинчи сигарани чека бошлиди. — Қарияга бу нарса ёқмаса керак.

— Нега энди? Тобутдаги унинг ўғли эмас-ку.

— Тўғри, — Ретник ўйга толди. — Яхшиси, бу ишни тез ва шовқин-суронсиз қилиш лозим. Чолдан рухсат олинса яхши бўларди. Ахир оиласидан даҳмани очишга тўғри келади.

— Рухсат оламан.

— Газеталар бунаقا нарсани пайида бўлишади, — Ретникнинг юзи хира тортиди. — Шов-шув кўтаришади.

— Рост.

У ўйга толди, портсигарни чиқарди, менга узатди.

— Менга сигара мумкинмас. Ўпкамда саратон касали бошланиш хавфи бор.

— Ха-я... Эсдан чиқибди, — Ретник портсигарни енгига артди. — Кўнгилсизлик бўлишини истамайман, Рейн. Бор умидим сендан. Балки, тобутни кўмдирмасдан олдин текшириш керакмиди.

— Ўтган ишга салавот.

— Шундай.

Орага узоқ жимлик чўқди. Мен ўрнимдан турдим.

— Жаноб Жефферсон билан гаплашиб кўраман.

— Демак, қўнғироғингни кутаман. Рухсат олсанг, бас, тобутни очдирман.

— Бўпти.

— Эсингда бўлсин, Рейн, полиция маҳкамасида ишончли дўстинг бор. У билан ҳамиша тил топиша оласан. Унутма.

— Агар сен эсдан чиқармасанг, мен ҳамиша ёдда тутаман. Биз ишлашиб кетамиз, шундай эмасми?

Мен ташқари чиқдим, ташвишли шубҳалар хуружида машинага қараб юрдим. Рулга ўтириб, сигарета чекдим, ўйланиб қолдим. Аввалига идорага боришига қарор қилдим. У ерда ҳеч нарса бўлмаганмикин, олдин билиш зарур. Идорадан Жанет Вестга сим қоқиб, чол мени қабул қиласими, йўқми, аниқлаш мумкин.

Идорага келдим, машинани пастда қолдирдим-да, бешинчи қаватга кўтарилидим. Эшикни очарканман, нариги хонадан Жей Вейднинг овози эшитилди. У котибасига ниманидир айтиб ёздиради. Ерда анча хат сочилиб ётарди. Уларни йиғиштириб, чанг босган столга ташладим. Хонанинг ҳавоси димиқсан эди. Деразани кенг очишга тўғри келди. Кулоқча яна Вейднинг овози чалина бошлади. Столимга ўтириб, хатларни кўздан кечира бошладим. Фақат учта хат ишга алоқадор экан. Қолганларини саватга ташласа ҳам бўлади.

Кейин Ж. Вильбур Жефферсон қароргоҳига сим қоқдим. Саркаш дарбон “қўнғироқ қилаётган ким?” — деб сўради. Мен ўзимни танитдим. Бир оз жимлиқдан сўнг гўшакдан Жанет Вестнинг овози жаранглади.

— Жаноб Жефферсоннинг котибаси гапиряпти. Жаноб Рейн, сизмисиз?

— Ҳа, менман. Жаноб Жефферсонни кўрсам бўладими?

— Албатта, бўлади. Сиз бугун соат учда келишингиз мумкин.

— Бўпти, келаман.

— Бирор нарса аниқлай олдингизми? — унинг овозида на ташвиш, на саросималик бор эди.

— Бораман, — дедим-да, гўшакни илдим.

Соат бирга йигирма дақиқа қолганди. Ичим фўлдуради. Пасаденага келгач, Гонконгни кўмсаб қолдим. Бу ерда хитой овқатлари етишмасди. Спарроу сэндвичлари унча ўзига тортмас, лекин меъдам овқат сўрарди.

Жефферсонга нималарни гапириб беришни ўйлаб олдим-да, идорамни ёпиб, қаршидаги емакхонага тушдим. Спарроу йигирма дақиқа давомида мени ўш хитой қизлари ҳақидаги ҳикояси билан овунтирди. Хитой овқатларидан кейин пиво билан гамбурглар меъдамга ошиқча юқдек бўлиб туюлди.

Коринни тўйғазгач, уйга қайтдим. Соқолни олдим, ювиндим, кийимимни алмаштириб, йўлга чиқдим.

Ҳамон ўша саркаш ва индамас дарбон эшикни очди. У мени тўғри Жанет Вест хонасига бошлаб борди. У жуда ранг-рўйсиз, уйкудан қолганга ўҳшаб, кўзлари тагида қора доиралар кўринарди. Фақат лаблари жилмайган Жанет мени ўрнидан туриб қарши олди.

— Кираверинг, Жаноб Рейн. Марҳамат, ўтиринг.

Мен таклифни такрорлатиб ўтирмадим. Дарбон жимгина фойиб бўлди. Саҳнада Гамлетнинг отасининг руҳи шундай фойиб бўлади.

Жанет ўтиреди, нимжон қўлларини қоғозлар устига қўйди-да, ташвиш билан кўзимга қаради.

— Яхши бориб келдингизми? Жаноб Жефферсон сизни ўн дақиқадан кейин қабул қиласми.

— Ҳа, сафарим яхши ўтгандай бўлди, — мен ҳамёнимдан Фрэнк Беллинг суратини чиқариб, унинг олдига ташладим. — Буни менга сиз бергандингиз, эсингиздами? Бу Герман Жефферсоннинг сурати дегандингиз.

Жанет суратга қаради. Юзи қилт этмади. Менга боқди.

— Ҳа, эсимда.

— Мен бу суратни жаноб Жефферсонга кўрсатмоқчиман, мени чалғитганингизни айтмоқчиман.

Жанет кўзини мендан олиб қочиб, ўз қўлларига қаради.

— У тирик эмасми? — деб сўради.

— Германми? Ҳа, энди тирикмас.

Бир сесканиб тушди, қотиб қолди. Нигоҳини аста кўтарди. Ранги оқариб кетган, қараши маъюс эди.

— Нима бўлди?

— Сиз унинг гиёҳвандлик моддалари олиб-сотиш билан шуғулланишини билармидингиз?

— Билардим.

— Уни фош қилишди. Қаллоблик қилмоқчи бўлди, лекин эплай олмади. Сиз қаердан биласиз?

Жанет анча вақт жим қолди.

— У менга айтганди, — деди Жанет ҳоргин товушда. — Биласизми, мен тен-так уни яхши кўриб қолгандим. У бундан фойдаланиб қолди. Мен аҳмоқона иш қилдим. Аёллар баъзан эркакларни деб жиннилик қилишади. Ўша эркак бунга арзимаса ҳам.

— Мени нега алдадингиз?

— Жаноб Жефферсонни авайламоқчи бўлдим. У жуда олижаноб инсон. Бошқа бунаقا одамни учратмаганман. Контрабандачи ўғли ҳақида унга ҳақиқатни айтишга ботинолмадим.

— Бу сурат қўлингизга қаердан тушиб қолди.

— Уни менга Герман юборган эди. Отасига йилда бир мартагина хат ёзарди, мен эса ундан тез-тез мактуб олиб турардим. — У тутилиб қолди, кейин куч тўплади-да, давом этди. — Ўзингиз билсангиз керак, биз бирга яшар эдик. Ундан болам бор эди. Ўта ярамас одам эканини билсан ҳам уни севардим. У менга ўзи учрашиб турган кишилар суратини тез-тез юбориб турарди. Улар орасида хитой қизларнинг суратлари ҳам бўларди. Менинг қийналишимни, куйишимни яхши биларди. Биларди-ю, шундан завқланарди. Бирдан менга Беллингнинг суратини юборди. Иккаламиз бир иш бошламоқчимиз деб ёзди. Иш бошлаш учун минг доллар қарз беришимни сўради. Мен юбормадим. Кейин бошига ташвиш тушганини ёзди. Хатида контрабандачилар билан ўралашиб қолганини, улар ўлдирмоқчи бўлишаёттанини ёзди. У яшириниб яшашга мажбур экан. Герман менга Беллинг ўлганини хабар қилди. Лекин гиёҳвандчилар Германни ўлди деб ҳисоблашаркан. Хотиним Беллингнинг жасадини олиб боради, деб мени огоҳлантириди. Бу контрабандачиларни Германнинг ўлганига ишонтиришнинг бирдан-бир имконияти экан. Улар шундагина Германни таъқиб қилишмас эмиш, — Жанет ожизона қўлларини силкиди. — Унинг бу қадар паст кетгани менга катта зарба бўлди. Жаноб Жефферсон бундан хабар топишини сира истамасдим. Бундай қилиш яхшимас. Лекин нима ҳам қила олардим?

Мен индамадим, Жанет сўзида давом этди:

— У менга бир хитойнинг манзилини маълум қилди. Уни Вонг Хо деб аташаркан. Бирор нарса юз берса ўша одам номига хат ёзишимни тайинлади. Унинг хотинини ўлдиришгач, жаноб Жефферсон сизни Гонконгта юбораётганини айтди. Мен Вонгга хат ёзив уни огоҳлантиридим. Сизга Беллингнинг суратини бериб юборганимни ҳам айтганман. Жаноб Жефферсонга бор гапни айттолмаслигимдан ўзим даҳшатга тушардим.

— У ҳозир буни билиб олади. Мен ҳақиқатни яшира олмайман.

— Нега яширолмайсиз? — у менга томон сурилди. Ўлими олдидан ўз ўғлиниг яхши одам эканига бўлган ишончни барбод қилишнинг нима кераги бор?

— Бу унчалик оддий иш эмас. Тобутни текшириш керак. Полиция шундай қылмоқчи. Буни яшириб бўлмайди, — синов назари билан Жанетга қарадим. — Сизнинг ёнингизни оламан — қўлимдан бошқа иш келмайди.

Эшик тақиллади. Дарбон кирди.

— Жаноб Жефферсон сизни қабул қилишга тайёр, — деди у. — Юринг.

Мен унга эргашдим. Жанет фамгин деразага қараб қолди. Ж. Вильбур Жефферсон ҳамон ўша биринчи учрашувимиздагидек филдиракли креслода ярим ётган ҳолда ҳаракатсиз ўтиради. У ёнидаги стулга ишора қилди.

— Мана, бориб ҳам келдингиз, — деди у, — демак, менга бирор нарса айта оласиз.

Мен ўтирудим.

— Айта оламан... Лекин, афсуски, сиз эшитишингиз маъқул бўлмаган нарса. Бу машъум фожианинг сабабини билиш учун сиз мени Гонконгта юборган эдингиз. Мен сизнинг топшириғингизни бажардим.

У синов назари билан менга қаради, елкаларини қисди.

— Кани, гапиринг бўлмаса. Нималарни билиб келдингиз?

Мен Гонконгда юз берган воқеаларни, Германнинг аянчли қисматини умумий тарзда гапириб бердим. Унинг ҳалокатига батафсил тўхталиб ўтирамадим. Полиция денгиздан жасад топиб олибди, деб қўя қолдим.

Жефферсон яхшилаб парвариш қилинган гулзоридан кўзини узмай, гапларимни тингларди. Мен гапимни тугатмагунча индамай турди. Кейин:

— Энди нима қилиш керак экан? — деб сўради.

— Полиция тобутни очиши керак деяпти. Сизнинг рухсатингиз керак экан.

— Майли. Калитни сизга Вест хоним беради.

— Мен ўғлингиз жасадини бу ёққа юборишилари ҳақида келишганман. У ҳафтанинг охирида етиб келади.

— Ташаккур, — деди қария лоқайдлик билан.

Орага узоқ жимлик чўқди. Мен оёғим остига қараганча кутардим, чол олислардан кўз узмасди.

— Менинг Германим шу қадар паст кетади деб сира ўйламагандим, — деди у ниҳоят. — Гиёҳванд — қора дори сотувчи... Жирканч махлук.

Мен финг демадим.

— Нима ҳам дердим? Эҳтимол, ўлим гуноҳларини ювиб кетар. Энди унинг хотини ҳақида. Уни ким ўлдирганини аниқлай олмадингизми?

— Ҳозирча йўқ. Мен бу иш билан шуғуланишимни хоҳлайсизми?

— Бўлмасам-чи? — Албатта, ўғли ҳақидаги хаёллар уни қийнаётганди. — Агар сизга бирор нарса, айтайлик пул керак бўлса, Вест хоним топиб беради. Шу ишни охирига етказинг. Қотилни топинг.

— Менга даҳманинг қалити керак эди. Яна бир савол, жаноб Жефферсон. Сизнинг ўғлингиз ҳалок бўлди — меросхўрингиз ким бўлади?

У сесканиб тушди. Менга ғазаб билан қаради.

— Сизнинг нима ишингиз бор?

— Бу сирми? Ундай бўлса, кечирасиз.

Жефферсон ҳўмрайди, креслонинг тирсагига суюниб турган қўллари қалтирарди.

— Ҳеч қанақа сир-пири йўқ, лекин сиз нега бу ҳақда сўраяпсиз?

— Агар Германнинг хотини тирик бўлганида, сиз ўз васиятномангизда унинг номини тилга олармидингиз?

— Албатта. Ўлемминг хотини унинг ҳиссасини тўлиқ оларди.

— Бу катта маблағми?

— Мулкимнинг тенг ярми.

— Ха, каттагина ҳисса. Қолганини ким олади?

— Вест хоним.

— Демак, энди унинг ҳақи икки баробар кўпаяркан-да?

У ўйчан қўзларини менга тикди.

— Жуда тўғри. Лекин сиз менинг шахсий ишларим билан нега бунча қизиқиб қолдингиз, жаноб Рейн?

— Ишим ўзи шунаقا, — дедим-да, уни тарк этдим.

Вест хоним ишга кўмилиб ўтирган экан. Мени кўриб, ишдан бошини кўтарди.

— Келинг, жаноб Рейн, — унинг овози бегона ва совуқ эши билди.

Мен кирдим.

— Менга даҳманинг қалити керак. Полиция тобутни очиб кўрмоқчи. Мен лейтенант Ретникка қалитни олиб келаман деб ваъда бергандим. Жаноб Жефферсон рози бўлди.

Жанет стол тортмасидан қалитни қидириб топди-да, менга узатди.

— Мен унга ҳаммасини гапириб бердим. У бунга жуда оқилона ёндашди.

Жанет елкаларини қисди.

— Энди-чи?

— Энди у Жо-Эннинг қотилини топишими талаб қиляпти. Шу иш билан шуғулланишга тўғри келади.

— Нима қилмоқчисиз?

— Ҳар қандай қотилликнинг маълум сабаби бўлади. Ушбу қотилликнинг ҳам сабаби борлигига шубҳа қилмайман. Бу борада менинг баззи муроҳазаларим ҳам йўқ эмас. Бўпти, бошқа вақтингизни олмайман. Ишларни тугатгач, қалитни қайтариб бераман.

Жанет яна қофозларга шўнғиди. Дарбон эшикни очди. У менга ҳеч нима демади. Менинг ҳам унга айтадиган гапим йўқ эди. Машинага қараб борарканман, деразадаги парданинг енгилгина тебранганини сездим.

Вест хоним мени кузатарди.

2

Лейтенант Ретник ва сержант Пальский машинадан қабристон эшиги олдида тушишди. Мен уларни шу ерда кутардим.

— Мозорларга киришни жинимдан ёмон кўраман, — деди Ретник, оғзидан сигарани олмай туриб.

— Эртами ёки кечми, ҳаммамиз шу ерга келамиз, — дедим мен. — Мана шу ер сенинг келажагинг ва доимий умргузаринг.

Биз дарвозадан ичкари кирдик ва ҳар икки томонида салобатли ёдгорликлар савлат тўқиб турган кенг йўл билан юриб кетдик.

— Ҳув авали ерда, — деди Пальский ўнг томондаги хиёбонни кўрсатиб. — Четдан тўртинчи.

Биз ўша хиёбонга бурилиб, ўта салобатли мармар сағанага яқинлашдик.

— Мана, — деди Пальский, мен узатган қалитни оларкан.

— Қария Жефферсон ўзини қандай тутди, — сўради Ретник, сағанага қараб бораётган Пальскийга зидан қараб. — Гаров ўйнайман, ярамас, у сенга бир неча ёқимли сўз айтгандир.

— Вой-бўй, — бақирди Пальский бизга серташвиш юзини ўгириб. — Бу ерда бизгача кимдир бўлганга ўхшайди.

Ретник олдинга чопиб кетди. Мен унинг орқасидан югурдим. Пальский даҳманинг эшигини очиб юборди. Кулф синдирилган эди. Эшикда мисранг излари қолганди. Мармар синдирилган, ерда парчалари ётарди.

— Ҳеч нарсага тегма, — огоҳлантириди Ретник Пальскийни. — Қўриш керак.

У қўл чироғи ёруғида сағананинг ичини ёритди. У ерда супачаларда тўртта тобут турарди. Биттаси — энг пастдагисининг қопқоғи ёпилмаганди. Қопқоқ деворга сүёғлиқ турарди. Биз сағананинг ичига кириб, тобутга мўраладик. Унинг тагида қўрғошин гўла ётарди. Бошқа ҳеч нарса йўқ эди.

— Вой, Худойим-эй, — минғирлади Ретник. — Кимдир жасадни ўғирлаб кетганга ўхшайди!

— Балки у ерда жасад умуман бўлмагандир? — дедим мен.

У менга ўғирилди, юзи фазабдан бужмайиб кетганди.

— Нима деяпсан? Сен мендан нимани яширяпсан?

— Билган нарсамнинг ҳаммасини сенга айтиб бердим. Лекин, сал-пал мияни ҳам ишлатиш керак-да.

Ретник ғазаб билан Пальскийга қаради.

— Мана бу қутини маҳкамага олиб бор, у ердагилар ҳам бир кўришсин. Балки бармоқ изларини топишар. Ҳозирча мен мана бу доно палид билан сайр қиласман, — деди у ва қўлтиғимдан олди. Биз сағанадан чиқдик. Пальский хиёбон бўйлаб машинага югуриб кетди, у рация орқали полиция маҳкамаси билан боғланиш ниятида эди. У биздан анча узоқлашиб, гапимизни эшитмайдиган масофага етгач, Ретник қандайдир мозор устига чўкиб, оғзига сигара қистирди.

— Қани, ярамас, гапир-чи, нимани ўйлаяпсан?

— Ҳеч нарсани ўйлаётганим йўқ. Лекин ҳозир сен кимнингдир хотини, эри ёки онаси қабри устида ўтирганингдан ташвиш тортмаяпсанми?

— Кимнинг устида ўтирганим билан неча пуллик ишинг бор? — тўнғиллади Ретник. — Бугун эрталаб менга ҳоким, амалдор қайнағам кўнғироқ қилди. Бу ишни қачон бирёзлик қиласан, деб шоширяпти, — у афтини буриштириб сигарасини чайнади. — Бу нарса сенга ёқадими? Ҳатто ўз қариндошим ҳам менга зуғум қиласди.

— Алам қиласди.

— Сен нима деб ўйлайсан, тобутда нега жасад йўқ?

— Умуман, шундай бир тасаввурим бор. Беллингнинг жасади деярли ёниб кулга айланганди. Уни ўғирлашнинг нима кераги бор? Барибир уни ҳеч ким таний олмасди. Сағанани бузиб, жасад қолдиқларини ўғирлаш кимга керак бўлиб қолди? Умуман, бу жасад ҳаётни хавф остида қолдиришга арзирмиди? Ўйлашимча, тобутда жасад бўлиши керак эди, лекин кимнинг жасади? Мен биламан, унда Германнинг жасади йўқ эди. Энди ишончим комилки, тобутда умуман жасад бўлмаган. Тобутга қўроғшин солишган. Жасад бўлмаган.

Ретник ўйланиб қолди.

— Унда, менга айт-чи, бу ерга бурнини тиқишириш қайси масхарабозга керак бўлиб қолди?

— Рост айтаяпсиз, — дедим мен. — Лекин сизни бунчалик миясиз деб ўйламаган эканман. Бу шундоққина кўриниб турган нарса-ку!

Ретник алам билан менга қаради.

— Нимага қувонаяпсан? — бақирди у.

— Тобутда героин бўлган! Икки минг унция. Бу, ахир, ажойиб маҳфиятхона-ку! Гонконгдан бу ёққа яширин мол юборишининг ажойиб усули-ку, бу!

Ретник ўрнидан туриб кетди.

— Ҳа, бу гапингда жон бор! Биз жиноятнинг изига тушганга ўхшаймиз!

— Жефферсон гиёҳвонни ўғирлайди, лекин қалтис ишга кўл урганини тушуниб қолади. У Гонконгдан чиқиб кетолмайди. Чунки контрабандачилар уни пойлаб юришибди. Шунча миқдордаги героин эвазига бир қоп тилла олиш мумкин. Жефферсон ташкилотни алдамоқчи бўлади. У бир ўқ билан икки қарғани уришга муваффақ бўлади. У Жо-Энни эрининг жасадини юртига олиб келиш учун отасидан пул сўрашга мажбур қиласди. Эслагин, унинг ўзида пул йўқ эди. Героинни тобутда юбориш учун кекса отасининг маблағидан фойдаланиш, айни чоғда контрабандачиларни ўзининг ўлимига ишонтириш — катта гап, Германнинг зукколигига тан бермай иложинг йўқ. Тобутга Беллинг жасадини қўйишади, Америка ваколатхонаси уни жўнатишга рухсатнома беради. Маълум бир пайтда тобутдан жасадни олиб, денгизга ташлаб юборилади. Унинг ўрнига гиёҳвон билан қўроғшин солинади. Жефферсон Гонконгдан чиқиб кетолмаган. Лекин у хотини ва героин хавфсиз жойдалигига ишонч ҳосил қиласди.

— Бу сабилни ким ўғирлаши мумкин? — сўради Ретник.

— Мен қаёқдан биламан? Маккартининг айтишига қараганда, Жефферсоннинг жасади таниб бўлмас даражада дабдала қилинган. Эҳтимол, ташкилот ундан героиннинг қаердалигини билиб олган ва бу ерга ўз одамини юборган. Сағанани ўша одам бузган ва гиёҳвонни ўғирлаб кетган бўлиши мумкин. Яна билмадим.

Ретникнинг юзи ёришгандай бўлди.

— Оқилона гап. Унда бу менинг ишим эмас-ку, нима қиласман бошимни оғритиб. Гиёҳвандлик моддалари бўлими бош қотирсин бу ҳақда. — У яйраб жилмайди. — Кучни бехуда сарфлашнинг ҳеч маъниси йўқ. Баъзан ўзингни тен-так қилиб кўрсатсанг ҳам миянг зўр ишлайди сенинг.

— Лекин ҳалиги хитой аёл нега менинг идорамга келгани ва уни нега ўлди-ришганини ҳануз аниқлаганимиз йўқ.

Ретникнинг юзидағи табассум сўнди, қовоғи осилди.

— Ҳа, бу ёғи бор.

— Менимча, қотилликнинг героинга асло алоқаси бўлмаган. Жо-Эн қария Жефферсон пулининг тенг ярмига эта бўлиши керак эди. Бугун у буни ўзи ҳам тасдиқлади. Шунингдек, мен шуни ҳам аниқладимки, чол ўлгач, унинг котибаси Жанет Вест Жефферсоннинг ягона меросхўри бўлиб қоларкан.

Ретник менга хўмрайди.

— Жанет ўлдирган деб ўйлайсанми?

— Йўқ, унда деб ўйлайтганим йўқ, лекин унда бунинг учун ўн миллион долларлик асос бор эди. Мен сенга айтган эдим-ку: унинг шуҳратпаст шериги бўлиши мумкин эди. Аммо бундай тасаввур у қизнинг менинг идорамга қандай келиб қолганини ойдинлаштирумайди.

Ретник бошини қашиди.

— Балки, хитой хонимнинг бу ерда шериги бор-йўқлигини аниқлаш керакдир, — деди қатъятысизлик билан Ретник.

Уни Пальский чақириб қолди.

— Тўхтаб тур, ярамас, чақиришяпти, — у шундай деди-да, хиёбон бўйлаб тез юриб кетди. Пальский унга телефон гўшагини тутқазди.

Соат беш ярим бўлганди, лекин мен идорага бордим. Нега бундай қилдим, ўзим ҳам билмайман. Идорада ишим йўқ эди, аммо уйга ҳам қайтгим келмасди. Мен эшикни очиб ичкари кирдим, дераза олдига бориб, унинг табақаларини очиб юбордим. Ўтириб чекдим, девордаги тақвимни кўздан кечира бошладим.

Жанет Вест эсимга тушди. Кейин сирли Жон Хардварни эсладим. Балки, ўзини Хардвар деб атаган одам Жанетнинг шеригидир. Балки, Герман Жефферсоннинг хотинини ўша ўлдиргандир? Агар шундай бўлса, нега энди у бу ёвуз иши учун менинг идорамни танлади ва мени ўз жиноятига аралаштиришга уриндийкин?

Мен негадир Жанетни қотиллик иштирокчиси сифатида сира тасаввур қиломасдим. Жанет унақа одам эмас. Лекин ўн миллион доллар хўрак бор эди-ку, ахир. Эҳтимол унинг шериги ўз ниятларини айтиб ўтиргандир. Эҳтимол...

Жей Вейднинг овози эшитилди. Хаёлларим бўлинниб кетди.

— Мен кетяпман, — деди у. — Эртагача, — очиқ деразадан унинг гапи аниқ эшитилди. Унинг хонасидан чиқиб кетганини ҳам эшитидим. Менинг хонамга мўраласа керак деб кутиб турдим. Лекин у бундай қилмади. Оғир-оғир босиб хонам ёнидан ўтиб кетди. Бир оздан кейин лифтнинг юргани эшитилди.

Хаёлларим яна мени чулғаб олди.

Мен терсайиб ўтирас, мени қийнаётган жумбоқларга жавоб топишга уринардим. Бирдан қулоғимга узоқдан самолёт двигателининг овози эшитилгандай бўлди. У кучайиб борди-да, кейин эшитилмай қолди. Ўтирган жойимда бутун вужудимни қулоққа айлантириб тинглай бошладим. Ердан парвогза кўтарилаётган реактив лайнернинг шовқини эшитилди. Эсимга тушди. Жон Хардвар Коннот хиёбонида бўш ҳовли ёнида айғоқчилик қил деб телефон қилганида айни шундай овоз эшитилганди. Мен чақонлик билан ўрнимдан турдимда, қулоқ солдим. Деразамдан аэропорт шовқини бостириб кирди. Шубҳа йўқ. Бу шовқин Вейднинг хонасидан эшитиларди. Мен даҳлизга чиқдим, юрагим гупиллаб ура бошлади. Секин, овоз чиқармай Вейд идорасининг эшигига яқинлашдим, дастани бураган эдим, у очилиб кетди.

Вейднинг котибаси, қаламуш башарали, кўзойнак тақсан қиз магнитофон устига энгашиб турарди. Айни шу магнитофонни мен Вейднинг столида кўрган эдим. Тасма ғалтакка ўралар, хона учеб кетаётган ва аэропортга қўнаётган самолётлар шовқинига тўлиб кетганди.

— Мен идорани аэропортга айлантирибсизлар деб ўйлабман, — дедим мен.

Котиба шошиб магнитофонни ўчирди-да, менга ўгирилди. Кўрққанидан ранги кув оқарганди.

— Мен сизни кўрқитмоқчи эмасдим, — дедим мен кулиб, — қандайдир шовқинни эшишиб, қизиқиб қолдим.

— Ҳалиги... У бир оз тинчлангандай бўлди. — Мен...Мен бу ерда нима ёзилганини билмоқчи эдим. Жаноб Вейд ҳозиргина уйига кетди.

— Қайта кўйинг-чи, ажойиб ёзув экан.

Котиба каловланиб қолди.

— Йўқ. Мен... Мен қўймаганимиз маъкул деб ўйлайман. Жаноб Вейд уришади.

— У уришмайди, — мен столга яқинлашдим. Котиба ўзини четга олди. — Ажойиб машина бу. Ўраш тугмачасини босдим, лента қайта ўралди. Овоз бериш тугмасини туртдим. Аэропортга хос таниш овоз эшитилди. Икки дақиқача эшиздим-да, магнитофонни ўчирдим. Котиба қизга қараб жилмайиб қўйдим.

Мен жуда ҳам ҳаяжонланиб кетдим: ниҳоят, сирли Жон Хардвик топилган эди. Бу жумбоқ тақдирнинг беадад муждаси ва қўрқувдан қалт-қалт титраётган мана бу қизнинг қизиқувчанлиги туфайли ечилди.

— Жаноб Вейд эртагача қайтмайдими?

— Йўқ.

— Жуда соз. Демак, мен уни фақат эртага кўраман. Хайр.

Мен Вейд идорасидан чиқиб, ўз хонамга қайтдим. Стол ёнига ўтириб, ҳаяжондан қалтираётган кўлларим билан гугурт чақиб, сигаретни тутатдим.

Шу тахлитда ярим соатча ўтиридим. Кейин, соат миллари олтидан ошганидан сўнг котиба қиз идорани беркитганини эшиздим. Даҳлиза пошналар тақиллаши эшитилди. Лифт очилиб-ёпилди. Мен кутиб турдим. Даҳлиза турли идора ҳодимларининг овозлари эшитилди. Яна бир оз кутдим. Шундагина бино бутунлай бўшаб қолганини ҳис қилдим. Ўрнимдан туриб даҳлизга чиқдим. Кўшни хоналарда чироқ кўринмасди. Ҳаракат қилиш пайти келди.

Хонамга қайтиб, столим тортмасидан қалитлар боғламини олдим. Вейд идорасини очишга бир дақиқа ҳам кетмади. Ичкари кириб, эшикни ёпдим. Ҳамма ёқни кўздан кечирдим. Девор ёнида каттагина яшил темир жавон турарди. Қулфини қарадим. Мендаги қалитларнинг њеч қайси бири унга тушмасди. Ўз ишхонамга қайтдим, асбоб-ускуналарни олиб, яна Вейднинг хонасига кирдим.

Жавонни очишга ўн беш дақиқача уриндим, қулф сира бўй бермасди. Уни бузсаммикан деб ўйладим. Кейин бу фикримдан қайтдим. Бошқа хонани кўздан кечирдим. У ерда стол, ёзув машинкаси, кресло ва айланувчан кути бор эди. Кутига қарадим, қофозга тўла. Мен излаётган буюм ўша темир жавонда бўлиши керак. Магнитофондан аэропорт шовқини ёзилган кассетани олдим. Кутилардан биридан топилган бошқа тасмани магнитофонга қўйдим. Кетишдан олдин чироқни ўтиридим, эшикни очиқ қолдиридим.

Кейин кассетани яхшилаб яширдим, телефон китобидан Вейднинг манзилини топдим. Унинг хонадони Лауренс-авенюда, идорадан ўн дақиқалик йўлда жойлашган. Қўнғироқ қилдим, уйидан њеч ким жавоб бермади.

Ретникка қўнғироқ қилсан-чи? Лекин ўлжани унга бергим келмасди. Бунинг устига хато бўлса-чи? Тўғри, бунақаси бўлиши қийин. Аввал Вейд билан гаплашишга, кейин Ретникка сим қоқишига қарор қилдим.

Вейдга қайта-қайта телефон қиласвердим. Соат тўққизлардан кейин менга жавоб беришди.

— Бу Нельсон Рейн.

— Алло, бу сизмисиз? — ҳайратланиб сўради у. — Қандай хизмат бор. Яхши бориб келдингизми?

— Нимасини айтасиз, жуда зўр бўлди. Мен ҳозир идорамдаман. Бир нарсанни эсдан чиқарган эканман, шунга қайтиб келувдим. Бундек қарасам сизнинг эшигингиз очик, чироқ ўчган. Котиба кетибди. Эшикни беркитишни унуганга ўхшайди. Агар хўп десангиз, қоровулга айтаман, эшикни беркитсан.

— И-е, фалати-ку, — деди у анча жимлиқдан кейин, — яхшиси ўзим бораман.

— Ўғрилар кирмаган бўлса керак.

— Менда магнитофон ва машинадан бўлак ўғирланадиган ҳеч нарса йўқ. Яхшиси, ўзим тезда бора қоламан.

— Ўзингиз биласиз. Агар истасангиз, қоровулга айтишим мумкин.

— Йўқ, кераги йўқ. Ўзим бораман. Ҳайронман, қандай қилиб ёпишни унуган бўлиши мумкин. Аввал ҳеч бунақаси бўлмаганди.

— Эҳтимол, ошиқ бўлиб қолгандир? — дея кулдим мен. — Майли, мен кетајман. Мендан бирор ёрдам керакмасми?

— Йўғ-е, ташаккур сизга. Кўнгироқ қилганингиз учун раҳмат.

— Ташибиши тортманг, ҳозирча.

Мен гўшакни илиб, чироқни ўчиридим, ўз идорамни беркитиб, Вейд хонасига ўтдим. Котиба хонасицаги столга ўтиридим. Тўппончамни олдим, сақлагич тепкисини суриб қўйдим.

Ўн дақиқа ҳам ўтар-ўтмас, лифтнинг тепага кўтарилаётгани эшитилди. Ўтирган жойимдан сакраб турдим-да, эшик орқасига беркиндим, қўлимда тўппонча шай турарди. Шошилаётган қадам товушлари. Чироқ ёнди, эшик ёпиди. Мен ички хонада, ёпиқ эшик тирқишидан қараб турибман. У тўхтади, уёқ-буёқча аланглади. Мен яширган хонага қараб юра бошлади. Очилган эшик мени пана қилди, у хона ичига мўралади-да, ўз иш жойига қайтди. Калит шиқирлади, қулф “ширқ” этди. У темир жавонни очди, чамамда.

Мен эшик ортидан чиқиб келдим. У жавон ёнида тиз чўкиб турарди. Жавоннинг икки қават қопқоқлари очик. Унинг ичи турли-туман нарсалар билан тўла эди.

— Героинни ўғирлашмаптими? — сўрадим хотиржамлик билан.

У сесканиб кетди, шошилмасдан ўтирилди, менга кўзи тушди. Мен тўппончам билан ўқталиб, тур ўрнингдан деган ишорани қилдим. Ранги оқарив кетди. Инқиллаб ўрнидан турди.

— Сиз бу ерда нима қиляпсиз? — сўради Вейд хирилдоқ овозда.

— Жавонни очмоқчи бўлдим, лекин қулфи жуда маҳкам экан, — дедим мен ундан кўз узмасдан. — Шунинг учун ҳам сизни чақирдим, мен учун очиб бермайсизми деб. Энди бир чеккага туринг-да, қимирламанг.

— Нега энди? — чинқирди у столга томон сурилиб, сўнг креслога ўтиреди. Қўллари билан юзини беркитиб олди. Мен жавон ичига мўраладим. Унинг ичига элликтача яхшилаб ўралган боғлам ётарди.

— Булар Жефферсон ўғирлаган гиёҳвонларми? — сўрадим мен стол четига ўтираканман.

У тер босган юзини артди.

— Ҳа. Улар менда эканлигини сиз қаердан билдингиз?

— Сиз магнитофонда аэропорт ёзувини эсдан чиқардингиз. Котибангиз уни кўйган эди, мен эшитиб қолдим. Шунда ҳамма нарса жой-жойига тушди-қўйди.

— Хотирам ҳамиша менга панд берарди. Тақдирга хато қилиш ёзилган бўлса, албатта, янгилишасан. Гонконгта боришинингизни эшигандадаёқ ишим пачавалигини сезган эдим. — У ҳорғин кўзларини менга қадади. — Менга олиб келадиган сўқмоқни, албатта, топиб келишинингизни ўшандаёқ билгандим. Сизнинг жўнаб кетишингиз аниқ бўлгач, шу қадар телбалашдимки, ҳатто қотил ёлладим. Менинг қанақа ҳолатда бўлганимни сиз яхши тушунсангиз керак. Лекин қотил ҳам ҳеч нарса қиломади. Мен вақт ўтиши билан барибир фош бўлишимни тушуниб етдим. Аҳмақона ўжарлик, умид қилиш ва кутишдан бошқа иложим йўқ эди.

— Агар бу сизга далда берадиган бўлса, айтишим мумкин, сиз хоҳлаган нарсангизга қарийб эришдингиз. Мен Жефферсоннинг котибасидан гумон қилиб юргандим. Қаттиқ янгилишишмга салгина қолганди.

— Мен ҳам шуни ҳисобга олганым-да. Шу боисдан сизга унинг Герман билан бўлган севги саргузаштларини гапириб бергандим. Лекин мен Гонконгда сиз уни ахтариб топишингизни ва дарҳол мендан шубҳаланишингизни ҳам тушинардим.

— Жо-Эн герионни олиб келишини сиз қаердан билардингиз?

— Ҳаммаси ташкиллаштирилганди. Мен сизга Герман ҳақида гапириб берганларим ҳаммаси ҳақиқат эди. Фақат бир нарсани — Германни ёқтиримасдим деб ёлғон гапиргандим. Биз қалин дўст эдик. Ҳамиша алоқа боғлаб турардик. Сўнгги икки йил ичида мен корхонамни зўрга асраб турардим. Ишбилармонлик соҳасида ўта нўноқ эдим. Шунинг учун ҳам Герман билан дўст тутиндим. Унинг кўлидан ҳам ҳеч нарса келмасди. Ишларим борган сари чатоқлашиб борар, мен пулга жуда зор бўлиб тургандим. Шунда бирдан Германдан хат келиб қолди. У кўлида анчагина героин борлигини хабар қилганди. Уни сотиб олмайсанми, деб сўраганди. Менинг кимё саноати билан алоқадорлигим героинни пуллаш имконини берарди, лекин пулим йўқ эди. Герман ўз қийинчиликларини айтиб, ўйламасдан иш қилган эди. У агар Жо-Эн сохта паспорт учун пул тополмаса, бир неча ҳафта ичида уни ўлдиришлари мумкинлигини ёзганди. Унинг хабар қилишига қараганда, уни контрабандачилар таъқиб қилишаётган экан. Героинни асли ўшалардан ўмарган экан-да. Энди улар агар Германни топишса, ўша заҳоти ўлдиришлари турган гап экан. Шунда мен тақдир қўлимга мўмай даромад бераяпти-ку, деб ўйладим. Зоро, героинни жуда катта фойда билан сотиш мумкин эди. Шу сабабдан мен молни сотиб олишга тайёрман деб ёздим. Биз келишиб олдик: Жо-Эн аэропортдан тўғри менинг олдимга келади, молни топширади-да, пулни олади. Герман унинг қайси самолётда келишини айтмади. Унинг изига тушишмасин деб, мен ҳам сўрашга журъат этмадим. Ахир қотиллик қилиш керак эди-да! — ўзининг қалтираётган бақувват кўлларига қараб кўйди.

— Тан оламан, хитой аёлни ўлдириш ножӯя иш эмас деб ҳисоблагандим. Лекин жасадни қаерга қўйишини ўйлаш керак эди. Шунда мен уни сизникига ташлашга қарор қилдим. Сизнинг идорангиз менини билан ёнма-ён, бу анча осон кўчади. Сиз хусусий айғоқчисиз. Аёл сизнинг мижозингиз бўлиши мумкин. Полиция тергов олиб боради, сизни қотил деб гумон қилишади, мени ҳеч ким эсламайди ҳам деб ўйладим. Фақат у келганида сиз идорада бўлмаслигингиз керак эди. Менда ғалати бир ёзув бор эди. Уни магнитофонни янги сотиб олганимда ёзган эдим. Аэропортга боришдан кўрқдим, чунки мени сезиб қолишлиари мумкин. Шу боис магнитофондан фойдаланишга қарор қилдим. Шу тариқа сизни чалғитдим. Сиз чиқиб кеттанингиздан кейин роса кулдим. Хитой аёл энди келмаса керак деб ўйладим. Ниҳоят, у келди. У ҳеч нарсадан шубҳа қилмасди. Героин тобутда эканлигини айтди. Уни ўлдиришга сира кўзим қиймасди, — кўзларини юмди. — Шунаقا хушрўй эдик... Мен сизнинг хонангиздан тўппончани олдиндан олиб қўйгандим. У ўз сафари ҳақида гапириб бераркан, мен билдиримасдан стол тортмасидан тўппончани олдим. Кутимаганда у пул талаб қилиб қолди. Бу менга далда берди. Тўппончани кўтардим-да, шартта отиб ташладим, — у бир сесканиб тущди, тер босган юзини артди. — Мен унинг жасадини сизнинг хонангизга олиб ўтдим, креслога ўтқазиб қўйдим. Шундай қилиб, ҳамма иш бўлди, сингил нафас олиш мумкин. Лекин мен ухлай олмадим. Ҳатто героинни ҳам пуллай олмадим. У тўлалигича сейфда турибди. Сизнинг келишингизни зориқиб кутдим. Қайтиб келганингиздан кейин эса сиз билан учрашишга мадорим қолмаганди, — у раҳм-шафқат қилишни сўрагандай термулди. — Энди нима қилмоқчисиз?

У аянч ҳисси уйғотмасди. Бу одам ўз жиноятининг бутун оғирини менинг елкамга ортмоқчи бўлди. Каллакесарни ёллаб, мени ўлдиритирмоқчи бўлди. Германнинг хотинини шафқатсизларча отиб ташлади. Шунинг ўзиёқ унга қаттиқ жазо бериш учун кифоя эди. У Лейланинг ўлимида ҳам, гарчи буни ўзи билмаса-да, айбдор эди. Унинг очкўзлиги ва совуқонлигининг чек-чегараси йўқ эди. У ўз дўстини сотди, гарчи дўсти ҳам ўзига ўшаган муртад бўлса ҳам, унинг қилмиши ўзини оқлашга асос бўлолмасди.

— Полицияга бу ифлос қилмишингизни қандай гапириб берасиз?

Мен телефон гӯшагини кўтардим. Телефон рақамини терарканман, Вейд ўрнидан турди-да, қатъяйтсиз бир ҳолда эшикка йўналди. Уни оёғидан отиб, тўхтатиш мумкин эди. Лекин мен бундай қилмадим. Барибир узоққа боролмайди. Яхиси, Ретник етиб келгунча геройнни пойлаб турганим маъқул.

Мен полиция маҳкамасидаги навбатчи сержантдан Ретникни қидириб тошишни ва менга аскарлар билан машина юборишни илтимос қилдим. Бу пайтда лифт Вейдни биринчи қаватга олиб тушганди. Полиция машинаси сал кеч қолган эди. Лекин ярим соат ичида уни қидириб топишиди. Бич-Драйнинг энг нариги чеккасида, машинада экан. У цианли калий ичибди: кимё саноати ўз ходимлариға ғамхўрлик сифатида унга бериб кўйган экан. Шу тарика у бу дунёни тез ва қайноқларсиз тарк этди.

Мен бўлган воқеаларни гапириб берарканман, Ретник чехрасини қайғу ифодаси тарк этмади.

— Умуман, омадим бор экан, — дедим мен ҳикоямни тугатиб. — Жефферсоннинг котибаси бу жиноятга алоқадор деб қаттиқ ишонган эдим. Кутилмаган тасодиф Вейдни фош этди. Агар у магнитофондан аэропорт шовқини ёзилган тасмани олишни унутмаганда ва унинг котибаси бунчалик қизикувчан бўлмаганида, мен Вейд ҳақида ўйламаган ҳам бўлардим.

Ретник менга сигара узатди.

— Майли, Рейн, — деди у, — сенга имтиёз бераман. Менинг портсигаримдан фойдаланавер. Менинг обрўйим ошди — сеники йўқ. Агар келгусида ҳам мен билан ҳамкорлик қиласман дессанг, панада юрганинг маъқул. Шон-шуҳратимга сени шерик қилмоқчи эмасман.

— Сен мени унутмайсан, мен сени эслаб тураман. Биз иккаламиз ҳам бир мусиқага ўйнаймиз, лекин қўпол ҳаракатлар қилишдан эҳтиёт бўл, лейтенант. Қария Жефферсон ёпиғли қозон ёпиғлигича қолишини истайди. Ўз ўғли ҳақида гап-сўз тарқалиши унинг манфаатига мос келмайди. Агар шуҳратпарастлигинг бундай қайгули далилларни элга ёйишга унласа, ҳеч ким ҳавас қилмайдиган шон-шуҳратта эга бўласан, холос. Ҳали ўзини-ўзи ўлдиргани учун Вейдга раҳмат де.

У нодонларча ерга тикилиб қолди. Мен унинг ўйларига халақит бермадим. Фақат кичкина, оққўнгил хитой қиз Лейлага чин юрақдан ачиндим. У ҳеч эсимдан чиқмасди. Кўчани кесиб ўтганимда ҳам, Сапарроу емакхонасига кирганимда ҳам, бир ўзим овқатланганимда ҳам унинг ёрқин хотираси мени тарк этмасди.

*Русчадан
Файзи ШОҲИСМОИЛ
таржимаси*

